

Hin koorico gaawe meeqqeeqqoona yecheba!

Hin koorico ne dooyee kechichone. Ebich, aalliyaanoon woyee duubeyaanoon meeqqeeqqetaa yecheba. Dabbimm teppeena'o kooricon duubiyaano yeshoch gaacciyeete.

1. Kooricon hanikkoona woyee laastikoona kaappii shiimee yesho.
2. Bullaaboona shuu'ona xalloo tunet xaa'ooch kotiyoo.
3. Kooricon gaache goora kishoo xalloo tunoon xiishoo.
4. Kooricee kaafoochoo tuneba maaci hee'ooch kooree qayo.
5. Worqate kuxoon woyee kaardoon mallettee gedoch gaacho, hee'oon qoddi qayo.
6. Kooricee hee'oon woyee shichoon keexxi woyee kuxxi qayo.
7. Keexet hee'o danegaata wochii yeshiyoo.
8. Kooricon kojje maacooch gedoochaa bi qodeyaacheemmo meeqqeeqqo.
9. Kooricon bare ashich tawushii goora meeqqeeqqee imo.
10. Andire kooricon shiichii bi gubboona kotiyoo. Aroochee wodeyaani hee'eena'on shiichii qechoo. Nibboona hee'eena'on gamichii qechiibee hamo qaawiihe; ebiyoo, koorice kaafe hee'o kaate duubeyaacheemmon tuniie.

Gimo

Hin koorico shabaattinnee kime doyechina'och qanniti Kafi noonee kooricoone. Eb koorico qannito Topphiye daqqoona giiti andire kaarikulemee shaddiye naboona doye ministeeree iibaareyoonaa Kafi guude doye yaabee wullittinoonane.

Eb kooricee maacooch aashire haareena'o beeteete. Eb haareena'o baribare moochaafeena'on yechii giddetina'o tunemmona eboshiichee iibbe shalligeena'on ittoshi doyiyeemmonaa showoon deggeemmonochiye.

Hin koorico shiritte doye baqqe kuxina'on bulle haareena'oochona yechitone. Eb kuxina'o noonee iiqqoonaa noonee ariyoonon uumiyooch giddetina'one. Eboshiyoo, ello, yibbaatoo, shemmo, kooroo, mihe ariyoonaa noonee kocoonaane. Eboshiichee, ello, yibbaatoo, shemmoonaa kooroona noonee iiqqoon ittoshi uumiyeemmoch giddet doye baqqeena'on yechiyeete. Eb baqqeena'ochi doyicheena'o beddaaha noonee iiqqoon uumiye gaboon yeshaa qannitina'one.

Noonee ariyoon uumiyeemmoch degoch giddet baqqeena'o wotta mihe ariyoonaa noonee kocoonaane. Eb baqqeena'o Kafi noonee doyeet miheena'ono tuneba iibbe miheena'ona ittoshi aricheemmoch deggiyeete. Noonee kocoona yeshet baqqo wotta Kafinoonee gaache sheereena'ona ittoshi aricheemmonaa gaacheemmonoch degoch giddetina'one.

Kichoo

Baqqeena'oHee'o

Gimo.....	i
Kichoo.....	iii
HAAROO IKKOO: HALLOON WORGANO.....	1
HAAROO GUTTOO:KECHASHI SHIMI TACHOO.....	13
HAAROO KEEMO: DAAGGII SHUUNO	27
HAAROO AWUDDO:ARICHET ASHEENA'OCHI KASHEE KIINO	42
HAAROO UUCHOO: AACONAA BI GAACOONA	59
HAAROO SHIRITTOO:SHEERAALLI MAXXO	76
HAAROO SHABAATTOO:TOOKKII BEEMO	91
HAAROO SHIMITTOO:NUUSHOONA YECHO.....	109
HAAROO YIIXIYOO:SHOWEE SHUNO.....	125
HAAROO AASHIROO:QAARE KEEMO.....	140

HAAROO IKKOO
HALLOON WORGANO

Haaree gaboo: Hin haaree doyooyee gubb ne:

- Bareena'ochi shalligoon aamaa ellehin.
- Hallee amittinoon ciinnimmona biriihin.
- Beshe daqqech kooreena'on shemmaa shalligoo danehin.
- Baribare hallee gaanneena'on macecehin.
- Mokashoon koorihin.
- Doyeet miheena'och shaahe biishoon immehin.
- Minnakanne kuxina'on bariihin.

Kuxo 1: Ello

Doyichoo 1: Ellooyee aafinaa ellee goori shuuraareena'o

Hajjiyoo I: Hiniyee desh giddet ellooyee aafi echeena'on neech shiichii beet ariyoon gaache wochib.

1. Woce aacon ciinnimmona amo ariinne?
2. Topphiyooch beet aricheebeet woce aacina'o aaboshine?
3. Abbaayo amoone?

Hajjiyoo II: Ne dojjechino immimm hajjiyoon dabbibee bo shemmemmon aame elleb.

Doyichoo 2: Ellee digene shuuraareena'o

Hajjiyoo I: Dabbimm hoyooch tuneemm tate mihoon woyee mihe shuyoon ceechib.

1. Abbaay aaco Topphiyooye maach _____ getteebeet shigoona arichehe.
2. Sudaane showee inde katamoo _____ getteehe.
3. Nacce Abbaaye aachi time showoo _____ getteehe.
4. Abbaay aaco bi macecikkiibeet gutte ind-inde mooyina'o _____naa _____nane.
5. Abbaay aachi neexo bi xuuphoochee bi gimooch beddaahaa _____kiilo meetroone.

Hajjiyoo II: Dabbimm echeena'on ne elleti shemmeshee wochoona dege qaaroona wochib.

1. Abbaay aaco xuupphiibeet inde xaa'oo ama getteehe?
2. Topphiye maacaa Abbaay aachi genjittino ambiche kiilo meetroone?
3. Abbaayoonaa Nacce Naayiloona daneebeet xaa'oo amo getteehe?
4. Abbaay aaco worganikkiibeet gutte inde hinneena'o ameena'one?

Kuxo 2: Yibbaatoo: Doyeet hinneena'o gaacho

Doyeet hinnoo: woddiyaa no ariyaabeetonaa bullaabo no gaachaabeet hinnoone. Shaahiyooch; ebiyee aaf no ariyaabeet qiheena'on ciinnimmona no nuucheena'onoo tuneba bare asheena'ona ihaateyoo hakkiyon. Ihaateyee hinnoochaa tiit wulle shalligoommona nooch beet qoyitoono immehon; bareena'ochi shalligoono daammehon woyee ellaa digenehon.

Hajjiyoo: Hiniyee desh giddet echeena'on timo tuniiyee ittooshinuucheena'ona tookki ihaateebot.

1. Abbaay aaco Topphiyooch aaco tunooyee besh bi daniibeet gaaco amo gaata ittoshi guuphooch tijji ihaateebot.
2. Andi goorooch Abbaay aachi toommooch shuuneebeet shuunoo amo gaata guuphona yibbaatebot.
3. Ittoshi ariibeet aachi gaacoon ciinnimmona qamine qoyitoon imaade'eebot.

Kuxo 3: Shemmo

Qaaro kichaano shemmo: shemmo wodde hinnoona kooroochee shalligee danooch halleehe. Ebich ikke asho bi qellich shalligee danooch baach bi shemmeebeeto tunegaata qaaro kichaano shemmo qaawiihe. qaaro kichaano shemme hinnoochaa noonee shuurikkoo beddaaha qaawiyaache. Ikke shemmecho bi shemmeebeet mooyon gaawuchii digenoonaa bareena'on moo'aano bi shemmeemmoch qaaro kiichaano shemmo boyeehe.

Doyichoo 1: Shemmooyee aafinaa shemmeegoori shuuraareena'o

HajjiyooI: Dabbimm echeena'on shemmeeshoon ne shemmooyee aafneech beet ariyoon gaache wochib.

1. Halloo gettebeeto amoone?
2. Ittoshi kitaamitooch beet hallee gaanneena'on sheqqeb.
3. Hallee gaanneena'o heetetaa boono yecheya beddimmo aakkane?

Hajjiyoo II: “Halloon Worgano” imm shimboona dabbii giddet shemmeeshoon qaaro kichaano ne qellich shemme digeneb. Ne shemmee goora dojjechino tiijjimm echooch wochoon imoch herecheb.

Halloon Worgano

Ajoori Haanaatoo



Baaritti Hanaatoo



Laalbali Baaree Kexo



Alnejaashi Masgiido



Toppheyee wodge gaacoon daniyoo hakkimm worganikkiibeet yeer halloona ashi hallee gaanneena'on yechet showeene. Worganikkiibeet hallee gaaneena'oochee guudina'o, haanaateena'o, gejeena'o, aaxxe cooxina'o, kafee yareena'ona becheena'ona indeena'one. Ikke muume xaqqoon ophaa halleet worganikkiibeet Laalibali baaree kexina'o, genje gooree taatee kiinee xaa'oo tunet Gonderi taatee goreena'o, Soof-Umer xaqqi goggino, dab. ashi hallee worganikkiibeeti mooyina'one. Ebiyee beshe'i worganikkiibeet baribare shiisheena'ochi taatee goreena'o, guteena'o, meeti naton yagit baaree kexina'o, geedaameena'ona masigiideena'onon baribare kitaamiteena'oochee ciino hakkeehe.

No showooch daneebeet baribare haanaateena'o ciinooch macecikkiibeet mooyina'one. Eboshiichee, Amaaree woraafeexi Xiis Abbaayi, Sidaamee woraafeexi Ajoora, Kafi guudooch Boongi katameexi Baarittinaa Geeshi dubbiyooch daneebeet Elloolli hanaateena'on shaahiyooch tiijjoo hakkeehe.

Shaahiyooch; Xiis Abbaay haanaatoo aaco geppee toommoochee awuree bi kindimmona shacee nacce cufoommi mooyon halliye. Ebiichee tiitona, eb haanaatoo Amaarina "Xiis Abbaay" getteete. Ebiyoo, "Cufe Abbaayo" imm biishoon yechiye. Eb haanaatee cufoo aabe kooyoona yeshee ximbittoon halliye. Bi buugoonaa aree kitaamite guudooch waayeebeet kafeena'o shennoona ikkotte gaawe duubbi qiinoo halliye. Eb hinnoo ciinnimmoch woddii emirikkiye. Eboommon geppee toommoochee okkaa-hache'i awuree kindiibeet Ajoori mate haanaateena'o aree

kitaamite mocere becheena'ona tookkii ciinnimmoch oogii shuchiiheete.

Xaani gejjo hallee gaanneena'oochee ikkoone. Ebi gejjo 3600 kaaree kiilomeetroon gaminniye. Xaani gejjo aachaalli showeena'ona kiinech geedaameena'onon giirii yechitone. Ebin guuddii ciino ooge emiroon bi halliibeeti qoodooch asheena'o wottiwottee hammii qayeheete.

Paarko aaxxe cooxina'o quyebeetonaa ciinoch macecikkiibeet xaa'one. Eboshiiche, Awaash, Abiyaatta, Shaala, Baalee guudina'o, Semeen guudina'o, Nacce mocoo, Mago, Oomo, Gaambeella, Arbaa Minc aachi aay shiijjeriyee aadoo, Baabbille dangichi aadoo, Cabara curcurinaa Andinet paarkeena'o daneheete. Eb paarkeena'o meeti worganikkiibeet kaashuureena'on yechitina'one.

No kitaamitooch no waammona Kafi dunne kubbo Topphiye hallee gaannoochee ikkoone. Ebi kubbo bi maac wodde cooxina'ona baribare becheena'onon yechitone. Halloona shaggit becheena'o shahiyooch; ogiyoo, tojjoo, turifo, bunoonaa baribare macaafitena'ona bi maacooch daneheete. Kafi dunne kubbo aagetee goreena'ona (UNESCO) arichee kobereetone. Ebiyoo, andi goorooch aageton xuuxiibeet ayeree hinnee shaddiyoon wushooch bi kaachiibeet heenoo oogetone. Ebiichee tiitona yee'e mocere kitaamito getaa agetee daqqoona Kafi guudoon arichiite.

Kice yibbaatoochaa, Topphiye meeti yeeri halloonaa ashi hallee worganikkiibeeti mooyina'ochi hajjech showeene. Ebich bare

maachi showee macceena'o Topphiyeen qayooch woddii qaatiyeete.
Goori goorona aagetee tookkee waabeet iibbeena'o shoween
shunnii qayeheete. Ebiicheeno wodde gijjoo danehe.

Doyichoo 2: Shemmee digene shuuraareena'o

Hajjiyoo I: Hiniyee desh giddet minnakanneena'o ne shemmeti
shemmeshee shalligoommona boono yechit shalligoo tategaata
Iberoo tato qayigaata *Kooto* geti wochib.

1. Ashi hallee gaanneena'o halloona daneyaaneena'o
tunemmona ashi bushoo hallitina'one.
2. Yeer hallee gaanneena'o ikonoomina dicaani showooch dano
hakkaacheete.
3. Kafi dunne kubbooch daneebeet becheena'oochee ikkoo
turfoone.
4. Topphiye arichaabeeto yeer hallee gaannoona baachiye.
5. Topphiye hallee gaannoon ciinnii maceco hakkimmo
maachi showee asho baachiye.

Hajjiyoo II: Dabbii "A" hi dechiich giddet hallee gaanneena'on "B"
hiich kotet boono dane xaa'ona shemmeeshoon timo tunii xibiibot.

A

B

1. Baaritti haanaatoo
2. Ajoori haanaatoo
3. Xiis-abbaayi hanaatoo
4. Elloolli hanaatoo

- A. Geeshi dubbiyoo
- B. Sidaamee woraaf
- C. Amaari woraaf
- D. Boonga
- E. Oroomee woraaf

Hajjiyoo III: Hiniyee desh giddet echeena'on shemmeeshoona yeshiiyee koori wochib.

1. Topphiyyee yechet gaanno amoonaa amoona getaa ceekkeheete?
2. Worganikkiibeet Laalibali baaree kexina'o amoochee, aabichaa shuuneetina'one?
3. Xaani gejjee gamino amoommone?
4. Xaani gejjo aabekk danehe?
5. Elloolli amoone? Aabekk danehe?
6. Aaxxe cooxina'o geto ama getone?
7. Aacona giireeti showoo geto ama getone?

Kuxo 4: Kooroo: Mokashe kooroo

Mokasho imm miho mooyonaa kashoona imm miheena'oochee danetone. Ebiyoo, ikke mooyo/shalligoo ciibeet woyee kasheebeet xaa'oo getone. Mokasho ikke shalligoon baach gogee beshiyoo hakkiibeet minnakanneena'ochi kicoone. Ikke mokasho wulle minnkannoonaa sheqqe minnakanneena'onon yesho hakkiye. Ikkikke kaalloon ikke minnakanno mokashoon keroo hakkiye. Ikke mokashe maac beet sheqqe minnakanneena'o yeshechina'o boono tunemmona wulle moochaafoochi shalligooye barit shalligoon yeshaacheete.

Doyichoo: Shichoon ciinnii mokashe kooroo

Hajjiyoo: Dabbimm shichoon gaawuchi ciin. Arooyee gubb shichoochee ne danet shalligoon timo tuniiyee mokasho koorib. Mokashoon ne koorooyee aafdambaa giddet mokashe biriyoona xiishi shemmeeb. Daakkoona mokashoon ciinnimmonadojjechino immimm biriyoona gaawuchi digeneb.



Kuxo 5: Mihe Ariyoo: Doyeet miheena'och biishe imo

Doyeet miheena'o – no gaachaabeet noonee maacooch woddiyaa no ariyaabeet miheena'o doyeet miheena'o getteeheete. Eb miheena'o shalligoon digenooch noon oogii deggiyeete.

Doyichoo: Doyeet miheena’och biishe immi shuuraareena’o

Hajjiyoo I: Hiniyee desh “A” hi dechiich giddet miheena’on “B” dechiich beet boono shaahe biishoona xibiib.

<u>A</u>	<u>B</u>
1. Worgano	A. Shiimo
2. Megoo	B. Uumoo
3. Yaaboo	C. Gaawuchoo
4. Heeto	D. Toshoo
5. Dico	E. Shiichoo
6. Hamo	F. Taroo
7. Tachoo	G. Geppoo
8. Gommo	H. Hayo
9. Kaaro	I. Yawo
10. Guudo	J. Maceco
	K. Heeyo

Hajjiyoo II: Hiniyee desh giddet miheena’och biishoon imb.

Shaahiyoo: **aaxxoo=** diqq woyee kettoona daneyaano.

1. Kello =
2. Kexo =
3. Taatee goroo =
4. Iiwoo =
5. Haanaatoo =
6. Buugoo =

7. Mato =

8. Maco =

9. Iibbeena'o =

10. Kafoo =

Kuxo 6: Noonee Koco: Noonee time kocoon biriyoo

Minnakanne Qeppeena'o

Minnakanno bi maacooch keejje qeppeena'o dano hakkiyeete. Eboshiyoo, shuyimoo, deqquerinaa kannoonane. Shuyimoo minnakanne maacooch shuunee gawaatecho tuneer kocheebeeto bi tunemmona minnakanne timooch kotehe. Deqqeri shuunoo bi toommooch halleebeet achoo bi tunemmona minnakanne dagg kotehe. Kanno wotta shuunoo woyee shuuraaro bi tunemmona Kafi noonoochaa minnakanne ciirooch kotehe.

Sha. Bushoo kunaanoon yookkiye.

Eb minnakannooch “bushoo” minnakanne shuyimmoo “kunaano” minnakanne deqqeri eboommon “yookkiye” immo wotta kannoone. Eb minnakannoochaa “bushoo” yookki shuunoon shuunetone. “Kunaano” wotta yookket kuxone. Ebiyoo, shuunoo bi toommooch shuuneeto getone. “yookkiye” imm qeppoo wotta shuunoone. Ebiyoo, shuyimoo tuneer kochet kuxo gawaatit shuunoon bekkiihe.

Doyichoo: Minnakannoonkocci shuuraaro

Hajjiyoo I:Hiniyee damba noonee koce dechiich minnakanne kocci hinnoon ciinnimmona giddet biriyoona shaahiyoona timo tuniyee dabbii giddet minnakanneena’o toommooch guuphona ihaateechi biriyoona imbot.

1. Gattoo woderoon kuxxite.
2. Miimina’o mocoo maabeeteete.
3. Shakke baaroon ciichitan.
4. Bushoo bi tahoona tahete.
5. Geene doona aangech bagoon gasheebeetone.

Hajjiyoo II:Dabbimm minnakanneena’o maacoochee shuyimoon, deqqerinaa kannoonon kiiraakiire maacooch barri bekkiib.

1. Bushoo emmisheena’on quyeebeete.
2. Yiich xum dihit amiyoo shookket maayi yaroona machite.
3. Qaccemmoo yiich xum Kerichi bagoon maate.
4. Ta manoo ooge gattoon daammite.
5. Doona Keri no maccee kiinoon shaawujjii tochiyone.

YH	Shuyimoo	Deqqeri	Kanno
1.			
2.			
3.			
4.			
5.			

HAAROO GUTTOO
KECHASHI SHIMI TACHOO

Haaree Gaboo: hin haaree dooyee ciirooch ne:

- Ellooyee gubb tiimmi echeena'och wochoo immehin.
- Iihaateyee goora moochaafoon ciinnimmi ne qelli shalligoon giddiihin.
- Kette hinneena'on tochihiin.
- Kechashi shimi tachoona yesheti shalligeena'on ciinnimmona ne qihoona deget shalligoon giddiihin.
- Shicheena'on ciinna ne danetishalligoon giddiihin.
- Qih-ime shallikee amittinoo biriihin.
- Qih-ime shallikoon koorihin.
- Budona degaa iibbe miheena'ochi biishoon immehin.
- Minnakanne qeppeena'on bariihin.

Kuxo 1: ELLO

Doyichoo 1: Ellooyee Aafinaa Elleegoori Shuuraareena'o

Hajjiyoo I: Dabbimm echeena'ochebiyee aafi beet ariyoon gaacheyee qaaroona wochib.

1. Nallefoo amoone?
2. Nallefeena'on heeto geto ama getone?
3. Nallefeena'on heeto aakka qaawiihe?
4. Ne kitaamitooch iiwee qoppechina'o beeteete? Boono heenoo amoone?

Hajjiyoo II: Ne dojjechino beshiibeet shalligichoon dabbibee bo shemmemmon mull beshii elleb.

Doyichoo 2: Ellee digene Shuuraareena'o

Hajjiyoo I: ne elleti shemmeshee wochoommona dabbimm minnakanneena'o yechit shalligoo tato tunegaata *Iberootunoqayigaata Kooto* geti wochib.

1. Nallefeena'on heeto geto nallefeena'on baribare hayiboochee quye'i iiwoona boono beeyeemmo tuniyoone.
2. Topphiye mashaama bi dukketi moosheena'oochee ikkoo nallefeena'ochi qitoon kettiyoona boono iiwittinoon quyo immone.
3. Nallefeena'ochi iiwittinoon quyoona boono wuroon oogiyoo iiwee qoppechina'ochi shuunee qoodoone.
4. Nallefeena'och gutte nati eenoochee kotti'i baribare kittibaateena'on boono daneemmooch tuniyoo qaawiihe.
5. Nallefeena'o dicciibeeti gafooch beeti asheena'o woddii boono bekkiibeet shuriyeena'on ciinniibee dicciyeete.

Hajjiyoo II: Dabbimm echeena'och ne elleti shemmesheena yeshiiyee tatemmon kaaci wochib.

1. Nallefeena'o boono shiijetoochee kottii 6^{ne} agenooch beddaaha boono dan beddimmo amoone?
 - a. Miinji ejjoon
 - b. Boono indee xanon
 - c. Tateti xure maayoon
 - d. Ubba
2. Aagetee sheeroochee nallefeena'on ciinnimmo aabine?

- ## Kuxo 2: Yibbaatoo: Kette hinneena'on tochoo

Tochoo wotta ikke moochi maacooch beet hinneena'on boono
hamaadaboon quyee giddiyee yawoone. Ikke moochi maacooch
shiichii, dabbii, ciiroochaa no giddiyeemm hinneena'o beegaata eb

hinneena'on boono hamaadabboon quyee biriyoo tochoo getteehe.

Doyichoo: Kette hinneena'on tochee shuuraareena'o

Hajjiyoo I: Damba elle kuxoochaa dojjechino shemmee elliit shemmeeshoona degeeyee hiniyee desh giddet shalligee toommooch guuphona iihaateebot.

1. Guuphona iihaateeyee ikke indee yeqqefoochee kotiyee bushoo diccaaha beet yungroon kette hinnoona hamaadabboon quyeyee kuchi maacaa tochibot.
2. Indeena'o nalleefoon boono heetebeet hiinnoon iihaateechi bi hamaaddabboon quye tochibot.
3. Tocheet shalligoon ciinnimm echoon tiijjiyee guuphona iihaateebot.

Kuxo 3: Shemmo

Doyichoo 1: Shemmooyee aafinaa shemmee goori shuuraareena'o

Hjjiyoo 1: Dabbimm shemmeeshoon ne shemmooyee aaf giddet echeena'on neech shiichii beet ariyoon gaacheyee wochoo imb.

1. Kechasho amoone?
2. Kechashi shimi tachoon ciinnimmona amo ariinne?
3. Ikke kexooch qaawetoye besho asho woddemmogaata amoommi iritoo danehe?

Kechashi Shimi Tachoo

SHABAATTINNEE KIME KAFI NOONOO

Kechashi shimi tachoo geto kenoonaa mecheena boono shiyeemmi bushiishee haddoonaa shimi gooroonon gogoona ihaatee'i maacoona yamoon yechi'i shimo getone. Yamoo gooroonaa beet gaannoonon tachii gaachooch deggiye. Beet mooyo amooch bi beddeemmonaa bedaacheemmona gaata bariyooch yamoo qaawiihe. Ebich, kechashi shimi tachee yamoo beet hakkoommona bushiishoon shimoch hakkihe.

Bushiishee haddoonaa shimi gooroonon ihaatee'i maace beshiyoo ooget gaacechone. Shaahiyooch; shiijeemm bushiishoon heetee shafiroona dichooch, shiyaabeet indee kaat-kaatee shimona bi tiishiyaacheemmoch, kechi ashi ikonoomi miixeyaacheemmoch, kechi ashi naayina'o daggooch shoodeyoo beeyeemmoch, dab.gaacciye.



Bushiishee haddoon maaccii yamoona shimoch gutte yaweena'o beeteete. Eboshiyoo, halloonaa andi goorechona getteeheete. Hallee

yawo getteebeetina'o maachaa-anaami danoon qayo, qecho waabeeti decon haddoo, nallefeena'och xanon xaachoo dab na'one.

Andi gooree yawo getteebeetina'o wotta koondoomoon,
dayaafiraamoon, nappoona icheebeeti diippon, qoocheebeeti
kiniinon, kishee dibbooch duukkeebeeti norpilaanto
getteebeetina'onaa shaaheena'onon gaachoone. Eboshiichee ikkoon
kaaccii gaacho hakkeehe.

“Andi gooree shimi tachee yaweena'on gaacho shimon dookkiye.”
immi shalligoon yechiibeetina'o beeteete. Ebi shalligoo murico woyee
daboone. Amooyicha getigaata andi gooree shimi tachee yawo shimi
gooroon genjiyooch woyee yagiyooch gaacciibeeti yawowaani shimon
dookkiibeet yawo toonoone. Ebi yawoon gaacheebeetina'o bushoo
shimo boono qaawigaata boono gaacheebeet yawoon neechiichii
shimo hakkiyeete.

“Shimi tachee yaweena'on gaacho bushiishee haddoon
giishiihe; bushiisheena'o boono malloona diceeta” iibeeti asheena'o
beeteete. Ebi shalligoo murice shalligoone. Amooyicha getigaata,
shiiijet bushiishoon tatona maanjii, tajjii, doyyee qiicoon ceechii,
boyeebee dichii gaawe daqqooch bechooch amoommi yaapho
beemogaatoona iritoon halliye. Bushiishee woddoo bi qelloona
biinnaa biinna shoodeyaacheemmon tuniiehe.

“Ta shiyeto anaamo woyee maachee baachiye; maacheen woyee
anaamoon shiiyee ta daniyaahaa wottoon shimon neechaach” immi
shalligoon yechiibeet asheena'oo beeteete. Eboommi shalligoona

wodde iritooch giiheete. Anaamo woyee maachee baach shiijjoona halliyeemm barit mooyo aalloone. Eboommi baribare murice shalligeena'on shaahiyoo tunii tiijjoo hakkeehe.

Kicee yibbaatoona, eboommi murice shalligoon yechit asheena'owaanee shiijjeebeet bushiisheena'o boono dani beddimmi mooyoon daneyaanon diccii boono beeti qoodooch iritee toommooch dihoo hakkiyeete. Ebi tuneti qoodooch bushiishee haddoon beet ikonoomee hinnoona mashaamii'i shimoch shimi tachee yaweena'on gaacho qaawiihe.

Doyichoo 2: Shemmee Digene Shuuraareena'o

Hajjiyoo I: Shemmeeshoochee danet shalligee hinnoommona hiniyee desh giddet minnakanneena'o yechit shalligoo tategaata *Iberoo* tato qayigaata wotta *Kooto* geti koori wochib.

1. Shimi tachoo geto kenoonaa mecheena boono shiyeemmi bushiishee haddoonaa shimi gooroonon gogoona boono maacciibeet yawoone.
2. Indee kaat-kaatee shimona bi tiishiyaacheemmoch shimi tachoon gaacho biich qaawiihe.
3. Shiijjeebeet bushiishee haddee meetoch keno baach maacee imo hakkiye.
4. Kondomoon, dayaafiraamoonaa nappoonaa icheebeet diippon gaacho hallee shimi tachee yawooch haddeeheete.
5. Shimi tachee yawoon gaacho bushiishee haddoon giishiihe iibeet ashena'o murice shalligechina'one.

Hajjiyoo II: Hiniyee desh “A” dechiich ichet mihe shuyeena’och “B” dechiich giddet shalligeena’oochee mashaamimmina’ona xibiib.

A

1. Shimi tachoo
2. Kaat kaatee shimo
3. Shimi tachee yawo
4. Murice shalligoo

B

- A. Andichonaa wonnee gooree yawoonane.
- B. Bushiishee haddoon maacciye.
- C. Bushiishoo boono malloona diceeta.
- D. Shiyaabeet indeen tiichiye.

Hajjiyoo III: Hiniyee desh giddet echeena’on shemmeeshoona yeshiiyee wochoo imb.

1. Shimi tachee yamoon maacoch wurecho konine?
2. Kaat kaatee shimona indee toommooch shaggeemmi iritoo amoone?
3. Shimi tachee yamoon maccooch dojjoo amooyich gaacciye getaa gibeneeche?
4. Shimi tachee toommooch ikkikke ashena’o immiibeet shalligoo amoone?
5. Shimi tachoon gaacheyaani shimo kechi ashi toommooch ame iritoo shakkiihe?

Kuxo 4: Kooroo: Qih-ime shallikoon kooroo

Shallikoo: ebiyee aaf shiichit doyee daqqoochaa ne ciinnetoommon ikke mooyon gamichii biriibeet kooroone. Eb kooree shaahoo gamino bi tunemmona shalligoon kaachii giddiyooch gaacciye.

Mokasheena’o ikkooch shafiroona kocee’i shallikoon halliyeete. Ikke

wulle gaboon toocci aamoon yechit mokasheena'o ikke shallikee maacooch koceeheete.

Qih-ime shallikoo: doyeet shallikee shaaheena'oochee ikkoone.

Ikke moochi shuuneyee hinnoon woyee ariyoona yeshet qihoon bare ashich immi gaboon yeshaa kooreehe. Ebiyoo, ikke mooyo amoochee aabichaa bi halleeetogaata woyee bi gawaateebeetgaata bekkiibeetonaa yaabiibeetonane.

Shaahiyoo:

Kechi shuunee hamaa dabboo

Battibatt shuuniyeemm kechi oogishoonaa bi kuchi woddittinoonon maaco. Aroochee men kexo amoochee bi shuuniyeemmogaata shuunee qiiceena'on bi woddittinoommona qannayii giddiyoo. Ebin xeppho tuniyoona kexo hakkeemm xaa'oon baashaa tacheehe.

Xaa'oo baasheetoyee gubb shuunee ariyeechona mojjetetaa shuunoo kottehe. Ebiyoo, battibatt baashee qannit xaa'ooch duukkichonaa bi maacooch neexeemm cangiyeena'och oppo iichehe. Men iichet oppooch cangiyooch qannit mixina'oochee taachii kuxaa neexeheete. Eb neexet cangiyeena'o boonoshinaa boonoshina yesheyee boono manjiyeemmoch xaraa kotet careena'ona mashaamiitaa mismaaroona xooppeheete.

Cangiyeena'o mashaamii yeshetoyee gubb kechi guudoonaa maaci kuxina'ochi duuhina'o baddoona ceechaa duukkeheete. Ebichi hillooch kechi aafooch qepphaa qaannit mixina'o dambee gujjoochee kotaa shuchiibeetaa mashaamiitaa mismaaroona

xooppeheete. Eb kechaafee shuchi shuunoo gawaateemmona aree toommooch kechi qeroo tunet qoriqoro yaggaa xooppehe.

Eb dambaa biret shuuneena'o gawaateetoyee gubb iiyaa buyoona mashamii neexaa kachit dengo shuunee ariyeechina'ona duuhooch duppehe. Eb kexona tachaa michi xarboochee shuuneet gifoona mallee kelloona xogaa beemi kexo qanniye.

Doyichoo: Qih-imeshallikoon kooree shuuraaro

Hajjiyoo: Hiniyee desh giddet qih-ime shallikee kooree bo'oon gaacheyee ikke qamine shallikoo koorib.

- Qih-ime shallikoon ne kooriyeemm shimboon woyee moochaafon shiichi kaac.
- Ne kaaccet shimboon beegginmona ariyeechina'on echeyee qiho kicib.
- Ne kicit qihoon gaacheyee keejje mokashoona qanniti qih-ime shallikoon koori giddiib.
- Bulle mokasheena'ochi wulle minnakannoon kichi koori ne dojjechinona qoppiib.
- Kooraa ne giddiit shallikoon ne nuucheena'ona tookki tuneyee guuphona iihaatee tachibot.

Kuxo 5: Mihe Ariyoo: libbe miheena'on biisho

libbe miheena'o: haaroo ikkoochaa doyeet mihena'ochi amittinon ciinneton. Ebmiheena'o no gaachaabeet noonee maacoochee

woddoo xuuxeyaanon boono biishoon digeno no hakkimm miheena'one. Iibbe miheena'o wotta no gaachaa ariyaani miheena'one. Eb miheena'ochi biishoon kette gommona digenooch hakkaachon. Eb miheena'on shemmeshee maacoochee no danemmona boono biishoon boono giit xaa'ona degaa digeno hakkiyon.

Doyichoo: libbemiheena'och biishe immi shuuraareena'o

Hajjiyoo I: Hiniyee deshi giddet miheena'ona mihe shuyeena'ochi biishoon shemmesheena yeshiiyee imb.

Shaahiyoo : shimi tacho ⇨ shiijeemm bushiishee haddoon maaco.

1. Tiisho ⇨ _____
2. Murice shalligoo ⇨ _____
3. Ikonoomi ⇨ _____
4. Shimon dookkoo ⇨ _____
5. Hallee yawo ⇨ _____
6. Dayaafraamo ⇨ _____

Hajjiyoo II: Dambaa giddet shemmeshee maacoochee neech iibboo tunet miheena'on kaaci kichiichi men miheena'ochi biishoon nenuucheena'ona tookki ihaatee imbot.

- 1.
- 2.
- 3.
- 4.

5.

Kuxo 6: Noonee Koco: Time Noonee Koco

Haaroo ikkoocha noonee time kocoon biriyoo immona minnakanne amittinoonaa bi koconon doytin. Eb doyoochaa minnakanne maacooch beet qeppeena'o boono heenoona bariibeetina'o tunoon ciinneton. Ebiyoo, shuyimoo, deqquerinaa kannoonane. Eb qeppeena'o minnakanne maacooch hamaadabboon quyee koteheete. Shuyimoo shiichiye deqqeri dabbiye kanno wotta ciirooch kotehe.

Eb boono kote hamaadabboo minnakannoon no koorimmona tachaa no kooriya beddemmane. Ikke asho yibbaatoochaa biich mashaamitoommon shaddii gaacho hakkiye. Tunebaani, kooroochaa eb koce hamaadabboon quyee kooroo qaawiihe.

Shaahiyoo:

Indoomiyi bi manoon shunnahan.

Eb minnakannoochaa *Indoomiyi* minnakanne shuyimee bi tunemmona minnakanne timooch kotetan. Bi *manoo* wotta deqqerine; minnakanne dagg kotete. *Shunnetan* immo wotta minnakanne kannoone.

Doyichoo: Noonee time kocoon gaachee minnakanne kooree shuuraaro

Hajjiyoo I: Ichet biriyoon xeppho tuniiyee hiniyee desh tateyaani kocoonagiddet minnakkanneena'on ne ihaateechi minnakenne koce tate hamaadabboona wochi tachi kooribot.

Shaahiyooch:

Dn. Kediri xanditone gattoo.

⇒ Dn. Kediri gattoo xanditone.

1. Gn. Maraaki shiitone maache busheen.
2. Gaacheyaachan shimi tachoon Aaxxoogi.
3. Kochetan Maakulli magechi diippon.
4. Askaali maareetan mate bushiishoon.
5. Dn. Keetinaa Gn. Aabechina iihaateete shimi tachee toommooch.

Hajjiyoo II: Dabbimm minnakanneena'oochee shuyimoon,
deqquerinaa kannoonon barri koorib.

MB.Ikke minnakanne maacee bulle aaboon shuyimoonaa kannoonaa
echeyaani kuxina'o tunemmona deqqeri ikkikke aaboon beemi
qayoch hakkiye.

Shaahiyoo:

- a. Gochechina'o showoo maakketeete.

Shuyimoo: Gochechina'o

Deqqeri: showoo

Kanno: maakketeete

- b. Bushoo biiyete.

Shuyimoo: Bushoo

Kanno: Biiyete

1. Doyechina'o phiroon daammiteete.

Shuyimoo: _____

Deqqeri: _____

Kanno: _____

2. Bushiisheena'o waateete.

Shuyimoo:_____

Deqqeri:_____

Kanno:_____

3. Gn. Boshi shimi tachee doyyoon daammitone.

Shuyimoo:_____

Deqqeri: _____

Kanno: _____

4. Ta kooricon kemet.

Shuyimoo:_____

Deqqeri: _____

Kanno: _____

5. Qaccemmoo bagoon maate.

Shuyimoo:_____

Deqqeri: _____

Kanno: _____

Hajjiyoo III: Hiniyee desh giddet kannena'on gaacheyee guuphona
tune minnakanno kocot.

Shaahiyooch: Xoobbite

Bushoo kunaanoon xoobbite.

A. Maate

B. Waabeeteete

C. Shiyetan

D. Kooritone

E. Hambon

HAAROO KEEMO

DAAGGII SHUUNO

Haaree gaboo: hin haaree doyyoo ciitoyee gubb:

- Ellaa ne danet shalligoon giddiihin.
- Daaggii shuunoona yeshet shalligoon biriihin.
- Shemmeshee moochaafon wochaa shalligihin.
- Shemmeshee maacoochee doyeet miheena'on kichihin.
- Xappe miheena'och biisho immehin.
- Xolloonaa meetonon bekkiyechon bariihin.

Kuxo 1: Ello

Doyichoo 1: Ellooyee aafinaa ellee goori shuuraareena'o

Hajjiyoo I: Hiniyee desh giddet ellooyee aafi echeena'on neech shiichii beet ariyoon gaache wochib.

1. Gn. Abbebech Goobanin ariinne? Ame naboone ne ariito?
2. Gn. Abbebech Gobaniyoommi asheena'o ne kitaamitooch beeteete? Eb asheena'o waanee ne doyyit mooyo amoone?
3. Bare asheena'och gallaame mooyon halloo ame gaacoon daniyeche?

Hajjiyoo II: Ne dojjechino immimm hajjiyoon dabbibbee Dr. Abbebech Goobani kiinoo bo shemmemmona aame ellebot.



Doyichoo 2: Ellee Digene Shuuraareena'o

Hajjiyoo I: Dabbimm minnakanneena'on shemmeechi ne elleti
shemmeshee hinnoommona boono yechit shalligoo tategaata
Iberoo tato qayigaata *Kooto* geti wochib.

1. Dr. Abbebechi nallefeena'on daammii bo kexoochaa bo
dichito wodde gaannoonaa ariyoona booch beetochiye.
2. Dr. Abbebechi ebin shaahe bushiishee shuno bo maacooch
halleeto bo shiit bushiisheena'ochi naboone.
3. Shemmeeshoo nooch dojjito bareena'on gaacho no
hakkiyeemmo nooch beet gijjoonaa ariyoonon baach
gaachoona tunooniye.
4. Gennee Abbebech dokitere bo tuneto bo shuunet gallaame
shuunoonane.

5. No elleti kashe kiinoochee no digenet shalligoo asho bi degg beddimmo ubba ashi bushoo tunetonani bi ariibeeton baach tune qayoniye.

Hajjiyoo II: Dabbimm echeena'on ne elleti shemmeshee shalligoona degeyee qaaroona wochib.

1. Dr. Abbebech Goobani aabekk shiijjoone?
2. Dr. Abbebech Goobani bo aricheto amoonane?
3. Dr. Abbebech Goobanin arichiito gaawe gaaboonne? gaawe gijjoone?
4. Shigo maashooyee damba beehe imm shalligoo amoon bekkiihe?

Kuxo 2: Yibbaatoo: Nuucheena'ona ihaateyoo

Doyichoo: Nuucheena'ona tookkii yibbaate shuuraaro

Hajjiyoo: Dabbimm shalligeena'on timo tuniiyee ittoshi nuucheena'ona tookki ihaateebot.

1. Asho biinnaa biinna degeyee gaboo amoone?
2. Ittoshinaa ittoshina ittokitaamitoochaa ame gommona degeehote?
3. Daaggii shuune gaboo amoone? Wajjoo danoochiyee? Galleta danoochiye? Gijjee danoochiye? Mulle emiroo danoochiye?
4. Daaggii shuune hinnoochaa bareena'on quyeyaanon shiichii bekkoo shaahaaniyoo tunoonaa men shuuraaron gamichooch bi gaacceemm hinnoon ciinnimmona tiijji yibbaatebot.

Kuxo 3: Shemmo

Doyichoo 1: Shemmooyee aafinaa shemmeegoori shuuraareena'o

Hajjiyoo I: Dabbimm echeena'on shemmeeshoon ne shemmooyee aafneech beet ariyoon gaache wochib.

1. Daaggii shuuno amoone?
2. Itto qelli daaggoona amo shuunee ariihote?
3. Ittoshi kitaamitooch daaggii shuuno ame gommona gawaateebeete?

Hajjiyoo II: Dabbimm shemmeeshoon bi yechit wulle shalligoon digenooch neech bi hakkiyeemm hinnoona shemneb.

Daaggii Shuuno

Ashi bushoo biich beet gaboo woyee shalligoo gooroochee goorooch shaddeyoo hakkiye. Eb shaddeyee nabeena'o bi beet kitamitoochaa goori gooroona bi daneebeet hinneena'ochi barbaroone. No beeyi hinnooch baribare naboona baribare hinneena'o noonna dano hakkiyeete. Ebi hinneena'o wotta no shalligoon, beemon, gaboon, dabb no shaddiyeemmon tuniiheete.

Hin aagetooch bi beemm goorooch ashi bushoo halliya bi beddimm moyina'o beeteete. Eb mooyina'on bi halliya beddimmo asho tuneet bi halleyee naboone. Eboshiichee ikkoona indoona biich woyee bi beet kitaamitooch gaacceemm gallaame mooyon halloone.

Daaggii shuuno qelli qaatoona gallaame mooyon shuunoone. Ikkikke shalligee tiijjechina’o “beemi biisho amoone?” Imm echooch “gallaame mooyon shalligoonaa halloonane” imm wochoon immiyeete.

Bare ashichoo tuneba no kitaamitooch tuneemm gaawe mooyon hallooch qaawiibeeto no qelli niyoone. Shaahiyooch; no kitaamitooch beet degaalli geene asheena’on, shaacet nallefeena’on, miriishet gochechon, doyooch iriteet no nuuchoon, biiyee **xuuxet** ashoon, dab baribare gommona dego hakkiyon. Tunebaani, no hallaabeet dego no qaatoonaani bare ashi xu’oona tuneya bedaache. No ibere qaattoo aalloon no deggaabeeto tunegaata qaawee daachoo daneyaachon. Bi danetaanoona bare ashi xu’i naboona bi tunegaata ibere emiroo no maacooch halleyaache. Bareena’on boono halla; boonoshich beet mooyon gaachee deggiibeet asheena’o ibere emiroon daneheete.

No guudooch beet halleena’o baribare shaahechina’onaa boono halleet naboona boonoshich beetina’one. Shaahiyooch becheena’o shalligoo hakkaacheete; tunebaani boono beemi naboochee ikkoo boonoshin shaahe becheena’on kitaamitooch keroone. Ebichi naboona ikkee collet/shaggit bechoo biin shaahe meeton halliichii beshehe. Ebiyoo, bi halloo hakkimmonaa bi halleet naboo bi tuneti qoodoochiye.

Eboommonoo ashi bushoo bi halleeto meeti nabeena’ochiye. Bi beet kitaamitooch meeti mooyina’on hallee hakkoo biich beete. Aristotil

getteebeet Griike wonnee **yiito** ashi bushooch beet shalligee,
noonee gaachoonaa beshe digene hakkoona bare halleena'oyee
beshe **tookkii beemi** iiqqech halloo bi tunoon biriite. Ashi bushoo
bi aagetooch beet baribare hinneena'on ariibeeto, yaachich yamii
shuuneebeeto, bi qaatoonaa niyoonon quyo/qelloon kemo hakkimm
halloone. Bi qellich ariyoo baach tuneyaanoon bi ariiton bareena'och
dojjoonaa biich beeton bareena'och qoodoonoch halleetone. Bi
aageton phireebeeto bi tuneti qoodooch meeti mooyon hallii
shuune hakkoo biich beehe. Gaawoonaa gondoonochi
barbarittinoon bare halleena'ooyee beshoon **digene** hakkoo biich
beete.

Ebiichee tiitona ashi bushoo bi beet guudoochoo tuneba aagete
tookk **gallaame** shuuraaron hallooch herechehe. Ebiyoo, asho biich
baach tuneyaanoon bareena'och shaahaaniyoo tunooch gallaame
shuuraaron halliye.

Ebiichee tiitona no aagetooch boono daaggii shuune shuriyoona
aricheebeet meeti asheena'o beeteete. Ikkikkeena'o boonoshi
ariyoona gaannoona woddemmona bare ashich woyee
kitaamitooch tuneemm mooyina'on shuuneheete. Tunebaani,
gallaame mooyon daaggii shuuneebeet asheena'o ariyechina'o
woyee **gaannechina'o** baach toonoone. Boono halla ashi bushooch
daaggii shuune qaatechina'o beeteete. Eb asheena'o bede gijjoonaa
ariyoona boonoshich aalloon boonoshich beet halle gallaamittinoon
baach gaachoona barooch woyee boono kitaamitooch tuneemm
mooyon shuuneheete.

Ebich, gallaame mooyon kitaamitoochoo tuneba aagetee tookk shuunooch inde mooyo gaawe qaatoone. Timoochaa ashi bushooch gallaame qaato aallegaata gijjoo beemmo gaatoona ashoon **miiximm** mooyoch gaacho hakkiye. Ebich, ittoshi beeyi dechich bareena'och tuneemm gallaame mooyon hallooch ittoshi hakkoommona shuuno qaawiimmo tunoon shiichii ariyoo qaawiihe.

Doyichoo 2: Shemmee digene shuuraareena'o

Hajjiyoo I: Dabbimm echeena'on shemmeeshoona dege boono beshiibeet shalligoo tategaata *Iberoo* tato qayigaata *Kooto* geti wochib.

1. Bare asheena'ochoo tuneba no kitaamitooch gaawe mooyina'on hallooch qaawiibeeto no qelli niyoone.
2. Ashi bushoo bi qellich ariyooch qicceebeeto baach tuneyaanon bi ariiton bareena'och dojjoonaa biich beeton bareena'och imonoch halleetone.
3. Gaawe asheena'o bareena'ochi iritoon boonoch tunii ciinniyeete.
4. Aagetee tookk beet asheena'o ubba boonoshich beet gaannoonaa ariyoonon gaachee bareena'on deggi halloo boonoshich beete.
5. Ashi bushooch beet iriteena'o ubba biishoch gijjoon qaawiyeete.

Hajjiyoo II: Hiniyee desh giddet shalligee kaartoon ichet shaahiyoona shemmeeshoochee ittoshi danet shalligoonon gaache

ceechibot.



Hajjiyoo III:Eche qannayoo

- Ittoshi shemmeti shemmeeshoon gaachoona uuche echeena'on qannayibot.
- Eb echeena'och shemmeeshoochee ittoshi danet qihoon gaache wochoon imbot.

Hajjiyoo IV: Hiniyee desh giddet echeena'och shemmeeshoochee ne danet shalligoonaa shiichiineech beet ariyoonon gaache biret wochoon imb.

1. Gallaame mooyon shalligooch qaawii beet inde mooyo amoone?
2. Ne kitaamitooch daaggii shuune shaahaniyoo tuneto kone? Bi hallit mooyo amoone.
3. Ne beet kitaamitooch daaggii shuunoona yeshet shalligoo amoommone?
4. Ne beet kitaamitooch daaggii shuunoona yeshet amoommi shuuraareena'o beeteete?
5. Andi goorooch no showee daqqoona bi qelloona daaggii shuune shaahaaniyoo tunet yaabecho kone?

Hajjiyoo V: Shemmeeshoochee maacoochee kechit dabbimm miheena'och budi biishoon imb.

- 1) Daaggii shuuno
- 2) xuuxet
- 3) yiito
- 4) tookkii beemi
- 5) digene
- 6) gallaame
- 7) gaannechina'o
- 8) miiximm

Kuxo 4: Kooroo: Gibenikkech shallikoon kooroo

Gibenikkech shallikoo: ikke mooyon ciinnimmona shemmechoch bede ariyoon imoch qanniibet shallikee shaahoone. Koorecho bi digenet daqqoona baach tuneyaanoon bi ciinnit kaattoona ikke

shalligoon shemmecho digeneemmoch bi gaacheebeet kooree shaahoone. Eb shalligoo eeheto woyee tooneto tuno hakkiye. Shaahiyooch; ikke asho qocoona yeshet shuuraaro miiximm mooyo tunoon ariyoona shixo hakkiye. Baroo wotta qocoona beemi gaawittinoon digeneebeeto tuno hakkiye. Eb bi gaawittinoon digeneebeet asho gondoone iyi shalligiibeetoch bi qannayiya beddimm shallikee shaahoone. Bi tiijjit shalligee gaawe ga'oon baach ciinnimm meeti qiheena'on giddiyoona shemmechoch biichona shaahe ciino beeyeemmoch tuniiche. Asho xiishii bi ariyaani shalligoone getaa bi gabeemmona eb shalligoon xiishiyoona gibenikkooch qanniye. Bi tiijjit shalligooch meet woyee gamini qihoon giddiyoo eb shallikee shuriyoone.

Doyichoo: Gibenikkech shallikoon kooree shuuraaro

Hajjiyoo: Hiniyee damba giddet gibennikkech shallikoon ciinnimm qamine biriyoona aame shemme digeneechi eb shalligoon gaachoona gibenikkech shallikoon koorib. Eb shallikoon ne qannayimmona dabbimm bo'ena'on gaacheb.

- ⇒ Shiichi gibenikkech kooree amittinoonaa shuriyoona shemme digeneb;
- ⇒ Ittoshi kooriyeemm moochaafon woyee shimboon kaacot.
- ⇒ Koorooch timo tunii ne gaacheemm shalligoo daaggii shuunoona yesheto tuneba. Ittoshi kitaamitooch beet gurmasheena'o halliibeetona halliya beddimm mooyona tunemmogaata oogetoommon mashaamiye. Shaahiyooch; kitaamite xallitinoon, du'etina'on degon, buchichee bechoon,

gommi shuunoon, trafiike sheeree dojjoon, dab ciinnimm shalligeena'on timo tunii gaacho hakkeehe.

⇒ Ne mattit shimboon ne kaaccetoyee gubb gamichi shalligi digeneb.

⇒ Ne kaaccit shalligoon timo tuniiyee awudde mokasheena'on bi maacooch yechit gibenikkech shallikoon koorib.

Mokasheena'on ne kooriibeegoora mokashe amittinoon ciinnimmona haaree ikkoochaa ne doyt shalligeena'on batteyaayin.

⇒ Kooraa ne ciichimmona kooroon qaye ciini afaafinoona tato hakkimm mooyina'o beegaata tachib.

⇒ Ciiroochaa ne nuucheena'ona tookki tateya beddimm shalligeena'on imaade'eebee tachi kooribot.

Kuxo 5: Mihe Ariyoo: Xappemiheena'o

Xappe miho: gutte boono qello hakkit miheena'o ikkotte boono halliibeet mihoone. Xappe mihoon koch gaacciibeet miheena'o boono qello hakkitina'ona boono qelli biisho boonoshich beet miheena'one. Eb gutte miheena'o xappee'ii ikke biishech mihoon boono immimmona xappe miho getteeheete.

Sha. keyo + kindoo = keyaakindoo

Keyo = damba woyee tookk hamo

Kindoo = dugulla woyee desh hamo

Keyaakindoo = geppoonaa dugulloona beet xaa'oo.

Doyichoo: Xappe miheena'on biichi shuuraareena'o

Hajjiyoo I: Dabbii "A" dechaa giddet xappe miheena'on "B" hi dechaa giddet biisheena'oochee mashaamimmon kaaci xibiib.

A

B

1. Miinji diiqqo

A. Doyoo icheebeet xaa'oo

2. Kechasho

B. Mocee woyee shuyi

3. Aachi noonoo

shaahoone.

4. Doyee kexo

C. Inde shalligoo

5. Kitaamito

D. Ikke showee asho

6. Showasho

E. Ikke kexooch beetina'o

7. Moochaafu

F. Guude xaa'oo

G. Aachi gaxoo

Hajjiyoo II: Dabbii giddet xappe miheena'och gogoona biishoon imbot.

1. Baaree kexo:_____

2. Doolli mocoo:_____

3. Baakkindee:_____

4. Botti bushoo:_____

5. Qettaa baato:_____

Kuxo 6: Noonee Koco: Xolloonaa meeton bekkiyechon bariyoo

Shalligichoo: mihe toommooch xollittino woyee meeto tune hinnoo bekko hakkiye. Eb hinneena'o men moochi woddoonaa wodde

qayonon bekkiiheete.

- **Xolloo** – ikkoo woyee mixxo bi tunoon bekkiihe.
- **Meeto** – guttoo woyee guttooyee damba beeto tunoon bekkiihe.

Shahiyooch;

Xolloo

Gattoo – ikke gattoo bi tunoon bekkiihe.

Asho – ikke asho bi tunoon bekkiihe.

Meeto

Gatteena’o – wodde gattoo tunoon bekkiihe.

Asheena’o – wodde asho tunoon bekkiihe.

Ebich hinnoochaa ikke xolle hinnoona kotet mihoon “-na’o” imm
xeppoon daakkoona meeto tuniyoo hakkeehe.

Doyichoo: Miheena’on xolle qecoochee meeti qecooch shaddee
shuuraareena’o

Hajjiyoo I: Giddet shaahiyoona timo tuniyee hiniyee dabbimm
miheena’on boono meeti qecooch shaddib.

Sha. Baakkoo = Bakkeena’o

1. Emmisho = _____

2. Qaccemmoo = _____

- Hajjiyoo II:** Dabbimm mokashoon ciiniichi aree maacooch giit xolloonaa meeti qezech miheena’o guuphona bariibot.

Xolloo	Meeto
Sha. Boongi	Gurmaasheena'o

Hajjiyoo III: Dabbimm miheena'oochee meeto tuniyee xeppoon kichiichi boono xolle qecoona kotiib.

Sha. Wongeena'o	-na'o	wongoo
1. Qondeena'o		
2. Taheena'o		
3. Maneena'o		
4. Gommima'o		
5. Gabexeena'o		
6. Mixina'o		
7. Buchicheena'o		
8. Moobayileena'o		
9. Nuucheena'o		
10. Gabbereena'o		

HAAROO AWUDDO

ARICHET ASHEENA'OCHI KASHEE KIINO

Haaree gaboo : hin haaree doyoo ciitoyee gubb:

- Ne elleti shalligoon biriihin.
- Idiyeeme amittinoon biriihin.
- Idiyeeme miheena'och biisho immehin.
- Kashee kiine amittinoon biriihin
- Archeti ashi kashee kiinoon koorihin.
- Yeshiyee miheena'on bariihin.
- Yeshiyee miheena'on gaachaa minnakanno koorihin.
- Shige mihe shuyoonaa kanne mihe shuyoonon minnakanne maacoochee bariihin.

Kuxo 1: Ello

Doyichoo 1: Ellooyee aafinaa elleegoori shuuraareena'o

Hajjiyoo 1: Hiniyee desh giddet ellooyee aafi echeena'on shiichii neech beet ariyoon gaachewochib.

- 1) Aagetee toommooch ne ariyaabeet ogooge ashena'oochee guttoon ceeg.
- 2) Topphiye daqqoona aricheebeeti ogooge asheena'o daggoochee neariyaabeetina'o aaboshine?
- 3) Dr. Qixayi ame shuunona arichoone?

Hajjiyoo II: Dr. Qixayin ciinnimmona ne dojjechno immimm shalligichoon dabbibee elleb. Ellee gooroocho dabbimm shichoon qayebbe shemmeeshoona besheebeet wochoon digenooch gaacheb.



Doyichoo 2: Ellee digene shuuraareena'o

Hajjiyool: Hiniyee desh giddet echeena'on ne elleti shemmeeshoona yeshiiyee *Iberoo* woyee *Kooto* get wochib.

- 1) Dr. Qixay Ijjigi 1^{ne} daqqe doyoo bokottito Jaappaane showooch daneebeet Heeroshimi Yuniverstichiye.
- 2) Dr. Qixayi NASA phire aadooch waanjee shuunooyee baroo bo hallit mooyo aalla.
- 3) Steela Ijjigi Dr. Qixay Ijjigi busheene.
- 4) Dr. Qixayi biiye qititi showooTopphiyoone.
- 5) No elleti kashee kiinoochee digeno no hakkimm qelli qiicco beegaata doyii shalligeet daqqooch shago hakkeemmo tunooniye.

HajjiyooII:Hiniyee desh giddet echeena'on shemmeeshoona yeshiiyee tate wochoon kaac.

- 1 Dabbimmoochee Dr. Qixayin ciinnimmona tato tuneto aabine?
 - A. NASA getteebeet phire aadoochee doktereete digirin danetone.
 - B. HeeroshimiYuniversityiichee doktretoona diiretone.
 - C. Wonnee Kafi awuraajjooch shiiijetone.
 - D. 1948 M.N ba bo shiijee 58 natona kashetone.
- 2 Dabbimmoochee Dr. Qixayichi kiinnoonayeshiyaan moochi shimbo aabine?
 - A. Topphiyeachi poletikon inddittinoona bo yaabo.
 - B. NASA phire aadoon bo yaabo.
 - C. Trans-Tek Internashinal teknolojee kocoon bo yaabo.
 - D. Awutomootive injineringe doyyee shaahoona bo diiriyyoo.
- 3 Dr. Qixayin ciinnimmona shemmeeshoocha tiyaani shalligoo aabine?
 - A. Bo shiijje xaa'o
 - B. Bo doyyit showoo
 - C. Bo bushiishee meeto
 - D. Bo shunniibeeti ispoorte shaahoo.

HajjiyooIII:Dr.Qixay immi shimboona ne dojjechino shemmeti shemmeeshoon xeppho tuniiyee dabbimm echeena'on wochib.

1. Dr. Qixay aabekk shiiijjoone?
2. Dr.Qixay aagettee daqqoona bo shuuneti shuuneena'ochee keemon ceeg.

3. Dr. Qixay doyyit doyyee shaahena'o aaboshine?
4. Dr. Qixay qitee naboo amoone?
5. Dr. Qixayi bo shiijet ambiche natona qitiyone?

Kuxo 2: Yibbaatoo: Arichet ashi kashee kiinon ciinnimmona yibbaato

Kashee Kiino

Kashee kiino kooroono tuneba yibbaatoona giddo hakkiye. Kashee kiino ellechoch woyee shemmechoch bi giddemmona men kashee kiino keejjinnee ashicho woyee men kiinon giddiyeechocho tuno hakkiye. Biichono tuneba bare ashi kashee kiinon giddiyecho bi giddiibeegaata shemmechoch woyee ellechoch ame doyyoon bi immemmogaata aamo qaawiihe. No giddiyaabeet kashee kiinoochee ellecho woyee shemmecho daneemm doyyoo woyee shaahaaniyoo beemo qaawiihe. Eb tuno qayigaata danemm ashi kashee kiinon diqq cikii koorii giddiyoo ame gaacoonona ellechoch woyee shemmechoch imo hakkaache.

Doyichoo: Arichet ashi kashee kiinon giddiyee shuuraareena'o

Hajjiyoo: Ittoshi ariibeet arichet ashi kiinon koori deewi kuxoochaa ittoshi nuucheena'ona tookki ihaateebot.

Bo'oo

Arichet ashi kashee kiinon koorooch gaaccimm dabbimm bo'eena'on ciinon.

❖ Batti-batt ittoshi kooriyeemm arichet ashoon gaawuchi

xiishi ariibot.

- ❖ Men arichet ashi kashee kiinoochee
shemmechina'o/ellechina'o daneemm doyoona digenebot.
- ❖ Ittoshi koorooyee aaf shiichi men arichet kiinech
ashiwaanee woyee bi xibeena'owaanee daaggoo echebot.
(Ikk-ikke aabon showee daqqoona arichet ashi kiino
tunegaata daaggiyoo qaawoo qayo hakkiye.)
- ❖ Ittoshi kooriyeemm ashi kashee kiinon ciinnimmona
qihoon gaawuchi kicibot.
- ❖ Qihoon gooree hamaa dabboona kotiibot. (Shiijjoochee tiijjii
ciirooch beddaaha.)
- ❖ Kiceet qihoon xeppho tuniyyee koori shemmona woyee
qaaroona gididiibot.

Kuxo 3:Shemmo

Shemmee digenooch gaaccimm yaweena'o:

No shemmaabeet shalligoon digenooch noon gaacciimm baribare yaweena'o beeteete. Eboshiichee gutteena'on hin kuxoochaa ciinneehon.

- **Dabbee yawo:** eb yawo ikke shemmecho bi shemmeebeeti hinnooch shalligoon bi danoonaa danee qayonon bi qelloon echeebee bi shemmeebeet yawoone. Ebich, amo digenetote? Amo digeneyaachote? Amoommi yawoon gaacheya beddoote? Imm echeena'on bi qelloon echoona kooree shalligoon danooch herechehe.
- **Eengee maacooch shichee hallee yawo:** no shemmaabeet

mooyon ebiyee aaf no ariyaabeet mooyona yeshiyee yawoone.
No shemmaabeegoora no shemmaabeet shalligoon ebiyee aafi
no ariyoona xibiyoo no qayigaata digeno hakkaachon. Ebich,
and no danaabeet qihoon ebiyee aafi no ariyoona xibiyoo
qaawiihe.

Doyichoo 1: shemmooyee aafinaa shemmeegoori shuuraareena'o

Hajjiyoo I: Dabbimm echeena'on shemmeeshoon ne shemmooyee
aafshiichii neech beet ariyoon gaache wochooch herecheb.

1. Idiyeemo amoone?
2. Idiyeeme miheena'on gaacho amooch qaawiihe?
3. Ne ariyaabeet idiyeeme miheena'oochee uucheena'on
sheqqeb.
4. Ne sheqqet idiyeeme miheena'ochi biishoon imb.

Hajjiyoo II: shemmeshee wulle gaabon wochii shalligooch neech
hakkiimm hinnoona ne dojjechino immimm hajjiyoon dabbibee
shemmeh.

Dn. Bishay W/Yohannisi

Dn.Bishay W/Yohaannisi bo niheeno Dn. W/Yohaannisi Shaawinaa
bo indeeno Gn. Aaxxee Acimaani waanee Kafi guudooch Gimbe
dubbiyooch ebiyee aafi Midiregennet and wotta Kicoo gettebeet
xuggooch Keellawuddi agenooch 1945 M.N shiijjoone.

Ikkinnoonaa dag-tate guttinnee daqqe doyyoon Gimbinaa Boongina
doyee kexina'ooch doyyitane. Guttinnee daqqe doyyoon wotta Yimma
Maaziyyee '27' 2^{ne} daqqe doyyee kexooch doyyitane. Arooye gubb

boyuuniversiti doyoona Qedamawi Hayilesillaasi woyee andi Addisaabi Yuniversitiich gimona ikonomikisoona batti batti digirin 1971 M.N danetone. Bo diireet doyoona Ikonomi Uumiyee libaariyee Ministeerooch 1971 M.N waanjee'i bo showoon gaaccii bo beetaa bo shuunee kexo immiti malloona Ingiliize showooch hammii ikonomiksoona guttinnee digirin 1979 M.N danetone.

Booch beet doyee iiqqoonaa ariyoonon gaachoona bo showee maccoonaa taatoonoch wodde gaacoon immitone. Kollee ekispertittinoochee tiyi arichet ikonomiste daqqoona showeeqeejjecho, boyecho, beeree yaabecho tunoona bowaane quyeemm gaacoon immitone.

Ebiyee baroo bo shiijje showoo Kafinaa areexi maccoonaa doyoona **aafo gaxxaano** bi tunetoch ebi hinnoon shaddooch bo qoodee **xeppe yechiyoona areddee gippoo** tune aaxxee bekkiitone. Aree goorooch Kafi showoo; maccee uumoonoo tuneba doyyit ashi shappoona gubb wotteto bi tunoon digenoona hilloo dabbii doyyiibeetina'on ubba goggiyoona **gasho shaaciyee** doyi boono kecheemmoch **gommo qaxxetone**.

Ebiyee baroo wotta kafi yiiteena'o **kishaabaateyee** boono showoon boono uumiyemmoch kicii ciicciibe yagitone. Kafi qocoona kiinoonon yechit kooriceena'onaa shaxeena'onon kicoona dabbiiibeet shiijjeroo bi kiinoon, qocoona noonoonon xiishiyee bi ariyemmon tuniitone. Ebi baach tuneyaanon Kafi maccoo bi **yiiphoon** gamichiyee uumiyeemmoch bo danemm xaa'oo bulliichaa **maaco kuxaano** dojjiiibe yagitone.

Diiyi 2, 1986 M.N giit batti batti Kafi noonee **Simpooziyeemoon** yaabitone. Eb noonee Simpooziyeemoon kotona Kafi noonoo aabichiye doyooch bi heechemmogaata, aroochee wotta diciyee aabichi shuunee noonoo bi tunemmogaata kafi yiiteena'on kicii iibaariyoona shuunetone.

Kafi noonee biroon kaacoochee kottii xumoonaa areddoonon shuune'i toocooch shakkiitone. Kafi noonee dikshineerin qannayoocho tuneba Kafi kiinon koorooch booch beeti yamoochee timona wodde qiheena'on kicitone. Bo kicit qiheena'on bare ariyechina'o gaachemaccee kiinoono tunebaa noonoon boono phireemmoch timo tuniitone.

Bo shuunoo ebi baach tuneyaanon bo bushittinoochee kottii bo maccoonaa showoonoch wodde gaaccimm baribare shuuneena'on shuuneebee yagi'i biiyee naboona shaashikkebi 21, 1993. M.N kashetone.



(Kafi Noonee Simpooziyeeme Iinjee Qullo 1986, Kafi Uumiyee Fooremo 1998)

Doyichoo 2: Shemmee digene shuuraareena'o

Hajjiyoo I: Hiniyee desh giddet echeena'on shemmeshee shalligoommona tategaata *Iberootato* qayigaata *Kootogeti* wochib.

1. Dn. Bishay W/Yohaannisi Kafi taateena'o daggoochee ikkeenone.
2. Dn. Bishay W/Yohaannisi Topphiye ikonoomee uumiyoona iibaariyee ministeerooch waanjee'i shuunetone.
3. Dn. Bishay W/Yohaannisi bo doyeti doyyee shaahoo Kafi noonee uumiyooch bi immit gaaco aalloone.
4. Dn. Bishay W/Yohaannisi Kafi noonee biroon qannayit ariyechina'o daggoochee ikkeenone.
5. Dn. Bishay W/Yohaannisi Kafi noonoonaa qocoona dicceemmoch bo geddi qicco aalloone.

Hajjiyoo II: Hiniyee desh giddet echeena'on shemmeshoona dege wochib.

1. Dn. Bishay W/Yohaannisi shiijjeto aabiixi dubbiyooyee?
2. Dn. Bishay W/Yohaannisi 9-12ch beddaaha beet doyyoon aabekkaa doyyoone?
3. Dn. Bishay W/Yohaannisi am shaah doyyee shaahoonane battibatti digrin bo daneto?
4. Dn. Bishay W/Yohaannisi guttinnee digirina bo diireeto aabekkenane?

5. Dn. Bishay W/Yohaannisi Kafi noonoo dicceemmoch amoon hallitone?

Hajjiyoo III: Shiichii ittoshi shemmeti shemmeshee maacoochee kechit idiyeemeena'on ichet biriyoona shaahiyoona gaacheyee guuphona biishot.

Idiyeemo: gutte boono qello hakkit baribare biishech miheena'o ikkottee boono immiibeet bare biishech andire mihoone. Idiyeeme hallooch waabeet gutte miheena'o boonoshich tunet biishechina'one. Tunebaani, eb gutte miheena'o idiyeeme hallooch boono xappeemmona boono guttiyona yechit biishooyee maach tunet bare wochoo immiyeete. Eb hinnoo idiyeemo getteehe.

Shaahiyo: **Muddoo** – ahee qeppoone

Aallo–*shokko* woyee *hullo* imm biishoon yechiyeete. Eb miheena'o wotta ikkooch boono xappeemmona dabbimm biishoon immiyeete.

Muddaallo - mallo biich aallo getoch

1. aafo gaxxaano
2. xeppee yechiyoo
3. areddee gippoo
4. gasho shaaciyee
5. gommoo qaxxetone
6. maaco kuxaano
7. kishaabaateyee

Kuxo 4: Kooroo: Yeshiyee miheena'on kooroo

Yeshiyee miheena'o: getteebeetina'o gutte baribare miheena'on, minnakanneena'on yeshii koorooch gaacciibeet miheena'one. Yeshiyee miheena'on gaachoona gutte xolle minnakannena'on yeshii xappe minnakanno tuniyoo hakkeehe.

Yeshiyee miheena'o baribare noonee qeppeena'o daggooch yeshoon hallooch gaacciyee. Ebiyoo, gutte mooyina'o daggooch beet yeshoon baribare hinnoona bekkiiheete. Shaahiyooch; "tunebaani" immi yeshiyee miho shiichii giddet shalligoo dabbi woyeemmi shalligee sheexo tunoon bekkiiyooch gaacciyee. Ebich eb miho gutte shalligeena'ochi sheexe yeshoon bekkiiyooch gaacooch heechiye. Kafinoonoochaa gaaco immiibeet yeshiyee miheena'oochee shaahiyooch dabbina'on sheqqo hakkeehe.

Tunebaani, ebich, eboommon, woyee, wotta, bi tunetoch, - ebichi qoodooch, - tunetaana

Eb yeshiyee miheena'o ame gaacoon boono immiibeetogaata dabbimmi kiiraakiire maacooch bekkete.

Sheexe yeshoon bekkiyooch	Shalligee daakkoo tunoon bekkiyooch	Naboonaa daache yeshecho tunoon bekkiyooch	Shiichit shalligee keroo/shahoo tunoon bekkiyooch
<i>Tunebaani</i> <i>Tunetaana</i>	<i>Wotta</i> <i>Eboommon</i>	<i>Ebich</i> <i>Qoodooch</i> <i>Ebichi</i> <i>qoodooch</i>	<i>Woyee</i>

		<i>Bi tunetoch</i>	
--	--	--------------------	--

Doyichoo: Yeshiyee miheena'on barii gaache shuuraareena'o

Hajjiyoo I: Dabbimm minnakanne hoyooch tuneemm yeshiyee mihoon ceechib.

1. Dn. Kabbadi _____ Gn. Turingina kenaa-mecheena'one.
2. Arichiyaani asho no kitaamitooch giiti _____ itto qello duppaahote.
3. Kafi noonoo doyyee noonee _____ woddoo emirikkiye.
4. Kafina _____ Amaarina besheebeeti haanoon ello qihe yeshoch gaawetone.
5. Shaacoo taan yechite; _____ kexooch hami maayo maaye.

Hajjiyoo II: Hiniyee desh giddet minnakanneena'o daggooch beet yeshiyee miheena'on boono yeshiyee gaacoommona *sheexiyooch, shalligee daakkooch, nabaa daachee bekkiyooch*, dab. getibeeguuphona tune bariibot.

1. Keri beelle doychone; **tunebaani** bi phire daachoo gaaweyaache. _____
2. Aaxxi gabiyoochee xumaa waatan; **ebich** bi kenoona kaaretan. _____
3. Kafi noonona kooreeton shemmo hakkiyo; **eboommon** Amaarina kooreeton shemmaa digeno hakkiyo.

4. Keemeti gabiyoochee bi bushiishooch qoreddoo kemee deewite; bi magechi **wotta** bi bushiishooch caammoo kema deewetan._____
5. Kafi noonoo dooyee noonoo **bi tunetaana** meeti asheena'o Kafina kooroo hakkaacheete._____

Hajjiyoo III: Dabbimm mokashoonguuphona tune shemmeechi aree maacooch yeshiyee gaaco immit miheena'on barii kichibot. Ittoshi bariit miheena'o ame hinnoona yeshiyooch boono kotetogaata ittoshi guuphona ihaateebot.

Kitaamitoon gogoono tuneba qelloona xallayii yesho qaawiihe. Eb tuno qayigaata uumoonaa diconon men kitaamitooch deewo hakkeyaache. Ikke showoo uummite woyee diccite bi getteebeeto kitaamite xallittinoochee tiijiiniye. Eb geto kitaamito ashi beemoch mashaamito tuno qayigaata baribare asheena'o aree kitaamitoon niyeyaacheete. Ebichi qoodooch, baribare asheena'owaanee no daneeshi gamiyoon muccehone getone. Ebich, maccoo bi kitaamitoon uumiyooch ikke qelloona shalligiya beddiye. Eboommonoo kitaamito uumiyeemmoch woyee dicceemmoch diggittinee shuuneena'o toommooch gogoona ihaateyoo qaawiihe.

Kuxo 5: Mihe Ariyoo: Doyeet miheena'o

Doyeet miheena'on ciinnimmona ebiyee aaf haaroo ikkoochaa doytin. Ebich eb miheena'och amittinoon ne digeneti qoodooch hinichaa gaacheemmoneene/gaacheemmineene.

Doyichoo: doyeet miheena'on baribare hinnooch gaache
shuuraareena'o

Hajjiyoo I:"Dn. Bishay W/Yohaannisi" *immi* shemmeeshoochee
kechit dabbimm miheena'on gaacheyee guuphona ittoshi shalligoon
biriibot.

1. Maccoo
2. Shiijjeroo
3. Kexo
4. Ageno
5. Showoo
6. Kicoo
7. Ariyoo
8. Noonoo
9. Digeno
10. Dico

HajjiyooII:Hiniyee desh sanduuqoochkoteti miheena'on dabbii
giddet minnakanneena'ochi hoyooch ceechi wochib.

iiqqoo	doyoo	yaaboo	ariyootoocooch	kiinoon
--------	-------	--------	----------------	---------

1. Kafi noonee _____ beegaata doyoo kettoone.
2. Kupphee _____ ooge daqqooch bechiye.
3. Kafi noonona Kafi _____ kooroo hakkeehe.
4. Kafi doyee _____ Kafi noonee dojjooch gaacceem degoon
immiye
5. No doyoo _____ shaggeemmoch no showee diggittinoon

gogoona quyo qaawiihe.

6. Gaawe noonee _____ beegaata kette gommona bare asheena'ona mashaamoon hallooch hakkiie.

Kuxo 6: Noonee koco: Mihe shuyeena'on bariyoo

Mihe shuyo: Mihooyee dambe kocoone. Ikke woyee ikkooyee dambe miheena'chi kicoone. Mihe shuyo minnakannoochoommon ceene wocho beshiyaache. Mihe shuyo minnakanne maacooch danehe.

Minnakanne maac inditinona gutte mihe shuye shaahena'o beeteete. Eboshiyoo, shige mihe shuyoonaa kanne mihe shuyoonane.

Shige mihe shuyo -minnakanne shuyimoonaa bishaawujjena'onon yechito tunemmona **kanne mihe shuyo** wotta kannoonaa bi shaawujjeena'onon yesho hakkiye.

Sha:

Minnakanno	Shige mihe shuyo	Kanne mihe shuyo
A. Aa'i gattoo mocoon afaafinee gaaxiibeete.	Aa'i gattoo	mocoon afaafine gaaxiibeete
B. Aabo kechite.	Aabo	Kechite

Hajjiyoo I: Hiniyee desh giddet minnakanneena'ochi shige mihe shuyoonaa kanne mihe shuyoonon dabbimm kiiraakiirooch barii kotiib.

1. Ceelle bage woderoo kuxxetan.

SHABAATTINNEE KIME KAFI NOONOO

2. Kafi noonee doyoo yuuniversit daqqooch shaggite.
3. Beemi kexon xallayi yesho qaawiihe.
4. Koroono gonde biiyone.
5. Dojjecho waate.

Shige mihe shuyo	Kanne mihe shuyo
1.	
2.	
3.	
4.	
5.	

Hajjiyoo II: Hiniyee desh minnakannee hamaa dabboon quyeyaano shacaa kotet miheena'onaa mihe shuyeenaa'onon yeshiiyee ceene wochech minnakannoon koc.

Sha.kemeteete/mashiqareebaarooch/Asheena'o tuneemm/maa'oon

⇒ Asheena'o mashiqaree baarooch tuneemm maa'oon kemeteete.

1. gaddooch/ Meeti/ kachiibeeteete/ bushiisheena'o /doyee kechi
2. wodde /showeena'on/ Koroonee/Awuroppée/miixite/biiyo
3. doyyit/ showoon/ asheena'o/Kupphe/hakkiyeete/boono/ qeejjoo
4. naboona/koyee/iritoo/ikke/Ginee/waabeet/ikonoomin/mii xoo/hakkiye
5. Asteeri/hakkiyan/ aaboon/bulle/taahaano/shuunoo

HAAROO UUCHOO
AACONAA BI GAACOONA

Haaree gaboo: hin haaree doyoo ciimmona:

- Ne elleet baqqoochee shalligichoo yechehin.
- Aachi gaacoon biriihin.
- Ne shalligoon biriihin.
- Mihooch kaame biisho immehin.
- Hallibi kocoona deqer kocoonaon bariihin.
- Hallibi kocoona gidet minnakanneena'on deqer kocooch shaddihin.

Kuxo 1: Ello

Doyichoo 1: Ellooyee Aafinaa Elleegoori Shuuraareena'o

Hajjiyoo I: Dabbimm ellooyee aafi echeena'on shiichii neech beet ariyoon gaache wochib.

1. Aaco amooyich gaacciye?
2. Aaco amoochee danehe?
3. "Indee gondoona aachi gondoona aalloone" imm yibbaatoon ebiyee aaf waayaa ariinne? Ame naboona bi getteetogaata biriib.

Hajjiyoo II: Ne dojjechino shemmimm elle shemmeeshoon bo immimm hajjiyoon dabbibee aame elleb.

Doyichoo 2: Ellee digene shuuraareena'o

Hajjiyoo I: Dabbimm echeena'on aachi gaacoona yeshetona ne elleti shemmeshee qihoon timo tuniyye *Iberoo* woyee *Kooto* geti wochib.

1. Kashech halleena'o ubba aacon qaawiyeete.
2. Ikke asho tatoona bi shalligiyeemmoch aachi uyo biich qaawiihe.
3. Aaco uyona maayi qannayoonochani bare mooyoch woddii qaawiyaache.
4. Ikkikke kashech halleena'o aaco aalloon beemo hakkiyeete.
5. Amiyoo dihoo qajjitaanoona aaco beegaata maayoon gochii shakkiyoo hakkeehe.

Hajjiyoo II: Dabbimm echeena'och ittoshi elleti shemmeshee shalligoon gaache guuphona tune qamine wochoonimbot.

1. Aaco no ahee maacooch am ame gaacoon immiye?
2. Aacon gaachoona kitaamitoon ame hinnoona xallayoo hakkeehe?
3. Aaco ame giidoo imo hakkiye?
4. Amiyoo aalli goorooch aacon ame gommona goyooch gaacho hakkeehe?

Kuxo 2: Yibbaatoo: Echee qihe dano

Echee Qihe Dano: baribare naboona asheena'och echo tiijjoo hakkiyon. Echoon bare asheena'och no tiijjiyeemm nabeena'oochee ikkoo qihoon no qaawigaatane. Ikke mooyon ciinnimm qihoon danooch baribare yaweena'o beetaanoona ariibeet ashoon echo bire qihoon danooch gaaccimm yaweena'oochee ikkoone. Qihoon ashi waanee echoona ikke moochi; amittinoon, halloon, shuuneyee hinnoon, qeppoon, gaacoon, miixoon, dab bariyoo hakkiyon.

Doyichoo: Echee qihe danoon ciinnimm shuuraareena'o

Hajjiyoo I: Dabbimm echeena'on ne nuucheena'ona tookki guuphona ihaateebbe wochibot.

1. Konin echee ariihote? Ebiyee aaf amoommi ashoon ittoshi echee ariimmogaata biriibot.
2. Aakka echehote? Ittoshi echo amoon ciinnimmonane?
3. Ittoshi qaawit qihoon tatoona danetotee daneyaachote?
 - a. Ittoshi daneyaanogaata; Aakkane qaawee tate qihoon ittoshi mucceto?
 - b. Tate qihoon ittoshi danetogaata; qaawee qihoon tatoona danooch ittoshin deggit mooyo amoone?

Hajjiyoo II: Dabbimmina'oochee ittoshi nuucheena'ona tookki guupheeyee ittoshi mattit gutte hinneena'on ciinnimmonashalligee imaade'eyee shuuraaron hallibot. Eb shuuraaron ittoshi dojjechino koccimm yawoona gawaatibot.

1. Aacon gariyooch gaaccimm yaweena'on ciinnimmona qihe danooch echo
2. Aaco am ame gaacoon bi immiibeetogaata qihe danooch echo
3. Kitaamite xallittinoon quyooch gaaccimm yaweena'on ciinnimm qihe dadooch echo
4. Kitaamitooch aacon duubiyoo hakkimm hinneena'on ciinnimm qihoon danooch echo
5. Aaco daneebeet gommina'on ciinnimm qihoon danooch echo
6. Aachi shaaheena'on ciinnimm qihoon danooch echo
7. Ucheebeetona ucheyaani aachi shaaheena'on ciinnimm qihoon danooch echo

Kuxo 3: Shemmo

Shemmee digene yawo

Shemmee digene yaweena'oochee haaroo awuddoochaa dabboonaa eengee maacooch shichee hallee yaweena'on ciinneton. hin haaroochaa shalligee shichoon kocci yawoon ciinneemmonoone.

Shalligee shichoon kocci yawo: no shemmaabeet shalligoon shichoon kocci kotiyee yawoone. Eb yawo mokashoon woyee shallikoona biree giddet shemmeshee shalligoon tunet shichee kocooch wochii kotiyoon ciinniye. Shemmeyemmoochee ciicheemmooch shaddoo getone. Dabbimm **“Aachi Gaaco”**imm shemmeshoon shemmoochaa shalligee shichoon kocci yawoon negaacheemmogaata nabaadaache yeshoon bekkiibeet shichoon koco hakkihin. Ebin ne halliyeemmoch wotta shemmooyee gubbi shuuraareena'oochaa nabaadaache yeshoon bekkiyooch mashaamii

giddet shichoo beete. Ebi shichoon gaachoona hin yawoon uumiyoo hakkihin.

Doyichoo 1: Shemmoyee aafinaa shemme goori shuuraareena’o

Hajjiyoo I: Hiniyee desh giddet shemmeeshoon ciinaano wochoo imb.

1. Ucheemmonaa ucheyaacheemm aaconochi barbarittino amoone?
2. Aacona yeshet biiyo neen woyee ne ariyaabeet ashoon biijjii aariihe? Eb hinnoo ame naboona bi tunetogaata biriib.
3. Aaco uyoch tuneyaachemmon tuniibeet nabeena’o ameena’one?
4. Danet aacon uchiibeet asheena’o toommooch ame iriteena’o shago hakkiyeete?

Hajjiyoo II:Dabbimm “**Uchi Aaco**” imm shemmeeshoon qaaro kichaano ne qellich shemmeeb. Ne shemmeebeegoora mooyina’ochi nabaa daache yeshoon bariyooch aameb.

Uchi Aaco

Gn. Wolatt kechi ashseena’o maace biiyoona yecheteete. Boyee guuta kexooch beetbulle asheena’oona beerooch qeyiteete. Gn. Wolatti biiyee qeyit bo kechi asheena’on bo ciinaa ciinaa boono qeyitoochee tiyaacheete. Bulliyona beerooch kulli kushee echetaa areeno ooge keqqooch giitane.

Giyeena’o biiyetina’on cacheya waa boono kaaretaa asheena’on iiwee aadooch daammiyone. Iiwee aadooch beet iiwee qoppecho

biiyetina'ochi damoon, sheeyonaa kotoonoochee daammii phiree beeggiichii “Asheena'on biijjito duubet maayoon mamonaa aacon uyone.” ite. “Ebich, duubet maayeena'on mammo woyee aacon uyo qaawiyaache.” iichii biiyet asheena'och gaacceemm nappoon kochii attoon immite.

Gn. Wolattinaa bo kechi asheena'ona boono qellichono tuneba kitamite xallittinoon quyooch woddoo aameyaacheete. Boono danet aacon diqq uchiyeete. Eb hinnoo kexeexi meeti asheena'o ikkooch biiye qeyeemmon tuniite.

Iiwee qoppecho boyet booyoona ciicoona bo qellooch waataa aacon kittii bo ciinnaaha boono uyoch gaacheebeet aaco xalleyaano bi tunoon xiishitone. Gn. Wolatti ebiyee beshoon wotta aaco afoona bekko hakkaani shinnipphe guudoona bi duube hakkoona iiwee beeroochee bo danet shalligoochee digenehone. “Eb duubet aacon uyone ta kechi asheena'on biiye toommooch duppito” ii'i shalligiyone. Bo ciinaa wooret aacon yechii iiwee beerooch daammii bo phiriitaa bo kechi asheena'ochi maace biiye naboo aachi duubo tune danete. Aroocheeno biiyet asheena'och daakke attoonaa nappoon icheemmon tuniitone.

Iiwee qoppecho, “Aaco ashi bushoo beemoch indittinoona qaawiibeet mooyina'oochee ikkoone. Tunebaani, ucheemm aaconaa ucheyaacheemm aaconon barri gaacho qaawiihe. Kitaamitooch beet aaco bulla ucheemmo tuno qayo hakkiye. Boombee aaco tunemmogaatoona tubbee osheroona woyee aaco kicaa koteebeet qiice kiine naboona duubo hakkiye. Ebichi qoodooch ucheemm

aacon gufii aqqayii woyee aachi attoon geddii uyo maace biiyon deewiibeet kashingixeena'on aalliyooch deggiye. Aachi atto getteebeetina'o shaahiyooch; kilooriino, aachi aggaaro, dab aacoon duubiyoo hakkimm kashingixeena'on wuxooch gaacciyeete. Cikkiitaa ucheebeet aachi maacooch eb kashingexeena'o beegaata maacee biiyoon deewiyeete."Imm biriyoona gaminona immite.

Gn. Wolatti eb ichet harichiyoon gaawuchii bo digeneti qoodooch kexooch wotteechi bo kexeexi asheena'ona tookkii bo kitaamitooch beeti aacoochee aabi ucheemmogaatinaa aabi wotta ucheeyaacheemmogaata bariitone. Ebiyoo, uchi aaco gufiitaa aqqeto; xallayee atteena'on gedaa xalleto woyee gibenikkimm xaa'oochee daneto tuno qaawiihe. Gibenikkiibet xaa'o no immona kecheebeet haylaande aaco tunegaata xalloone getaa shalligiyoo hakkiye. Ebichi hinnooye maach beet aacon shiimee xallayii gaacho qaawiimmo tunoon digenetone. Aafoona ciinona baach xalloo shaahiibeet aaco beddaaha gibenikkimmo tune qayon ariitone.

Gn. Wolatti bo danet harichiyoochee kitaamiteexi aacon duubiyoo hakkimm gommuna'ono bariitone. Kitaamitooch beet aacina'o meeqqeqqee yeshigaata uyoch gaaco hakkiyeete. Ebiyoo, woce aaco beegaata men woce aacooch gondeche guudoo giyaacheemmoch meeqqeqqoona xallayii yesho hakkeehe. Xuuphe aacina'o kitaamitooch beeto tunegaata boono guudoon xallayii shiimee yeshona aachi xallittinoon quyo hakkeemmo tunoon digetone.

Aachi xallittinoon quyooch maccee ikkittinoowani ikke ashi meeqqeqqo baach woddoo gaaccimmo tune qayono ariitone. Ebichi

naboona iiwee beeroo bo kitaamite maccooch ubba harichiyoo
immeemmon tuniitane. Gn Wolatti daakkoonoo bo kitaamite aachi
iiwittinon quyooch shiichii shuuraaroonaa kitaamite maccooch
shaahaaniyoo tunetane.

Ebichi naboona ebiyee aaf aachi duube naboona wotti wottee
biiyeebeet kitaamite maccoo eb iritochee kechite. Genje goorooch
beddaahanoo aree gafeexi asheena'o aacona yeshet biiyoon biiyee
ariyaacheete. Gn. Wolattiyoo bo shuunoona bo qellich emiritane.
Maccoonaa taatoonawaaneeno bo gallaame shuunoona meeti wajjoo
danetane. Bo kitaamitooch baach tuneyaanon bare kitaamitooch
beddaaha ataalliyoona bo doyyoon hammii qoodiibeetane.

Doyichoo 2: Shemmee digene shuuraareena'o

Hajjiyoo I: «Uchi Aaco» imm shemmeeshoon gaacheyee 'A' dechiich
giddet mokashe haddeena'on 'B' dechiichee mashaamimm
shalligeena'ona xibiib.

'A'

1. Ucheemm aaconaa ucheyaacheemm
aaconon bariyoo qaawiimmo tunoon
biriiche
2. Asheena'ochi maace biiye naboo aachi
duubo tunoon xiishiihe.
3. Aacon xallayee yaweena'on biriiche.
4. Asheena'ochi maace biiye naboo
phiretaa daneto tunoon biriiche.

'B'

- A. Ikkinnee mokasho
- B. Guttinnee mokasho
- C. Keejjinnee mokasho
- D. Awuddinnee
mokasho
- E. Uuchinnee mokasho
- F. Shirittinnee
mokasho



- | | |
|---|-----------------------------|
| 5. Gn. Wolatti shaahaaniyoo tunoon
birihe. | G. Shabaattinnee
mokasho |
| 6. Gn. Wolatt kechi asheena'o biiyee
qemon birihe | H. Shimittinnee
mokasho |
| 7. Gn. Wolatti bo doyoona bare kitaamite
macceena'och bo imon birihe. | I. Yiixinnee mokasho |
| 8. Gn. Wolatti kitaamiteexi asheena'o
xallittine quye qayon birihe. | |
| 9. Gn. Wolatti aachi xallittinoon quyooch
kitaamitoon xallayoo qaawiimmo
tunoon bo digenoon birihe. | |

Hajjiyoo II: Hiniyee desh ichet shalligeena'on shemmeeshoona yeshiiyee tate wochechina'on *Iberootateyaaneena'on Kooto* geti qaaroona wochib.

1. Gn. Wolatti iiwee qoppechinone.
2. Gn. Wolatti kechi asheena'o biiyeto duubet aacon diqq uyonane.
3. Boombee aaco halla iritoon deewaache.
4. Aachi duuboona waabeet biiyoona wushooch ucheemmonaa uchiyaacheemm aaconon bariyoo baach beddaache.
5. Gn. Wolatti aachi duuboona biiye womon shiichii ariihone.
6. Kitaamitoon xallayii yeshona aachi duuboona waabeet biiyeena'on wushoo hakkeehe.
7. Gn. Wolatti aachi duube naboona biiyet asheena'oochee ikkeenone.

8. Gn. Wolatt kechi asheena'o ubba biiyeto aachii duube naboone.
9. Aacon gufiyoo aachi caamoon bi aalliibeeti qoodooch gufii uyo woddoo boyeyaache.
10. Aaco ashi bushooch indittinoona qaawiimm moyina'oochee ikkoone.

Hajjiyoo III:Hiniye desh giddet shalligee kocci shichoon ichet shaahiyoona gaache qaroona tune ceechibot.



Hajjiyoo IV: Hiniyee desh giddet echeena'on shemmeshee shalligoon gaacheyee biret wochoon googoona imbot.

1. Kitaamitooch ikke ashi meeqqeqqo baach aacon xallayooch bi gaacaani naboo amoone?
2. Gn. Wolatti kechasheena'o biyyeto ame naboone?
3. Gn. Wolatti biyyet kechasheena'on iiwee aadooch bo daammeemmoch gettito kone?
4. Kitaamitooch beet aachi xallittinoon quyee uyoch gaaccimm yaweena'o aaboshine?

Kuxo 4: Kooroo: Tochee shallikoon kooroo

Tochee shallikoo: ikke moochi shuuneyee hinnoon bi gooree hamaadabboon quyee giddiibeet kooree shaahoone. Tochoo mooyina'on boono hamaadabboona giddiyee yawoone. Ebiichee tiitona tochee shallikoo kooreemmona hinneena'on shiichii shalligiichii aroochee boono hamaadabboon quyee giddiyoone. Shaahiyooch; Dn. Allubbin keqqichit ikke kiinoo tochooch; ikke aaboon Dn. Allubbi shuunooch heechii katamooch hammiyone; aroochee uyo uchiibee xumoone; arooch bo beetaa showoo oogii xumehe; bo ikkeeti manderoona gommooch dihii tiibee mag wottoone; kexooch shagg bo bedooch tunet asheena'o boon yexxeemmoch giichiyeete; aroochee bo cookaa qaaron waayet bo kechasheena'onaa giyeena'ona shaggii wodiiheete; imm hinneena'o tocheyeemm kiine maacooch boono hamaadabboon quyee giddeteete.

Dabbimm hinnoommona kocho hakkiye.



Doyichoo: Tochee shallikoon kooree shuuraaro

Hajjiyoo: Tochee Shallikoon Guuphona Tune Kooribot

- Dambaa giddet tochech shallikee shuriyoona yeshet shalligoon xiishi shemmebot.
- Ittoshi dojjechino immimm shimboon gaachoona tochech shallikoon kooribot.
- Ittoshi koorii qannayit shallikoon ittoshi nuucheena'ona goge wochi ciinibee tachi kooribot. Ittoshi nuucheena'owaanee danemm tachee qoyiteena'on eehete gommona daambot.

Kuxo 5:Mihe Ariyoo: Mihe kaame biisho

Mihe kaame biisho: Noonee gaache hinnoochaa ikke mihoon baribare biishoona gaacho hakkiyon. Eb biisheena'oochee ikkoo kaame biishoone. Mihe kaame biisho ikke miho bi ikke qelloona bi immiibeet biishoone. Shaahiyooch; “maate” imm miho “cokkee qooxxite” imm kaame biishoon yechiye.

Mihe kaame biisho men miho indittinoona bi aricheebeet biishoone. Ebiyoo, mihoon no ciinnemmona no qelli maacooch shiichii waabeet biishoone.

Doyichoo: Mihekaame biishoon immi shuuraareena'o

Hajjiyool: Hiniyee desh 'A' hi dechiich giddet miheena'och 'B' hi dechiich giddet kaame biisheena'oochee mashaamimmona xibiib.

A

B

- | | |
|-----------|----------------------------------|
| 1. Shoho | A. Kappho/Gishiishikkoo |
| 2. Keetoo | B. Kashaano |
| 3. Dabboo | C. Kubbi waamooch koteebeet aaco |
| 4. Baddo | D. Ciinoch gaacciibeet ahee |
| 5. Duco | qeppoo |
| 6. Gaaroo | E. Shaceton ikkooch kicoo |
| 7. Aafo | F. Acaani mooyo |
| 8. Macoo | G. Hilloom hamo |
| | H. Gommoch tuneemm maayo |

Hajjiyoo II: Dabbimm minnakanneena'o maacooch aaqii kooreet miheena'o boono gaaccito boono kaame biishoon tunegaata *“eeha”* tuno qayigaata *“toona”* geti qaaroona wochib.

1. Doyechina'o kuchi maacooch **kotee** shemmeebeeteete.
2. Sheekkoon qaaqqoo **maate**.
3. Bushoo asheena'on **dabbii** woccite.
4. Dn. Kerinaa bo magechinona kaaretaa boono **kexo** shacete.
5. Yiich xum dihit amiyoo showoon **michiite**.
6. Dn. Allubbi bo gaashoon shuyo **maataa** atto wuciibeetone.
7. **Qettooch** bi tifet baribare qaxerech gijjoo oogii macecikkiye.

8. Asheena'o boono mooyo arichetaa **xalle** gaddooch kechiteete.

Hajjiyoo III: Dabbimm miheena'ochi kaame biishoon ichet shaahiyoona dege koorib.

1. Gaaddo - meenon bashii qoodeyoo
2. Shappoo
3. Cufoo
4. Maakko
5. Kaaro
6. Teegoo

Kuxo 6: Noonee Koco: Hallibinaa deqquer kocoona

Hallibinaa deqqueri koceena'o: noonee gaachee hinnoochaa minnakanne maacooch eb koceena'on gaacho hakkiyon. Ebiyoo eb koceena'on bekkiibeet miheena'o Kafinoonee maacooch beemone.

Hallibi koco: meeti gooroon no gaachaabeet minnakanneena'o eb qecoona kocheheete. Ebiyoo, shuyimoon hallecho tunii kocheebeet minnakanneena'on ciinniye. Shaahiyooch; "*xoobbiye*" imm kanne toommooch xoobbech kuxo shuyimoo woyee hallecho bi tunoon bekkiihe. Ebiyoo, eb kannoona minnakannoon no koccemmogaata "*Keri gattoon xoobbiye.*" immo tuno hakkiye. Ebich, xoobbi shuunoon shuuneto Kerine. Keri wotta minnakanne shuyimoone. Ebminnakanne maacooch no ciinnaabeeto shuyimoo shuunee hallecho tune bi kochooniye. Ebichi naboona eb koco *hallibi* getteehe.

Deqger koco: meeti gooroon gaachooch kaameebeetohallib koco tunetaanoona deqger kocoono no noonee gaache hinnooch dano hakkiyon. Ebiyoo, hallibi qecoochaa deqgerin tune kochet kuxo hiniichaa shuyimee xaa'oon yechii kotehe. Shaahiyooch; “*Keri gattoon xoobbiye.*” imm minnakanne maacooch deqgeri tune kocheto “*gattoo*”ne. Ebichi kocoochee shaddeyoona “*gattoo*” shuyimee xaa'oon bi yechimmogaata “*Gattoo Kerina xooppehe/ Gattoo xooppehe.*” imm qecoon yesho hakkiye. Minnakanne maacooch no ciinnet kanno “*xoobbiye*” immoochee “*xooppehe*” immooch shaddeete. Ebiichee no ciinnaabeeto “*xoobo*” hallechona deget kanno bi tunemmona “*xooppo*” wotta halliyechona/deqgerina bi degooniye.

Doyichoo: Hallibinaa deqgerikoceena'on bariyee shuuraaro

Hajjiyoo I: Hiniyee dambaa ichet biriyoona timo tuniiyee dabbii giddet koceena'ochi amittinoon bariib. (Hallibi woyee deqgeri)

1. Cooxo maayoon ciichite.
2. Asheena'o gaayoona dawusheeteete.
3. Qocciti boono miimi shaappaabeetan.
4. Bushoo bi shuunoon shuunooyich mobayiloon gaacheebeete.
5. Gaashoo bucheebeete.
6. Gn. Arengi madewe doocon duuchitone.
7. Emmishe wutteetan.
8. Gn. Wolatti ucheemm aacon xallayooch teegitone.
9. Dafechina'o maayoon shocciibeeteete.

10. Haagoo shookkeemm qeemo dappete.

Hajjiyoo II: Qaroona tuneeyee dabbimm *hallibi kocoona* giddet kanneena'on ichet shaahiyoona gaachoona *deqqeri kocooch* shaddibot.

Hallibi koco

Deqqeri koco

- | | | |
|----------------|---|--------------------|
| 1. Kaareeteete | → | <u>Kaareeteete</u> |
| 2. Yebbete | → | |
| 3. Teegite | → | |
| 4. Baccite | → | |
| 5. Yaarite | → | |
| 6. Kemmite | → | |
| 7. Macite | → | |
| 8. Maate | → | |
| 9. Xandite | → | |
| 10. Shoccite | → | |

Hajjiyoo III: Dabbimm hallibi kocoona giddet minnakanneena'on deqqeri kocooch shaddi koorib.

1. Gatteena'o mocoona maabeeteete.
2. Dafechina'o kexon daachiibeeteete.
3. Keri geendoo tippiibeete.
4. Woderoo gommooch tippet emmisheen wuttite.
5. Yiich gabiyoona taciinnet asheena'o kecheemm gijjeena'on gasheebeeteete.

Hajjiyoo IV: Dabbimm deqqeri kocoona kotet minnakanneena'on hallibi kocooch shaddi koorib.

1. Aaco bushiishoona kitteebeetone.
2. Dn. Gaashoo konina shochehe?
3. Katamee gennoo beemi aaxxoonaa sheeneeteete.
4. Ikke kubbaayee aato giixechina'ona aache birewoona kechete.
5. Gifirooch tuneemm qoccoo arengina maacheebeete.

HAAROO SHIRITTOO

SHEERAALLI MAXXO

Haaree gaboo: haaree doyoo ciimmona:

- Ne elleet baqqe inde mooyina'on bariihin.
- Sheeraalli maxxoon yeshet shalligoon biriihin.
- Ne nuucheena'ona shataanoon yibbaatehin.
- Shittaa shemmehin.
- Sheeraalli maxxe hinnoon shekkehin.
- Shemmeshee shalligoon shichoona koccehin.
- Minnakanne gaacoon gettehin.
- Mihooyich gaacoona yeshet biishoon immehin.

Kuxo 1: Ello

Doyichoo 1: Ellooyee aafinaa ellee goori shuuraareena'o

Hajjiyoo I: Hiniyee desh giddet echeena'on ebiyee aafi ne ariyoon gaache wochib.

1. Maxxo amoone?
2. Ittoshi kitaamitoch doychina'ochi doyyee kuxxi naboo amoone?
3. Ittoshi kitaamitoochee bare xaa'och maxxee hammit asho beete? Amee naboone bi maxxeto?

Hajjiyoo II: Hiniyee desh shemmeemm elle shemmeeshooch Allubbi aabichii bi dawusheetogaata ne dojjechino immimm hajjiyoon dabbi digenebee eelleb.

Doychoo 2: Ellee digene shuuraaro

Hajjiyoo I: Hiniyee desh giddeti shalligeena'on elle shemmeeshoona degeyee boono shalligoo tategaata *Iberootatoqayigaata Kootogeti* wochib.

1. Allubbin koccii kexoochee kichito bi nuuchoone.
2. Allubbi Addisaaba hammii gaawe doyee kexooch doyiibeete.
3. Kaameeloon neechito Allubbine.
4. Allubbichi niheeno bo bushoo aalletaa doyee kexona kaaretone.
5. Allubbi niheeno batti batt bo bushoo beemon beegooch bo hammito Allubbi nuucho waaniye.
6. Allubi kexoochee aallee bi hammito xumooniye.
7. Allubbi kexoochee bi kechito bi indina kaaree'iniye.
8. Kaameelech asheena'o Allubbin deggiteete.
9. Allubbi kechi asheena'o giixechina'one.
10. Allubbin xoobbii wuxitina'o biin koccii daammit asheena'one.

Hajjiyoo II: Hiniyee damba “Dawushiyoo” iimm shimboona giddet elle shemmeeshoon xeppho tuniyyee dabbimm echeena'on wochib.

1. Battii batt Allubbin maxxooch bechit naboo amoone?
2. Allubbin bi gafoochee dawushii daammit asheena'o aaboshine?

3. Aangechi uro Allubbin amoochiye bi daammito?
4. Batti batt Allubbin birewoo echeto kone?
5. Allubbin xoobbii wuxxito kone?

Kuxo 2: Yibbaato: Nuucheena'ona yibbaato

Doyichoo: Nuucheena'ona yibbaate shuuraareena'o

Hajjiyoo: Ittoshi dojjechino koccimm guuphona sheeraalli maxxoonaa waabeet miixoonaa eb sheeraalli maxxoochee gaaco danebeet asheena'o aaboshigaata ittoshi nuucheena'ona tookki ihaateebot.

- Sheeraalli maxxe naboona am shaahe miixoo shago hakkiye?
 - Tookkii beemona yeshetona,
 - Ashittine wuroon mucciyoona yeshetona,
 - Dimokraasee wuroon mucciyoona yeshetona,
 - Ikonoomin miixoonaa yeshetona,
- Ashoon sheeraalloikke xaa'oochee bare xaa'ooch guudiyoo:
 - Ikke showee maccooch bi daniyeemm gaaco amoone?
 - Maxxiyechina'ochiyechina'och bi daniyeemm gaaco amoone?
 - Sheeraalli daniyechina'och bi daniyeemm gaaco amoone?

Kuxo 3: Shemmo:

Shittee shemmo: shemme xurittinoon bekkiibeet iiqqoone. Ebiyoo, gaawe shemme doyoona danehe. Shittee shemmo no shemmaabeet

shemmeeshoon afaafinee tatoona biriibee shemme hakkoone.
Ebich, eb hakkoo kaatikaatee shemmoon, muricaano shemmoonaa
gaawee biriyoona shemmoonon bi maacoocch yechiye. Eb hakkoo
no shemmaabeet kooree shalligoon iriteyaano no digeneemmoch
oogii deggiye

Doyichoo 1: Shemmooyee aafinaa shemmee goori shuuraareena'o

Hajjiyoo I: Hiniyee dech giddet echeena'on shemmeeshoon ne
shemmooyee aaf beet ariyoon gaache qaaroona wochib.

1. Ebiyee aafi ne ariyoochaa maxxoo amoone?
2. Sheeroo amoone?
3. Sheeraalli maxxee hinnoon ciinnimmona ittoshi ariibeet mooyo
amoone?
4. Asho bi showoochee ame naboona maxxoo hakkiye?

Hajjiyoo II: Shemmeeshoon shitte shemmeeb. Ne shemmeebeegoora
afaafine, tachi, biriibee shemmooch herecheb.

Sheeraalli Maxxo

Ikke asho bi beemooch bi doyitona xiishii bi ariibeet xaa'ona
beemo hakkiye. Ashi bushoo shiijjee bi shaggit xaa'oochee meeti
mooyina'on ariihe. Ebiyoo, aree guudooch beeti meeti asheena'on
ariihe; meeti sheena'o biin ariiheete; bi kitaamitoon ariihe
dab. Tunebaani, asho baribare naboona eboommi doyii bi
beetikitaamitoonaa ashoonon duppii woyee barii hamo

hakkiye.Asho bi kitaamitoochee baddkaacha aricheyaani gommona bi hammiibeet hinnoo sheeraalli maxxoo getteehe.

Andi goorooch sheeraalli daniyechina'ochi naboona ashoo bi beemi xaa'oochee bare xaa'ooch maxxoo hakkiye. Eb daniyechina'o asheena'on boono beet kitaamitoochee daammii bare kuxoch imona gaacheebeetina'one. Shaahiyooch; gurmaashittinne daqqooch beet doyechina'on "ittoshi qaatoon ceechiyeemmo noonee" immi dachoona boono doyoocchee kuchiheete. Aroocchee bare wohi xaa'ooch daammii shiichii boono dooyit beemonaa doyonoochee murichiiheete. Boono dawushit asheena'on boono ariyaani xaa'ooch daammiiboono shunnimmon shuuneheete.Wodiyaani gijjoona ashich boono shuuneemmoch kette gatiyoona daniiheete.Daammiibeet asheena'o men bushiishoon kette gommona boono daneebeeti qoodooch daammii hajjiyeete.Boono ariyaani gafoonaa gatoonooch giit bushiishoo boonoshich getteet mooyon eeha iyi daamoye guuta amoonona halloo hakkaacheete.

Ebich, sheeraalli maxxoo taatoo ariyaani gommona halleebeetone.Eb maxxoo hinnoo sheeraalloona aashoona gawaateebeet maxxooone.Sheeraalli maxxoo asheena'o sheeroon gaache eche wuroon imaache.Maxxechina'on deggeemm sheeroo aalle naboona meeti iritoo boono toommooch shago hakkiye.Ebhinnoona maxxet asheena'oochee meetina'o dawusheetina'one.Katine gooroochgiit phiraa-boshe daachooTopphiyoocchee sheeraalli gommona ashi showooch maxxetina'oochee 76 kisha beddimmina'o nabech iritoona tuneyaanoon dawushiyoona maxxetina'o tunoon bekkiihe.

Sheeraalloon halleebeet maxxoo ikke showoochee bare showooch tunegaata iriteena'ochi **maggittinoonaawoddittinoona** oogii daakkiye. Ikke asho kaacha aricheyaani gommona ikke showoochee bare showooch hammiibeeto bi tunegaata meeti gonde mooyina'o bi toommooch shago hakkiyeete. Bi gabit showooch hami bi shaggaaha gommoochaa meeti **hayibeena'on** dano hakkiye. Genje gooroon maayoonaa aaconon muccoona ooge

mandaachoonaa biiyoona bi toommooch shagaa gommoochaa qitoo hakkiye. Eb hinnooch beetina'o maacheena'o tunegaata wotta shaggeemm iritoo ooge maggoo tuneer danehe. Ebiyoo, giidechina'o boono daaggaalloon yechii qemona baribare biiyeena'on beshiyoo hakkiyeete. Ebichi naboona biiyoona yechoono qitoono hakkiyeete. Kashoona boono hammitooch boono shaggitaanoona boono qaatit mooyon daneyaanon sheeraalloone getaa yeshaa cuchee ubbe boono eenon cuyee kexooch beshiyoo hakkiyeete.

Kaacha aricheyaani gommona bare showooch hammit maxxecho bi toommooch shaggeemm iritoo ebi baach toonoone; danemmo xoobbiye, gijjoon echehe, **guuno** tuniiche, baribare miiximm mooyona'on bi toommooch shakkiihe, dab. eb ubbe miixoo bi toommooch shaggimmona koniyona biin gaacheemm shafiro aalle. Amooyicha getigaata sheeraallo bi tuneti qoodooch men showoochee showashittine wuroo biich aalli qoodoochiye.

Eb ubbe irtoon beshee shuunee gijjoo dano hakkeemmogaatoona sheeroo aallo woyee showasho bi tuneeqayo arichegaataaajjii bi danet gijjoon bokkee shokke kishoo bi showooch

wotteehe.Ebich,taatoo ariyaani goommona no showoochee kechii hamo wodde hayiboon no toommooch shakkiihe.Eb iritoo no toommooch shagaacheemmoch no doyyoon kupphee doyyoo;no hakkooyee beshe iritoo danegaata no showoochaa no hakkimmon shuunoona no beemon shaddoo hakkiyon.eb mooyina'on hallooch no hakkoo guutito tunegaata woyee tuneyaani ashi showooch hammi qaatoo nooch beegaata taatoo ariimm sheerech gommona ashi showooch hammii shuunee wodoo hakkeehe.

Doyichoo 2: Shemmee digene shuuraareena'o


Hajjiyoo I: Shemmeeshoochee ne doyyit shalligoon gaacheyee dabbimm minnakanneena'o beshiibeet wocho tategaata *Iberootato* qayigaata *Kootogeti* wochib.

1. Maxxo ikke xaa'oochee bare xaa'ooch hammii beemi hinnoone.
2. Maxxeebeet asheena'o ubba boono beeyi kitaamito boonoshich mashaamee qayonane.
3. Maxxo ikke showoochee bare showooch hamon baach ciinniye.
4. Sheeraalloon boono beet xaa'oochee maxxee bare xaa'ooch hammiibeet bulle asheena'o maxxee gaboo shiichii boonoshich bi beetochiye.
5. Ashi showooch maxxee beet asheena'o boono qaatiton ubba daneheete.

Hajjiyoo II:Shemmeeshee moochaafoona yeshet dabbimm miheena'onaa mihe shuyeena'onoch qaroona tuneeyee shemmeeshee maacaa boono immit gaacoona dege biishoon imbot.

- 1) Maxxo
- 2) Taatoo
- 3) Keyaa Kindoo
- 4) Iiwittino
- 5) Dawusheyoo
- 6) Guuno
- 7) Maggittino
- 8) Woddittino
- 9) Mandaacho
- 10) Hayibeenaa'o
- 11) Sheeroo

Hajjiyoo III: Hiniyee desh giddet shalligee kocci kaartoon shemmeeshee wochoona dege ceechib.



Hajjiyoo IV: Hiniyee desh giddet echena'och shemmeeshoochee ittoshi danet shalligoonaa ittoshich shiichii beet ariyoonon gaachoona guuphona tune wochibot.

1. Asho aakkane bi showoochee maxxee badd bi hammiibeeto? Shiichii ittoshi ariibeet nabeena'on daakki gamini biriyoon imbot.
2. Sheeraalli maxxee naboona amoommi iriteena'o dano hakkiyeete?
3. Daniyecho amoone?
4. Ittoshi kitaamitooch gurmaashe daqqoona beet asheena'o maxxet hinnoo beete? Amoommi iritoo woyee gaawe mooyo boonoshina daneto gaata gamini biriyoon imbot.
5. Shemmeeshoochee danet shalligee naboona sheeraalloon maxxoonaa yeshetona ittoshi shalligoo ame wotto shaddeete?

Kuxo 4: Kooroo: Biriye shallikee kocoon shekko

Biriye shallikoo ikke mooyo aabichaa bi shuuneebeetogaata woyee aabichaa bi gawaateebeetogaata bekkiibeet woyee yaabiibeet shallikee shaahoone. Eb shallikee shaahoo ikke mooyo amo gaata arichiyooch woyee bekkiiyee shuriyech kooroone. Eb shallikoon gaachoona mooyina'ochi shaahoo amoommo gaata; ame shuriyoo boonoshich beetogaata; ame hinnoo boono maacooch beeto gaata; ame gaacoona miixoona boonoshich beeto gaata; dab biriihe. Shaahiyoo: *Yongo aafoona ciicheyaanoona kishoona shafeyaani halloone. Bi beemo aricheebeeto bare halleena'o toommooch bi*

halliibeet hinnoonane. Ebiyoo, kubboon bi shuurikkoona, ayere bi aqqayoona, ashi waamooch bi shennoona dab bi beemo aricho hakkiye.

Biriyee shallikoo baribare koceena'o biich beemo hakkiyeete.

Eboshiyoo nabaa-daache koko, iritoonaa biishe koko, goomiyoona tophiyee kocoona hamaadabbee bekkiyee kocoona getteeheete.

- **Nabaa-daache koko:** naboo ame daachoon bi deewitogaata; woyee daachoo ame naboona bi danetogaata gididiyoona qanniye. Naboo ikke moochi timo tunemmona daachoo wotta naboona daneebeet mooyone.
- **Iritoonaa biishe koko:** ikke shaggit iritoon tiijjii'i aree iritoon kettiyooch ichet biishoon biriiyechone.
- **Goomiyoona tophiyee koko:** gutte moyina'ochi shaaheyoona barbarittine hinneena'on tiijjii biriihe.
- **Hamaadabboon bekkiyee koko:** ikke moochi gawaateyee hinnooch beet hamadabbeena'on gididiyoona biriihe.

Doyichoo: Biriyee shallikee kocci shuuraareena'o

Hajjiyoo: Dambaa biriyee shallikee kocee amittinoona shaaheena'onoch giddet biriyee timoona:

- A. Sheeraalli ashi maxxee hinnoon ciinnimmona biriyech shallikoon kooribot.
- B. Ittoshi koorimmona biriyee shallikee kocci yaweena'oochee mashaamimmon kaaci gaachebot.
- C. Ittoshi gaachet shalligee kocci yawoon shekke bekkiibot.
- D. Ittoshi koorii gididiit shallikoon guuphona tune ihaateebot.

Kuxo 5: Mihe Ariyoo: Mihe budi biisho

Mihe Budi Biisho

Miheena'och baribare gaaco beemo hakkiye. Shiichit bare haaroochaa mihe kaame biishoon ciinnitote. Kaame biisho ikke mihooch bi qellich icheebeet biishoone. Hiniichaa no ciinneemmo mihe budi biishoone.

Budi biisho ikke miho baribare xaa'oochaa bi immiibeet gaacoona yeshetone. Ikke miho baribare xaa'ooch bi giimmona baribare gaacoon imo hakkiye. Ebich ikke mihooch baribare budi biisheena'o beemo hakkiyeete. Dabbimm shaahiyoon aame ciinot.

Sha. *Maate* imm miho baribare xaa'ooch bi giimmona bi immeemm biishoon dabbii ciinon.

- 1) Keri bi yefelleshoon **maate**. – cokkee qooxxite
- 2) Boono gaashoon shuyo **maate**. – qerite
- 3) Bi mayooch bi geddit atto biin **maate**. – guccete
- 4) Dojjecho bi shuumaayon **maate**. – daammite
- 5) Aaco bushoon **maate**. – wuxite
- 6) Bushoo doonochi gijjoon erettee **maate**. – nookkete
- 7) Okkeb gafeexi sheekke kexon qaaqqoo **maate**. – michite
- 8) Bushoo mooyo asheena'o maacoon **maate**. – ayinikkite
- 9) Bushoo bushee mulloon **maate**. – dookkiite
- 10) Ne bunoon aaco **maate**. – aachete

Eb giddet *maate* imm mihe baribare gaaceena'oochee ikkinnooch giddeto mihoochi kaame biisho tunemmona aree hillooch beet

yiixiye biisheena'o budi biisheena'one.

Eb biishe shaahoon shimmittinnee kimoochaa ittoshi gaacheemmi qoodooch ichet buriyoon aame ciinot. Dabbimm doyicheena'ono beddaaha aame ittoshi shuuneemmo tuneba.

Doyichoo: Mihe budi biishoon bariyoo

Hajjiyoo I: Hiniyee desh giddet minnakanne maacaa qeechaa kooreet miheena'och aroochaa boono immit gaacoona yeshet budi biishoon imb.

- A. Bushee taan **kemmahan**.
- B. Bushoo **michiigommoochaa** ashoon yechii xoobbite.
- C. Yeeraangi bi dojjechochi shalligoon **danete**.
- D. Hanaachi phiro doyechina'on **maggete**.
- E. Yaach coomee **kaachoone**.

Hajjiyoo II: Dabbimm miheena'ochi budi biishoon gaache qaroona tune minnakanno kocot.

- A. Hidite
- B. Qechite
- C. Shachite
- D. Manjite
- E. Maachete

Kuxo 6:Noonee Koco:Minnakanne gaacoon bariyoo

Minnakannooyich baribare hinnoona shaahoo beemo hakkiye.

Ebiyoo boono gaacoona woyee boono kocee baribarittine naboona minnakanneena’o barbariibeetochiye.

Minnakanne gaaco: baribare minnakanneena’och baribare gaaco beemo hakkiye. Minnakanneena’o baribare nabooch getteyoo/kooreyoo hakkiyeete. Eb boono immiibeet gaace naboona boono shaahoo baroo hakkiye.

- **Biriyee Minnakanno:** bare ashich qihe imoch gaacciye.

Sha: Dn Maakulli bushee hanaach axxaamitto geddetan.

- **Eche minnakanno:** bare ashi waanee qihe echooch/danooch gaacciye.

Sha: Ne bushoo amoochee waahe?

- **Hajjiyee minnakanno:** shuunoo bare ashoona gawaateyeemmoch wochooch gaacciye.

sha: Ittoshi kooricon gaawuchi yeshot.

- **Worgane minnakanno:** qeeci shiinoon biriyooch gaacciye.

Sha:Ye! hanaachgabiyooch maayo aaxxite!

(Eboommi shaahech minnakanneena’on ittoshi gaacheemmi qoodooch boono amittinoon hiniichaa xiishibot!)

Doyichoo:minnakanne shaaheena’onaa boono gaacoona bariyee shuuraareena’o

Hajjiyoo I: Dabbii “A”hi dechiich giddet minnakanne shaaheena’on “B”hi dechiich giddeti biriyeens’ona mashaamimmon kaaci xibiib.

A

B

- | | |
|------------------------|--|
| 1. Worgane minnakanno | A. Ittoshi ariyaani mooyon ciinnimmona bare ashi waanee qihe dano qaawiimmona gaacho ittoshi hakkimm minnakannoone. |
| 2. Hajjiyee minnakanno | B. Ittoshi ciinnit mooyo ittoshin keqqichoon bekkiyooch ittoshi gaacho hakkimmi minnakanne shaahoone. |
| 3. Biriye minnakano | C. Ittoshi ariibeet qihoon bare asho ariyaache iyi ittoshi shalligimmona qihe imoch ittoshi gacheebeet minnakanne shaahoone. |
| 4. Eche minnakanno | D. Ikke shuunoon woyee mooyon bare asho halliyeemmoch ittoshi qaawimmona ittoshi gaacheebeet minnakanne shaahoone. |

Hajjiyoo II: Dabbimm minnakanneena'ochi gaacoona yeshet shaahoon bariib.

1. Yiich amoochiye ittoshi hammiibeeto?
2. Andi gooree gurimaashoo sheeraalli daniyechina'o naboona maxxee woddoo miixeebeete.
3. Hagoori yooyo amiyoo woddetaa gochii qeyechina'och mashaamaache ite.
4. Doyee kexooch ne hammemmona ne komadoon yesho batteyaayin.
5. Kafinoonoo ikke shabaattooch keejje kaalloona doyeche.

6. Isham ne massemmiyo! No shattet mooyo dabbii shaggiye?!
7. Bushisheena'o boono yefelleshoon maachi tifeexi gijjeena'on woniibeeta.
8. Aatooba tiya'a hanaach hiniich shaggenne?
9. Teekinolooji qiiceena'o gatiyoo hagoor aaxxite.
10. No showee diggittinoon quyooch ubbe maccee ikkittino qaawiihe.

HAAROO SHABAATTOO

TOOKKII BEEMO

Haaree gaboo: Hin haaree doyyee ciirooch:

- Yibbaatoona woyee shemmoona giddet shalligoon xiishaa ellehin.
- Tookkii beemi yeshee gaacoon biriihin.
- Bare asheena'ona mashaamooch yibbaatehin.
- Baribare shimbena'on gaachoona kooroon qannayihin.
- Minnakanne gaacoon biriihin.
- Baribare gaacech minnakanneena'on koorihin.
- Miheena'on boono shaahe biishoona xibihiin.
- Idiyeemeena'och biisho immehin.
- Idiyeemeena'on gaachehin.

Kuxo 1: Ello

Doyichoo 1: Ellooyee aafinaa ellee goori shuuraareena'o

Hajjiyoo I: Hiniyee desh giddet echeena'och ebiyee aafi ariyoon gacheyee wochoo imb.

1. Tookkii beemo geto ama getone?
2. Hiniyee deshi giddetmiheena'och woyee miheshuyeean'och ne ga'eexi nuuchoona tookki biisho imbot.

- | | |
|------------------------|---------------------|
| - <i>Tookkii beemo</i> | - <i>iibaariyoo</i> |
| - <i>Shuunoo</i> | - <i>shafiro</i> |

- *Oogiyoo* - *gibeno*

Hajjiyoo II: «Tookkii Beemo» immi shimboona giddet
shemmeeshoon ne dojjechino shemmeebeegoora
iibaariyooch/tookkii beemoch amo qaawiibeetogaata shalligichoo
yeshibee elleb.

Doyichoo 2: Ellee digene shuuraareena'o

Hajjiyoo: «**Tookkii Beemo**» imm shimboona giddet shemmeeshoon
gaacheyee hiniyee desh giddet echeena'o tate shalligechina'o
tunegaata *Iberootuno* qayigaata wotta *Kootogeti* wochib.

1. Iibaaree beemoch shaahe animoonaa beemi daqqoona tuno
qayigaata hakkeyaache.
2. Gijjoo /gaanno aallegaata tokkii beemo hakkeyaache.
3. Baroochi qocoona gibenoog oogiyoo tookkii beemi shafiroon
aallihe.
4. Gogee iritoon tuno qayigaata qelli iritoon gogoona biisho
hakkeyaache.
5. Neechoyee baroo tuneechii nabech shalligoon oogiyoo
hakkihin.

Kuxo 2: Yibbaatoo: Nuucheena'ona mashaamoo

Nuucheena'ona mashaamoo: ikke shalligoon ciinnimmona
baribare digeno nooch beemo hakkiye. Ebiichee tiitona ikke moochi
toommooch taannaa ta nuucheena'onoch baribare ciino beemo
hakkiye getone. Tunebaani, ihaateyaa no getigaata ta
nuucheena'ona mashaamimm shalligoon yeshe hakkiyo.

Shaahiyooch; tookkii beemi hinnoon ciinnimmona taach beet shalligoonaa ta nuucheena'ochona beddimmi wotto barbarito tunemmogaata ihaateyoona goge shalligoonyesho hakkiyon.

Doyichoo: Maachet shimbe toommooch mashaamee hallee shuuraaro

Hajjiyool: «**Tookkii Beemo**» imm shimboona giddet shemmeeshoochee ne danet shalligoon ne nucheena'och biriib. Aroochee giddet shalligee toommoochne nuucheena'ona mashaammooch ihaateebot.

HajjiyoolII: Hiniyee desh giddethinneena'ochi gaacoonaa miixoonaa toommooch guuphona tune ihaateebot.

1. Daadoonaa miriishoona
2. Iddire naayi tunoonaa tune qayona
3. Nuuchee woddiyoona woddee qayona
4. Iriteeton gogee gaachoonaa gaachee qayona
5. Biiyeton echoonaa echee qayona

Kuxo 3: Shemmo

Shemmee digene yawo

Baribare shemmee digene yaweena'on shiichit baribare haareena'oochaa ciinneton. hiniichaa no ciinneemmo eche qannayee yawoonaa eche echoonaa wochee immi yaweena'oniye. Eb yaweena'on ikkikkoona qaminona ciinneehon.

Eche qannayee yawo: asho bi shemmeti baqqoon qaaweet

daqqoon digenooch bi shemmetoochee eche qannayoo ikke yawoone. Ebich ikke shemmecho bi shemmeebeegoora echoon qannayooch biich mashaamimm hinnoona shalligiibee shemmehe getone. Ebi wotta shemmeeshoochee bi kichit echeena'on bi halla wochoo bi hakkiyeemmi qoodooch shalligoon digenooch biin deggiye.

Eche echoonaa wochee immi yawo: ikke shemmecho bi shemmeeegoora baribare daqqech echeena'on bi qelloona echee shemmeeshoochee wochoon daneebee hamo hakkiye. Ebiyoo, kettoochee tiyi kachit qihoon danooyich hakkihe.

Shemmeeshoo – I

Doyichoo 1: Shemmooyee aafinaa shemmee goori shuuraareena'o

HajjiyooI: Hiniyee desh giddet echeena'och shemmeeshoon ne shemmooyee aaf beet ariyoon gaache wochoon imb.

1. Ne kitaamitooch beet macceena'o tookkii beemi yeshoon kupphiyooch amoon halliyeete?
2. Hiniyee desh giddet miheena'o toommooch ne nuucheena'ona tookki ihaateebot.

- | | |
|------------------|-------------------|
| - <i>ikkotto</i> | - <i>sharaato</i> |
| - <i>daado</i> | - <i>xiboo</i> |
| - <i>iibboo</i> | - <i>shiqqoo</i> |

HajjiyooII: «**libaareyoo**» imm shimboona giddet shemmeeshee maac beet aaqqii kooreet idiyeemeena'ochi wochoon aamebee shemmeh.

Iibaareyoo

Iibaaree beemo **kishaabaatee** degee beemone. Ashi bushoo bi beemi hinnooch **gashoonaa eciyoona** tuneer bi beey beddimm meeti nabeena'o beeteete. Ebiyoo asho baroochi degaalloon bi **qello hakkii** beemo bi hakkeeqayon bekkiihe. Ebichi naboona beemi hinnooch ashi bushooch qaawii beet inde mooyina'oochee ikkoo baroona tookkii iibaaree beemone.

Ashi bushoo hin showooch bi halleetoochee kottii ikkittinoona iibaaree'i beet hallow bi tunoon bi kiino bekkiihe. Iibaareyoo **kishee wochoona** baach tuniyaanon iriteeton gogoona woyee qelloona degee immi qocoono yechitone. Asho baach tuneyaanon no aagetooch beet bare halleena'o tunemmogaatoona kashoona boono beemm goorooch iibaareeyoon oogii qaawiyeete. Iibaareyoo, iritoochee kichiye, hakkooye beshe shuuneena'on kettoona gawaatooch deggiye, ettoon gogee wochooch hakkiie, dab.

Andi goorooch ashi bushoo ariyoonaa teekinooloojina bi dico arichehe. Tunebaani, eb dico iibaareyoo aalloon ikkeetoo bi beeyeemmoch biin hakkiyeemmo toonoone. Ikk-ikke asheena'o **xepphaalli** shalligoona gaannoonaa ariyoona taach beegaata ashi dego qaawaache geto hakkiyeete. Tunebaani, amoommogaata asho bi halloona bare ashi waanee bi qaawii beet degeena'o aallo beemo hakkaache. Ebich, "asho ashich attoone" imm xawoon shalligoo hakkeeh. "ikke ciifo aaxxiyaache" immoommon ikke asho amoommo ariyecho woyee gaannecho bi tunemmogaatoona eb bi ariyoonaa gaannoonaa baach bi iritoon biisho hakkaache.

Miriishe asho bi ikkeete naboona bi qaawiyeemmo giidee degoon baach tuneyaanon shalligee degoon beddaaha iibaareyee naboona bi daneebeet mooyone. Shiichaa no ciinnetoommon ashi beemoch gijjoo woyee gaanno baach dego qayo hakkiye. Shalligee dego wodde gijjoona biicheyaani no iriteena'on no biicheemmoch hakkihe.

Shalligee buushookishee degooyee meeti hinnoona ashich gaacciye. Shaahiyooch; ikke miriishittinoona iriteet asho bulle aaboon dafoon woyee daadoon gedona shuuneebee beemo hakkaache. Eb iritooch biisho tuneemmo bi shuunoon yamii shuuno tunoon ciinnimm shalligoon baroo waanee bi danegaata bi beeyi wottich biin deggeemm shalligoon danete getone. Ebich, “ikke ashich haashoon ne imoyee haashee yechi yawoon get” imm xawoon shaahiyooch tiijjoo hakkeehe.

Ikke maccoo dicoch **gasho shaaccii** shuunooyee beshetaa dicoch bi naayina'on iibaariyoo biich qaawiihe. Bi yechit ashoon gaacheyaani maccoo aatoona dicaache. Chaayineena'o and boono shaggit ikonoomee daqqooch boono shaggito boono maccee ooge iibaareyoonane. Ashi qelli heenoo boonoshich gaawe **xepphe xaqqo** tunetaa hanaach ikonoomina aagetee tookk aricheteete. Ebich maccoon iibaarii shuuno aallegaata dico shalligeyaache. Ebi bekkiibeeto iibaareyoo amoommi hinnoochenoona nooch qaawiimmo tunooniye.

Doyichoo 2: Shemmee digene shuuraareena'o

Hajjiyoo I: Hiniyee desh giddet iidiyeemeena'on shemmeeshoochee ne digenet biishoona gaache boono dechaa beet hoyooch boono mashaamimm hinnoommona tachi ceechib.

- A. kishaabaatee
- B. gashoonaa eciyoona
- C. qello hakkii
- D. kishee wochoona
- E. xepphaalli
- F. Shalligee buushoo
- G. kishee dego
- H. gasho shaaccii
- I. xepphe xaqqo

1. Aabo aqqoo getaanoon_____ shuuno gaawe daachoon daniihe
2. Dn. Yeebbi kexon dafechina'o _____ shuuneebeeteete.
3. Neen deggit ashich _____ ne waanee quyeehe.
4. Wodde aaboon no macceena'o " _____ kaarehe"
boono iibeeto _____ naa _____ aabichii
mashaamii'i boono beetogaata bekkiiyoochiye.
5. Buchi ikke gaashoon ikkeetoo qeccii beet ashich
_____ qaawiihe.
6. Kitaamitooch beet maccee naayina'ochi hakkoon ikkochii
gaacho yeshech dicoch _____ tune gaacciiye.

7. Miriishittine naboona shuunoo woddetaa aabin yeshiichi
aabin bi qajjeemmogaata tuushii xuuxet ashich
_____ qaawiihe.
8. Asho bi _____ beemooch kupphee shuuno qaawiye.
9. Ikk-ikke asheena'o _____ shalligoo yechii bare maccee
iibaaree beemi hinnoon megiyeete.

Hajjiyoo II: “Iibaareyoo” imm shimboona giddet
shemmeeshoochee shemmee ittoshi digenet shalligoon gaache
hiniyee desh beet echeena'on gooroo daami guuphona ihaateebbe
biretwochoo imbot.

1. Gashoonaa eciyoona tune beemo geto ama getone?
2. Ashi bushoo gashoonaa eciyoona tune bi beey beddimm
naboo amoone?
3. “Acho ashich attoone.” geto ame wochoon beshiihe?
4. Asho ashich aabichii shalligee dego imo hakkiye?
5. Maccee dicoch bullichii heenoo amoyich qaaweehe?

Shemmeeshoo – 2

Doyichoo 3: Shemmooyee aafinaa shemmee goori shuuraareena'o

Hajjiyoo I: Hiniyee desh giddet echeena'och ebiyee aafi ne ariyoona
degeyee wochoon imb.

1. Iibaaree beemo geto ama getone?
2. Iibaaree beemi gaawe qoceena'o am-ameena'one?

HajjiyooII: Dabbi'i“**Degeyoo**” imm shimboona giddet
shemmeeshoon wulle shalligoonaa sheqqe shalligoonon bariyooch
deggimm hinnoona aamebee shemmebot.

Degeyoo

Maccoon geeciibeet quyetaa yagitonaa shiijjeroochee shiijjerooch
beshiyaa beddimm gaawe gaaccimm qoceena'o no showooch
beeteete. Gaaccimm qoceena'o getteebeetina'o: iibaareyoo, oogeyoo,
tookkiibeemo, kaaroon gogoona iihaatee'i biishoo, qelloon hakkooch
giibeet qiicco, hallee gaanneena'onaa kiine qaappheena'onon
quyoonaa heetona, iddiroonaa uuqquboonon gaachee
iibaareyoonaa ikonoomee iriteena'on biisho, beeto aalloyich qoodoo,
kaareton shuniyoo, dab imminaa'one.

Beemooch biinnaa biinna degeyoona oogeyoona qaawiihe. Eb
shalligoo tiibeeto baribare gibeneena'o, qoceena'o, shooddee
shiisheena'o, baribare shalligech asheena'o mashaamiyee ikke
xaa'ooch beeyeemmochiye. Eb hinnoo qoco tuno wotta eb
barbarittine maacooch amee shacoona halleyaanoon beeyeemmoch
hakkiihe.

Macceena'o daggooch beet baribare gibeneena'o, qoceena'o, beemi
shafireena'o, shooddee shiisheena'o, nooneena'o dab, oogiita
beeyeemmi maccee konaatittine malleteena'one. Ebichi qoodooch,
maccoo biinna biinna oogeyoona ikkoo baroochi konaatittine
malleteena'on hoxeyaanoon ikkoo baroochon maceceebbee woyee
woriganeebee tookkii beemo bi waane quyeche.



Iibaaree'i magge shuunoon tookkii shuunoona iritoon gogoona biisho no showooch yagiti gaawe qocoone. Maccoo goyee goyoch, maayoon shoch, maayoon kicooch, kexo hagogh dab.dafee woyee daadee shuunoona gaachehe.

Maccoo bi ikonoomin uumiyooch uuqquboon uchii'i nimmene gijjoon yeshona biich qaawiibeet mooyina'on ceechiye woyee giixoon giixehe. Eboommon, maccoo iddiroonakocee'iemiironaa ayinoona danemmona iddire naayina'ochi iibaareyoona emiree woyee ayinee naboona waat magge iritoon biichiye. Ebiyee baroo wotta, iddire naayina'o xuumaaneena'ochi kexon haggiyeete. Biiyetina'ona girechina'ona iiwee aadoochee boono biiyooch daweyee gaaco boono daneemmoch gijjoon buushiyeete. Biiye bixee maayoon gafoochee kicii immiyeete.

Iddiro taatee koko toonoone. Iddiro macceena'ochi iibaareyoona shunoona halleebeet kupphe sheerechona shafirech kokoone. Ebi

kupphe sheeroonaa shafire beemi naboona uumiyee shuunooch, emiroonaa ayinee mooshooch kechiibeet iddire naayina’o daggooch kupphe shuno, iibaareyoo, gaawe giyittino, degeyoonaa echeyoona halleehe. Ebichi qoodooch iibaaree’i beemi malletoo tunet iddiroon kupphiyoona bi gaacoon dano qaawiihe.

Doyichoo 4: Shemmee Digene Shuuraareena’o

Hajjiyoo I: Hiniyee desh “A” dechiich giddet miheena’on “B” dechiich giddet shalligeena’oochee mashaamimmina’ona xibiib.

A

1. Iddiro
2. Daado
3. Uuqqubo
4. Dafo
5. Sheeroo
6. Qoco
7. Mashaamoo
8. Xuumaano


B

- A. Shaahe shalligee yesho
- B. Meeti asheena’o ikkottee
shuuneebeet guuphone
- C. Ikke mooyo gawaateya beddimm
gommo
- D. Deggecho aalli bushiishoo
- E. Maccee gijjee iritoon biisho
hakkiye
- F. Oogii katineebeet asheena’ochi
shuunee guuphone
- G. Maccee genje gooree beeyi doyoo
- H. Iritee goora degeyee hinnoone

Hajjiyoo II: Hiniyee desh giddet echeena’on shemmeeshoona yeshiiguuphona ihaateebbe wochibot.

1. Maccoo amoyichiye iddiroon bi neechiibeeto?

2. Maccee konaatittine malleteena'o getteetina'o am-ameena'one?
3. Maccoo iibaare beemoch am- ame shuuraareena'on gawaatiye?
4. Shemmeeshoochee ittoshi danet shalligoona iibaaree beeminaboo amoone?
5. Ittoshi kitaamitooch amoommi iibaareyee hinneena'o beeteete?



Kuxo 4: Kooroo: Baribare moochaafech kooreena'on qannayoo
Baribare shallikeena'on kooroo

Shallikee kooroo: ikke shimbe toommooch shalligoon gamichii kooroone. Eb kooree shalligoo iberoo woyee ashi qelli maacooch halleet kiino tuno hakkiye. Ibero halleet mooyina'on biriibeet kooreena'o baribare shaahoona giddo hakkiyeete. Eboshiyoo, biriyoona, qihe immi hinnoona, tootteyoona mashaamiyoona giddo hakkiye. Ashi ibere qiho tuneyaani ashi shalligoona kochet kiino wotta tochee yawoona giddehe.

Eb yaweena'on gaachaa no kooraabeegoor dabbiyaa woyee ariya no beddemmo mooyina'o beeteete. Eboshiyo:

- ❖ Batti-batt no kooriyeemm shallikee shimboon gaawuchii ariyoo
- ❖ No kaacceti shimboona mashaamimm kooree yawoon kaaccii gaacho qaawiihe
- ❖ Kooreebeet shalligoo budona bi mashaamee hakkoon shiichii shalligoo
- ❖ Kooree moochaafona yeshet miheena'on kaaccii gaacho
- ❖ No kooraabeet naboona gaawuchii ariyoo qaawiihe.
Shaahiyooch; qihe imoch, biriyooch, ciixiyooch,
meeqqeqqiyooch, shichee hallooch, dab immon barii ariyoo.

Doyichoo: kooree qannayee shuuraaro

Hajjiyoo I: Tookkii beemi gaacoon cinnimmona shallikoon/
kooroon qannayib. Ne qannayaabeegoora dabbimm bo'oon gaacheb.

- ✓ Tookkii beemona yeshet shimboon kaac. Ne kaacceemm shimbo xiishaa ne ariyaabeetona qihoon kette gommona ne daneemmo tuneba.
- ✓ Ne kaaccet moochaafona yesheebeet miheena'on bariib.
- ✓ Ne shalligooch tate kooree yawoon gaacheb.
- ✓ Ne qellooch waat shalligoon bi waatoommona worqatooch kotiib.
- ✓ Aroochee wochi ciinibee tateemm mooyina'o beegaata tachib. Shaahiyooch; shalligee hamaadabboon tachoo, tate mihoon kaaccii gaacho, minnakannoon wochii tachii koko, dab tuno hakkiye.

Hajjiyoo II:Hiniyee desh boono hamaadabboo shinnaawunnee giddetminnakanneena'on guuphona tune boono tate hamaadabboona kotiibot. Aroochee minnakanneena'on gaachoona tookkii beemi gaacoon beekiibeet ikke mokashech shallikoon qannayibot.

- a) Dn Qoopphiti kexon giyeena'o daachiteete.
- b) Hagoori yooyo magge amiyoona yechii waate.
- c) Dn. Qoopphiti kexo geene cottiibeete.
- d) Dn. Qoopphiti kechi daachee dafo qolletone.
- e) Gn.bo keeneenon ubbe aaboon kechi cotti naboona hayeebee iritiitone.
- f) Dn.Qoopphitinaa bo magechinona yooyon emiroona beshiiteete.

g) Dn. Qoopphiti bo giyeena'on gallettee maanjji uchii
daachitone.

Kuxo 5: Mihe Ariyoo - Miheena'och shaahe biisho imo

Doychoo: Miheena'on boono shaahe biishoona xibiyee shuuraaro

Hajjiyoo: Hiniyee desh giddet miheena'och shaahe biishoon
shemmeeshoona yeshiyee xibiib.

'A''B'

- 1) BuushooA/ guuphoochee ikkoo
- 2) IritooB/ woddoo
- 3) dawooC/ kechi shuuno
- 4) HagoD/ gijjee dege imo
- 5) Nimmenoo E/ dico
- 6) Qiicco F/ shuuraaro
- 7) Uumoo G/ xuuxo
- 8) Shaco H/ atto
- 9) NaayooI/ bari-baroo
- 10) Malletoo J/bekkiyecho

Kuxo 6: Noonee Koco:Minna kanne Gaaco

Minna kanne gaaco: ebiyee aaf bare haaroochaa ittoshi
ciinnitoommon baribare minna kanneena'och baribare gaaco beemo
hakkiye. Eb barbarittino minna kanneena'o boono kochet naboona
yeshetone.

Sha.

- Bushoo asheena'on daammite. (biriyyee minna kanno)

- Bushoo asheena'on daammite? (eche minnakanno)
- Ne asheena'on daamb! (hajjiyee minnakanno)
- Isham! Bushoo asheena'on daammiya?! (worgane minnakanno)

Eb baribare gaacech minnakanneena'o boono daggooch gaace barbarittino beete. Tunebaani, boono maacooch beet qeppeena'ona beddimmi wotto shaaheete. Eb minnakanneena'o maacooch shuyimoo tune kocheto "bushoo" immi miho tunemmona eb miho hajjiyee minnakannoochaa "ne" immi shikeroona kereete. Ebiyoo, hajjiyoo kaacha bushooch bi icheti qoodoochiye. "Asheena'on" immo wotta minnakanneena'o maacooch deqgeri tune kochetone.

Ebiyoo, bullee minnakanneena'oochaa shaahe qecoon yechite. Baroo kanno tunemmona "daammite" imm qecoona biriyoona eche minnakannoochaa kocheechii bareena'oochaa bi qecoon shaddite. Hajjiyee minnakannoochaa kanno "daamb" imm qecoon yechite. Worgane minnakannoochena wotta "daammiya" imm qecoona giddete.

Worgane minnakanno bare shaaheena'oye bi barit ikke hinnoo beete. Ebiyoo "isham" imm worgane mihoon bi daakkoonane.

Doyichoo: Gaacoona yeshet minnakanne qeppeena'on bariyee shuuraaro

Hajjiyoo I: Dabbimm minnakanneena'ochi gaacoona yeshet shaahoon bariib.

1. Ta maaco biijjiye.

2. Ame genjo genjehe?!
3. Yelgabiyooch maayo aaxxite!
4. Bago kechi gijjoone.
5. Kishoo tiijji wochibot.
6. Ebam! Aakka amiyoo showoon waaxxii ciichiichii qeyiye?!
7. Shiitina'on oogiib.
8. Maaxooch key kaayot.
9. Ne hakkimm mooyon ne maccooch shuuneb!
10. Hin bushee amoo gaawaane!

Hajjiyoo II: Shiichii ichet mihe tate qecoon gaacheyee ichet hoyoon ceechoona minnakanneena'on tachi kooribot.

Sha. Mamo

- a) Keri shumaayoo maate.
 - b) Keri shumaayoo maate?
 - c) Keri shumaayoo mama!
 - d) Isham! Keri shumaayoo maaha?!
- 1) Kooroo
 - a) Arengi koorichoo _____.
 - b) Arengi koorichoo _____?
 - c) Ne koorichoo _____!
 - d) Massemmiyo! Arengi koorichoo _____?!
 - 2) Bushiishoo
 - a) _____ tifeexi gijjeena'on woniite.
 - b) _____ tifeexi gijjeena'on woniitee?
 - c) _____ tifeexi gijjeena'on woniib!

3) Gaashoo

- a) Daadechina'o shiichii _____ shocciteete.
- b) Daadechina'o shiichii _____ shocciteete?
- c) Daadechina'o shiichi _____ shoceeta!

4) Shoocho

- a) Yarimmoo shagaa gaashoon _____.
- b) Aakka gaashoon _____?
- c) Yarimmoo shaggitoch gashoon _____!
- d) Ebam! Gaashoo eb yarimmooch _____?!

5) Shago

- a) Hagoor maayo gaawuchii _____.
- b) Hagoor beemo aaxxaacheemmoch maayoon gaawuchi _____!
- c) Hagoori maayo aabichii _____?
- d) Maca maraaca! Hagoori maayi _____hinnoo amo hiriggichiye?!

Hajjiyoo III: Dabbimm minnakanneena'o gaacoona yeshet boono shaahoon bariich kuxina'on kichi bekkiibot.

- 1. Bushee bunoo guppaabeetan.
- 2. Kishoo kichibot.
- 3. Amoone ne shuunaabeeto?
- 4. Kexooch hami ta wochoon get!
- 5. Eb aakka xumenne?

HAAROO SHIMITTOO

NUUSHOONA YECHO

Haaree gaboo: hin haaree doyyee ciirooch:

- Ne Elletonshaahe kooroon qannayihin.
- Nuushoona waabeet toshoon biriihin.
- Ne shemmeti kooree wulle shalligoon giddiihin.
- Ne ellechina'on degoch ne shalligoon wochaa biriihin.
- Doyeet miheena'och budi biisho immehin.
- Xefee malleteena'ochi gaacoon bariihin.
- Xefeemalletoon gaachaa minnakanno koorihin.
- Xappe minnakanne minnakanne amittinoon biriihin.
- Ichet hinnoon gaachaa xappe minnakanno koccehin.

Kuxo 1: ELLO

Doyichoo 1: Ellooyee Aafinaa Elleegoori Shuuraareena'o

Hajjiyoo I: Hiniyee desh giddet elloyee aafi echeena'on shiichii neech beet ariyoon gaache wochib.

1. Nuushoo geto ama getone?
2. Nuushoona yecho amoone?
3. Amo ittoshi halloo qayigaata ittoshin mandiihe?

Hajjiyoo II: Dojjechino beshiimmi hajjiyoon dabbibee bo shemmemmon mull beshii elleb.

Doyichoo 2: Ellee digene shuuraareena'o

Hajjiyoo I: Dabbimm echeena'och ne elleti shemmeeshoona yeshiiyee tate shalligoo yechitina'on *Iberoo* yeshaaneena'on *Kooto* geti qaaroona wochib.

1. Nuushoo ikke ashich halloona daneebet niiyoone.
2. Nuushoona yechet asheena'o bekkiibeet barit shuriyeena'o beeteete.
3. Nuushoona yechet asho biin baach tuneyaanon baroono miixiihe.
4. Tumbaa'och kechiibeet gijjoo giishecho tunetoch kechi ikonoomin miixaache.
5. Nuushoona yechiibeet mooyina'oochee qelloon quyee woho hakkeyaache.

HajjiyooII: Dabbimm echeena'och ittoshi elleti shemmeeshoona yeshiiyee qaaroona wochibot.

1. Nuushoonaa waabeet iriteena'o am ameena'one?
2. Nuushee shaaheena'o getteebeetina'och shaahiyoo tuneemmina'o aaboshine?
3. Nuushoona yechet ashena'o bekkiibeet shuriyeena'o ameena'one?
4. Nuushoona yecheti asho bi qellich baach miixeyaache iibeet shalligoo bullin mashaamiihee mashamiyaache? Amooyich?
5. Kechi ashooyee beshee'i giyoochi diggittinoon beddaaha miixiibeeto ame nuushoona yechetone?

Kuxo 2: Yibbaatoo: Yibbaatee shalligoon wochii koko

Yibbaatee Shalligoon Wochii Koco: no giddiyaabeet yibbaate maacooch baribare iriteena'o bekko hakkiyeete. Shaahiyooch; shalligoon yeshet murico woyee noonoon yeshet murico no yibbaatee maacooch beemo hakkiye. Woyee no shalligoo ellechoch kaame gommona giddeyaano tuno hakkiye. Ebich no shalligoon ellecho iriteyaano digeneemmoch yibbaatoon wochii koko qaawiihe. Ebiyoo, no gaachet noonooch iritoo beegaata wochii tachoo; shalligoo bireyaano tunegaata wochinnoo birii giddiyoo qaawiihe.

Doyichoo: Ellechondegoch shalligoon wochii koko

Hajjiyoo I: Hiniyee desh giddet nuushee miixoon yeshiitaa giddet yibbaatee imaa-de'eyoon ne nuucheena'ona tookki Keemetinaa Yeeraanginon shaahii yibbaatoo imaa-de'eebot. Aroochee ittoshi digeneton qaminona itto nuucheena'och getot.

Yeeraangi: Diggoona hechetin Keemet?

Keemeti: Diggoo

Yeeraangi: Ebam! ama getone? Yeer galletteebe geto maggehe?

Keemeti: Qay manooch taach gaaweyaanoone.

Yeeraangi: Amoone mooyo?

Keemeti: Yiich tuneyaani ashoona tookkaa heecha ta getaa . . .

Yeeraanigi: Eke taach biriyee get. Amoone ne toommooch shaggito? Wond ta ciinnaaha ne aaf damoo shaahite.

Keemeti: Yiich ta nuucheena'o caato qaayone boono getaa giyaa. . .

Yeeraangi: Giyaa am? tawoo qaachete baach gettaahin.

Keemeti: Eeh boonoshina tookkaa qaachaabee ta qeyaa ta aaf

kexona kecha ite.

Yeerangi: Guttinnoo eboommi mooyon ta waayegaata ne aabbich woyee no dojjechinochiye ta getteemmo.

Keemeti: Tuneba ne manoo qitiba hanaachichon baach taan oppebani guttinnoo caato shaggitooch shagaachemmotaane.

Yeerangi: Gaaw diggebe.

Kuxo 2: Shemmo

Shemmee digene yawo

Hin kuxoochaa tooce qannayoo imm shemmee digene yawoon ciinneehon. Eb yawo shemmeshee wulle shalligoon wochii kooroon ciinniye. Ebiyoo, shemmee goora wulle shalligee toommoochaameebie shemmeechii ciiroochaa qaminona kooroone. Shaahiyooch ikke shemmeshee shalligoon ikke mokashoona kooroo hakkiyon. Ebiyoo, kooree ubbe ganoon no digenoon bekkiihe.

Doyichoo 1: Shemmooyee aafinaa shemmee goori shuuraareena'o

Hajjiyoo I: Shemmesheon ne shemmooyee aaf dabbimm echeena'och shiichii neechbeet ariyoon gaache wochoo imb.

1. Ashi iiwittinon miixiibeet becheena'o aaboshine?
2. Tumbaa'on asho aabichii gaachehe?
3. Tumbaa'o deewiibeet iritoo amoone?

Hajjiyoo II:Dabbimm shemmeeshoon qaaro kichaanoon
shemmeshee wulle shalligoon digenooch deggimm hinnoona
shemmeb.

Tumbaachi Cufiyoo

Tumbaa'i waamon cufiyoo kotteto ebiyee-aaf Amerikee showoochiye.
Amerikaaneena'o 16^{ne} yebeenooaba tumbaa'i waamon boono cufiitaa
ciinnit Awuroppena'o wotta gaacciibeetone immi gaboona ogooge
tumbaa'i goyoon gamichiyeete. Yeeyoon Awuroppee gabiyooch
gaminona giddiyoon kottiyeete. Ebin dabboona 17^{ne}yebeenooaba
tumbaa'i cufiyoo Awuroppeena'ochi qocoona bacceete. Ebi
goorooba tumbaa'i cufiyoo emirikkiye, ashittinon biriihe immi
qoyito meetina'owaane ichete. Tunebaani iiwee qoppechina'o
biiyechina'on boono phiremmona shikkiyee/kaansere/ biiyoon
daneteete. Nabeena'on xiishooch qiheena'on tatoona koccii'i
sheqqoona phiraa boshoon halliteete. Ebi boono phiraboshoon
tumbaa'on cufiibeetina'o cufiyaaneena'oye beshoon shikkiyoonaa
baribare shaahe biiyeena'ona boono miixiyee mallo gamino tunoon
xiishoo hakkiteete. Ebina tumbaa'i cufiyoo baribare biiyeena'och
shakkiimmo tuno gaminona aricheebee waate.

Tumbaachi cufiyee nuushechina'ocufiyooch boonoshin tiijjiibeet
nabeena'o beeteete iyeete.Ikkikkeena'o tumbaa'i cufiyoon geecoona
oogittine bekkiiyoonoch gaacciye imm shalligoon
yechiyeete.Ikkikkeena'o qumaare kaayona, uyonaa baribare
nabeena'ona gijjee girittinooch boono giimmona ooge gacaacinooch
giiheete.Eb gacaacino watta tujaaroon boono cufiyeemmon tuniite

iyeeete.Eboommono ikkikkeena'o wotta ahee biishiyooch gaacciye imm shalligoonacufiiheete.

Tumbaa'i maac 'Tray Kaarboon monookisaayidoonaa nikotiinoona getteebeet nuushoo yechiyoo hakkimm mooyina'o beetete. Ebi mooyina'o cufiyechina'on nuushooch duppiyeete.Eboshiichee nuushoon yechiyoonaa 'Nikotin' getteebeeto beshoone.'Nikootiino' tumbaa'i waamooch danebeet aachere mooyo tunemmona ahee biishonaa nuushee yechiyee hinnoona oogetone.

Asheena'o tumbaa'on boono cufiibeet goorooch 'Nikootiino' getteebeet xure mooyo kaamoonaa boono shombee maac giimona boono damoonaa bacceehe.Aroochee mulloona haccinnii'i eengooch giiche.Ebi hamaadabboo gawaateebeeto shabaatte seconde daggooch tunoon phiro bekkiihe.'Nikotiino' eengee maac bi giimmona cufiibeetina'och gooree wotti digaayoonaa emiroonon daniiche.Tunebaani, nikotiine oogiishoo bekkech bi shebiibeet qoodooch asheena'ochi digaayee hinnoo qamine goorooch baach yagiibeeto tunehe.Ebichi naboona tumbaa'on daakki boono cufiyeemmoch xuqqiye.Ebich naboona nuushechina'o tuujaaroon kaatikaatee cufiyoo qaawiyeeete.



Ebina tumbaa'on boono noonoochee kuxo bi womimmooch beddaaha nuushoona yechiihe. Ebi tunetoch tumbaa'o iiwittinoon miixiibeetona nuushooch duppiibeeto bi tunoon digeno qaawiihe.

Doyichoo 1:Shemmee digene shuuraareena'o

Hajjiyoo I:Hiniyee desh giddet minnakaneena'o yechit shalligoon shemmeeshoona yeshiiyeetategaata *Iberoo* tatoqayigaata *Kooto* geti wochib.

1. Battibatt tumbaachi cufiyoo kottito Amerikee showoochiye.
2. 17^{ne}yebeenooba tumbaa'i cufiyoo Amerikee showoochee waa'ii Topphiye qocoona bacceete.
3. Iiwee qoppechina'o geddit phiroommona tumbaachi cufiyoo shikkiyee/kaansere/ biiyooch shakkiihe.

4. Tumbaa'i cufiyoo emirikkoonaa ashittinon biriye gaaco immiye.
5. Tumbaa'on cufiibeetina'o cufiyaaneena'oyee beshoon shikkiyoonaa baribare shaahe biiyeena'ona boono miixiye mallo gaminone.
6. Tumbaa'i cufiyoon geecoona oogittinee bekkiiyoonoch gaacciye ibeetina'o tate shalligechina'one.
7. 'Nikotiino' eengee maac bi gimmona cufiibeetina'och gooree wotti digaayoonaa emiroonon daniie.
8. Tumbaa'i maaci nikotiine oogishoo kaatee bi shebimmona asheena'ochi digaayee hinnoo genje goorooch yagoo hakkiye.
9. Tumbaa'o ashittinon bi qeechiibeet qoodooyich ebich kechit gijjoo woddii ayinikkimmo toonoone.
10. Tumbaa'on cufiibeet asho bare cufiyaani ashoyee beshoon bi qelloon quyeche.

Hajjiyoo II: Ne shemmaa digenet shalligoon gaacheyee dabbimm kiiraakiiron ceechib. Eb kiiraakiro nabaadaache yeshecho tunemmona tumbaachi nuushoona yechee naboona ashi toommooch waabeet iriteena'on bekkiiyooch giddeetone.

Naboo	Daacheena'o
Tumbaachi cufiyee nuushoona yecho	<p>⇒ Ikonoomin miixiye. Ebiyoo ikke tumbaachi nuushech asho and and cufiyoo biich qaawiyeemmi qoodoochiye.</p> <p>⇒</p>

	⇒
	⇒
	⇒
	⇒

Hajjiyoo III: Dabbimm echeena'on qaroona tuneyee ihaateechi wochoon biriibot.

1. Nuushoo yechiibeet shuuraareena'on sheqqebot.
2. Nuushoona yechi naboona waabeeti iriteena'on sheqqebot.
3. Tumbaachi bechooch beet halloona ashi ashittinoon miixiibeet xure mooyo amoone? Aabichii miixiye?
4. Tumbaa'i nuushoona yechet ne nuuchoon men nuushoochee biin kichooch newaane amo quyeche?
5. Shemmeeshoochee ittoshi danet shalligoon qaminona kooribot.

Kuxo 3: Kooroo-Xefee Malletoo

Xefee Malletoo: kooree maacooch gaacho no hakkimm mooyina'oochee ikkoone. Ebiyoo kooroona giddebeet shalligoon kaachooch deggiye. Kooree maacooch no gaachaabeet wodde xefee malleteena'o beeteete. Hin kimee daqqoona dabbimmina'on ciinneehon.

Dabbimm kiiraakiire maacooch beet xefee malleteena'on, boono shigoonaa gaacoonon shemme digenebot.

BH	Malletoo	Shigo	Gaaco
1.	.	Teppoo	<ul style="list-style-type: none"> - Biriye minnakannoon hicoch - Ceene haddoonaa shappe haddoonon bariyooch - Mihoon qamichii koorooch gaacciye
2.	,	Qupho	<ul style="list-style-type: none"> - Sheqqeet miheena'o woyee mihe shuyeena'o bariyooch gaacciye.
3.	...	Teppaateppoo	<ul style="list-style-type: none"> - Ikke shalligoo ciyaanoonaa echet qeppoo beeto tunoon bekkiiyooch - Ikke ashi yibbaatoo yesheyaanoonaa kuxeebeeto tunoon bekkiiyooch gaaco hakkiye.
4.	;	Teppaa qupho	<ul style="list-style-type: none"> - Yeendere wulle mihe shuyoon minnakanne maacooche bariyooch

SHABAATTINNEE KIME KAFI NOONOO

			- Yeshiyee mihoon bariyooch gaacciye
5.	:	Gutteppoo	- Holle wulle mihe shuyoon minnakanne maacoochee bariyooch - Saatoonaa daqiiqoonon bariyooch gaacciye.
6.	?	Amalletoo	- Eche minnakannoon hicoch gaacciye.
7.	!	Worganichoo	- Qeeci shalligoon bekkiyooch gaacciye.
8.	()	Maggo	- Woyee imm mihoon keriye. Minnakanne maacooch mihe biishoon bekkiyooch gaacciye.
9.	“ ” ‘ ’	Kitemoo	- Bare ashi shalligoo tunoon barrii bekkiyooch gaacciye. - Tochee maacooch kiine biriyoona tochasheena’ochi yibbaatee imaade’eyoonbariyooch gaacciye.

Doyichoo: xefee malletoon bariyoona gaache shuuraareena’o

Hajjiyool: Hiniyee desh giddet yibbaatee imaa de’eyoon shemmeyee aree maac beet xefee malleteena’o gaacoon digenebot.

“ “	!	. . .	?	.
-----	---	-------	---	---

Gaboogi: “ Neen ta echeemmi bare mooyo beete.”iyan.

Qocciti :“Amoone?” iye.

Gaboogi: “Aaboogi mooyon” iyan.

Qocciti: “Amoone Aaboogi mooyo?”iye.

Gaboogi : “Ikkooba doye kexoochee wottaa no beetaa . . .
noochi bi gettet mooyon toonee ta echaabeeto?”iyan.

Qocciti : “Ta afoochee kaate aalleb !; Ebin mooyone iya’a
tiijjinne?” iye.

Gaboogi: “Taan amo qaaqqiye. Ne wura!” iyaa shuutaabee
hammahan .

Hajjiyoo II:Dabbimm echeena’och qaroona tune ihaateechi biriyoo
imbot.

1. Biriye minnakannooch no gaacheemm xefee mallatooch
echee minnakannooch no gaachegaata ame barittino deewiye?
2. A. Balayi, Aaxxi, Mawooginaa Awaggina waabeeteete.
B. Balay Aaxxinaa Mawoogi Awaggina waabeeteete.
Eb gutte minnakanneena’o daggooch beet barittino amoone?
3. Damba ittoshi ciinnit yibbaatee imaade’eyoochee Kitemme (“ “)
maac kotet shalligoonaa kitemmoo aalloon kotet shalligoona
daggooch ame barittino beete?

Hajjiyoo III:Hiniyee desh giddet minnakanneena’och shappit xefee
malletoon ichetina’oochee kaaci ceechibot.

(.) (,) (?) (;) (!) (“ ”)

- A. Beelle doychina’o doyye kexo qecheyaaha komadoo peennoo
kopponaa geshoonon kemee qanniteete
- B. Ta aafoochee aalleb
- C. Ichet magi shuunoon shuuneyaano kone
- D. Dojjechino waama diggoona qeyitote iyiichii bo dojjooch giitane
- E. Keri bunoo gufaa Arenigi shoollo kachiitaa kexo qeaccite
- F. Ne aabbi aatooba waahone

Kuxo 5: Mihe Ariyoo: Doyeet miheena’ochi budi biisho

Doyeet miheena’o no gaachaabeet noonee maac woddiyaa no gaachaabeetonaa shalligoon digenoyich noon deggiibeet miheena’o boono tunoon ikkinnee haaroocha doyyitote. Mihe budi biisho immona wotta ikke miho bulle aaboon doyyeet biishooyee baroon minnakanne maac gii’i bi immiibeet biisho budi biisho getteehe. Budi biisho miheena’ochi gaacoona yeshet biishoone.

Shaahiyoo:

- ⇒ Gennee kosho kachiibeetone. Dechaa kiireet `kosho` iibeet mihe biisho maayo iibeeton bekkiihe.
- ⇒ Bushee doyyoo ciichaa’a kosho danetan. Hiniichaa wotta `kosho` iibeeto shuunoo danoon bekkiihe.

Doyichoo: Doyeet mihe budi biishoon immi shuuraaro

Hajjiyoo I: Hiniyee desh giddet minnakanne maac dechaa kiireet miheena’och budi biisho imb.

1. Bushoo bulle aaboon bago tune beyeemmone?
2. Ne gaawe shuriyoona showoo bulla neenna shunechone.
3. Hanaach amiyoo eeppiibee heechiye.
4. Uro mashee waa'i kechi ashoon ciiciibee hariye.
5. Noon yibbaatoona xandii heechihone.

Hajjiyoo II: Hiniyee desh giddet miheena'on baribare budoochaa boono imo hakkimm biishoon gaache qaroona tune minnakanno kooribot.

Kemo : Bushoo asheena'on kemmite.

1. Miyo:
2. Qeejjoo:
3. Hidoo:
4. Biisho:
5. Emmisho:

Kuxo 6: Noonee koko: xappe minnakannoon koko

Xappe minnakanno: gutte xolle minnakanneena'on yeshiyoona halleebeet minnakanne shaahoone. Xappe minnakanne maacooch kocheebeet xolle minnakanneena'o yeshiyee mihoonaa baribare xefee malleteena'on gaachetaa yesheheete. Xappe minnakanne maacooch gaacciibeet xefee malleteena'oteppaa-quphoonaa quphoonane. Teppaa-qupho yeshiyee mihooyee aafi giibeeto bi tunemmona qupho wotta yeshiyee mihooyee gubb giihe.

Shaahiyoo:

Amiyoo oogii dihite.

Showoo miyaache.

Eb gutte xolle minnakanneena'on yeshiyoona xappe minnakanno koco hakkiyon.

Amiyoo oogii dihite; tunebaani, showoo miyaache.

Eb minnakanno xappe minnakannoone. Ebiyoo bi maacooch gutte boono qello hakkit xolle minnakanneena'o beeti qoodoochiye. Eb xolle minnakanneena'o yeshiyee mihoonaa xefee malleteena'onon gaacheetaa yesheteete.

Doyichoo: Xappe minnakannoon kocci shuuraareena'o

Hajjiyoo I: Dabbimm xolle minnakanneena'onyeshiiyee tachi xappe minnakanno koc.

A. Jemiili bunoo guppetan.

Kexo qeeccite.

B. Manooyeeri bago kemete.

Bi kechasheena'o baroon emiroona beshiiteete.

C. Aredda aabeeheechite.

Xum amiyoo dihii qeyite.

D. Arengi Kafi noonee koorico woddiyaa shemmahan.

Bi Kafinoonee daachoo michiyaache.

E. Annooba maayo shagaache.

Hagoor maayo gabiyooch aaxxite.

Hajjiyoo II: Dabbimm hinneena'on gaache xappe minnakanno koorib. Ne kooritiminnakannoon ne ga'ooch beet nuucheena'ona tookki tachiichi dojjechinoch bekkiib.

Shaahiyooch ichet hinneena'oochee keejjinnoon no
gaachemmogaata

⇒ Ta nuuchoo Naadoobichi taanna oogiyaa shunehon; ebich,
bullaabo tookkaa kaachehon.

1. Amiyoo kuujjiibeeto tunoonaa ne aabbi gattee biichi qayon
ciinnimmona
2. Ne gaawuchaa shemmoonaa ne guuche manee macecaa
elloonon ciinnimmona
3. Ta nuuchoo Naadoobichinaa taanna shunoonaa bullaabo
tookkaa kaayon ciinnimmona
4. Beegoniwoddii bi shemmoonaa beelle doyechi bi tunoon
ciinnimmona
5. Nuushoona yecho miximmo bi tunetoch nuushoona
yechoochee qelle quyo qaawiimmo tunoon ciinnimmona

Hajjiyoo III: Dabbii ichet qeppeena'on timo tuniiyee echet
shalligoon guuphona tune ceechi xappe minnakanno kooribot.

1. Doyee kexo qecheete; _____
2. Baaroo kattinnite; _____
3. Dn Qoopphiti bushooch kittoo kemetone; _____
4. Amihoo dihoo qajjite _____
5. Doyechina'o aame shemmo qajjiteete; _____.

HAAROO YIIXIYOO

SHOWEE SHUNO

Haaree gaboo: Hin haaree dooyee ciirooch:

- Ne elleet kooree shalligoon ne beeyi hinnoona xibiihin.
- Showee shunona yeshet shalligoon biriihin.
- Gaboo kotiyaa shemmehin.
- Showa shuneena'on worganehin.
- Shichoo ciinna shalligoo danehin.
- Shichoo ciinna biriyoo koorihin.
- libbe miheena'och budona degaa biisho immehin.
- Wutte minnakanne amittinoon biriihin.
- Minnakannoon tachaa koorihin.
- Xolle minnakanneena'on yeshiyaa wutte minnakanno koorihin.

Kuxo 1: Ello

Doyichoo 1: Elloyee aafinaa ellee goori shuuraareena'o

Hajjiyoo I: Hiniyee desh beet echeena'och ebiyee aafneech beet ariyoon gacheyee wochib.

1. Showee shuno amoone?
2. Showee shuno amoochee tiihe?
3. Asho bi showooch amo halloo hakkiye?
4. Showasho amoone?

Hajjiyoo II: Shemmeshee maacoochee moochaafon ciinnimmona shalligichoo yeshibee elleb.

Doyichoo 2: Ellee digene shuuraareena'o

Hajjiyoo I: Hiniyee desh giddet minnakanneena'o yechit shalligoon ne elleti shemmeeshoona dege tate shalligoo yechiton *Iberoo* tateyaanoon *Kooto* geti wochib.

1. Showee shuno geto showee bi maccoona tookkiyee dicceemmoch tuniyoo getone.
2. Gennoo showee dicoch ame heenoona aalloonee getaa gibeneeche.
3. Ikke showee shooddee shiishee ashena'ochi kiino, qocoona gibenoona showee dicoch gaaco beetaache.
4. Doyitina'ona shuunoo shunniibeet ashena'o boono showee dicoch ooge heenechina'one.
5. Showee shuno immona waat ettoon kochii wochoon daakkaache.

Hajjiyoo II: Hiniyee desh shemmeeshoochee kechit miheena'on boono biishoona xibiib.

A

1. Etto
2. Teeknoolooji
3. Showasho
4. Shoodiyoo
5. Diiddaaroo
6. Showee uumiyoo

B

- A.** Dichiyeemmo mucceto
- B.** Shuno
- C.** Ikke showooch beet asho
- D.** Ikkooch kicee iibaaree shuuno
- E.** Showee toommooch iritoo deewiibeet asho
- F.** Aco/ ariyoo

- | | |
|--------------|-------------------------------------|
| 7. Xuumaanoo | G. Iritaalli beemi shafiro |
| 8. Maroo | H. Ikke shuunoon kettoona |
| 9. Heeto | shuuneebeet saayinso |
| 10. Showee | I. Showoo dicceemmon tuniyoo |
| diggittino | J. Shiimo |

Kuxo2: Yibbaatoo – Ichet shimboon ciinnimmona nuucheena'ona mashaamoo

Mashaamoo: shalligoon gogoone. Baribare naboona nooch ikke mooshee toommooch baribare shalligoo beemo hakkiye. Eb baribare shalligoon ikke kaattooch deewi hinnoo mashaamoo getteehe.

Hajjiyoo: Hiniyee desh giddet shimbeena'ochee kaaciyee kuxoochaa guuphona iihaateebot.

1. No showoonaa ashi showoonoochee beemoch mashaamiibeeto aabine? Amooyich?
2. Ikke asho bi shuunoona barooye beshoon bi showoon deggiye imm shalligoo tatoone? Aakka?
3. Bi shuunoona aabichii shoween dego hakkeehe?
4. Abbay Hiddaasee Gabe shuunoon shuuno showee shunni shaahiyoone bi getteebeet naboo amogaata tiijji biriibot.

Kuxo 3: Shemmo

Shemmee digene yawo

Shiichit haareena'oochaa baribare shemmee digene yaweena'on ciinneton. Eb yaweena'o shemmeshee wochoon digenooch ooge

heenoo kaachiibeetina'o tunoon ciinneton.

Hin kuxoochaa no ciinneemmi shemmee digene yawo **kooree kocoon bariyoone**. No shemmaabeet shemmeeshooch ame koko beetogaata bariyoo ikke shemmee digene yawoone. Shemmeeshoo biriye woyee tochee koko biich beemo hakkiye. Eb kocoon bariyooch hakkiimm hinnoona shemmeebeet shemmecho shemmeshee wochoon kette gommona digeno hakkiye.

Doyichoo 1: Shemmoyee aafinaa shemmeegoori shuuraareena'o

Hajjiyoo I: Hiniyee desh adiwee ginona yeshet echeena'on shemmoyee aafneech beet ariyoon gaache wochib.

1. Adiwoo amoone?
2. Adiwoon ciinnimmona ebiyee aaf amo ariihote?
3. Adiwoo Topphiye maacooch aabiich danehe?
4. Adiwoo getteebeet showee shigo and beete aalle?
5. Adiwee gino koyet taateeno aaboone?

Hajjiyoo II: Dabbimmi "**Iteege Xaayiti**" iimmi shimbona giddet shemmeeshoochi inde shalligoo amoogaata aamebee shemmebot.

Iteege Xaayitu Bixuli

Gn. Xaayiti bo niheeno Dejjaazimaach Bixulinaa bo indeeno Gn. Yewubidaar waanee ceci 12/1832 M.N andi Debuub Gonder guudooch Debre Taaboor katemooch shiijjetone. Bo niheeno gine koyoonabo qitaa 13 natona Debire Taaboorin duppii bo indeenochi shiijjee showoo tunet Gojjaam hammitone. Gonder beechii bo kottit

doyoon Gojjaam hammii dabbii doyoona kooroon, shemmoon,
Gi'izoonaa Amaari nooneebekkaashe gaacheena'on doytone. Bo
doyoon ciichiichii baribare shuuneeariyena'ona
kiine**yiitittinoona** beshiti hakkoo booch beemo aricheebee waate.

Gn. Xaayitichi iiqqoon waayetina'o daggoochee ikkeeno Atse
Miniliikine. Atse Miniliiki yangi xaphishi 1869 M.N Bahar Daar waa'i
Gn. Xaayitichi indeeno Gn.Yewubidaar kexooch xiboonaa
nuuchoona danetoochaa Gn. Xaayitin shaagoch qolletone. Aree
hilloom yangixaphish 25/1875M.N Ankober katemoochaa boono
shaage shafiro gawaateete. Aroochee Keellawuddi 27/1882M.Nba
Gn. Xaayitu Bixuli 'Iteege' getaa shigoone. Aree gooroochee kottii
Gn. Xaayiti eb shigoona ubbe showooch arichetone.



Iteegee Xaayiti Atse Miniliikichbo shaakkeetoyee gubb bo
qoodiyaani ikonoomee, poletiikechonaa gibenoonaa yeshet**moosho**
aalloone. Iteegee Xaayit bo magechinochitaatittine goorooch ooge

boyechino tunee gaaccitone. Ebiyoo, andire ariyeena'ona shuuneena'onon Topphiyooch bo mashaamiyeemmoch deggitone.

libbe ariyeena'ona shuuneena'ona bare showoochee giyaacheemmoch aree goorooch woddeena'o megiteete. Tunebaani, showeechi dicoch bare ariyeena'ona baribare maachi hinneena'on gaacho qaawiimmo tunoon gibenona bo magechinon wodde gommona deggitone. Maachi teknoloojeena'on showee maac gijjii gaacooch heechiyee shuunoon shuunooch Atse Minilikin meeti megeena'o danetaanoona bo magechinochi kupphe degoona maccoo bare diccit showee teknoolojin bi gaacheemmoch hakkiitone.

Poletikoonaa gibenona yeshet**tootteyooch**shiichii danoona bo taatoochi shalligoon digeniyooch**qiiccetone**. Atse Miniliiki koyee mooderooch bo sha'emmona taatoochi aafoonaa wamona tune gaaccitone. Shige kichoocheekottii Addisaab katemmoon neechitino Iteegge Xaayitine. Battibatti hoteeloono Topphiyooch qechitone. Ebinaa bare bekkemm shuuraareena'ona bo shigo ubbe aaboon bi **ceekke** beeyeemmo tunete.

Iteegge Xaayiti bo poletikee hakkoona tunemmogaatoona kupphe kiinechinone. Xaaliyaaneena'o wucaalee mashaamooch boono kotiit teppeena'oochee mokasho 17ch beet shalligoo biishaa daboo bi tunoon eb shalligoon kupphii **megitone**. Mokashe 17 Xaaliyaaneena'o Topphiyeen miiximmi kaattoona dabii gaace toommooch heechiyooch boono shalligit goorooch "Eb shalligoon no mashaamooyee koyebon" getona shaddeyaani bo shalligoon arichiitone. Ebina Topphiyeenaa Xaaliyaanoona daggooch kaaro

kupphee hamona gine koyo echiyaani mooyo tunete. Atse Miniliiki maaco kuxxii'i Adiwa ginee koyooch kechitone. Iteege Xaayitiyo bo qelloona yaabiyeemmi 3000 baateechonaa 6000 mace ginechina'on dabbii'i bo magechinochi ga'ooch neexoona Boojj-giixaani 23/1896 M.N ba Adiwoochaa ettoon kochii dichitone.

Iteegee Xaayiti ginee koyo kottooye aaf shiichii ginee yaabechina'och gine koye yawoon/maroon giddiitane. Ebiyoo, ettee ginechina'o aaco boono ucheemmi aachi xuupheena'on dabbii yeshona miixoo hakkeemmo tuno bo giddiit shalligoone. Bo shalligoonoo Atse Minilliikinaa ubbe gine yaabechina'oona mashaamii etto aaco bi ucheemmi **xuupheena'o** Topphiye ginechina'ona yechehe. Ette ginechina'o kishoo imooyee beshetaa bare kaattoo mucceete.

Kicoona Iteegee Xaayiti baribare hinnoona showee tiqqee wochoon kechitinonaa Topphiye kiinoona bo kupphe shuunoon bekkiit genneenone. Iteege Xaayiti Bojjigiixaani 4/1918 M.Nba hini aagetoochee qitoona **baritone**. Tunebaani, bo shigoonaa bo gawaatitgallaame shuunoona baribare arichet Topphiye showee shunnechina'ona tookkii ubbe aaboon **shalligebee beeyeemmone**.

Doyichoo 2: Shemmee digene shuuraareena'o

Hajjiyoo I: Hiniye desh giddet echeena'on shemmeeshoona yeshiiye boono wocho tategaata *Iberootato* qayigaata *Kooto* geti wochib.

1. Topphiyooch batt-batt hoteelo qechito Atse Minilikine.

2. Iteege xaayit shohee imoyee beshetaa Adiwee gino koyiyaaneenone.
3. Iteege xaayit shiijjeti xaa'oo Bahir -Dar katamoochiye.
4. Adiwee gine koyee naboo Wucaale mashaamee 17^{ne} mokashoone.
5. Iteege Xaayiti Adiwee gine koye goora 3000 baatechona 6000 macechi koyechina'on yaabitone.
6. Atse Miniliki Adiwee gine koye nabeenone.
7. Iteegee Xaayiti taatee shalligoon maccooch gibenikkooch tootteyoona meeti heenoon kaachitone.
8. Adiwee gine goora etto aachi shachewoona bi miixiyeemmi maroon shiichii deewitino Atse Miniliikine.

Hajjiyoo II: Hiniyee desh giddet echeena'on shemmeeshoona yeshiyee qamini wochoo imb.

1. Iteege xaayit Debre-taabooren duppii bo hammiti naboo amoone?
2. Atse Miniliikin bare showee tekinoloojin gaache shalligoon megito kone?
3. Maachi teeknooloojeena'on gaachooch indittinoona deggito kone?
4. Batt-batti Adiwee ginoon koyebone iimmi shalligoon giddiito kone?
5. Iteege Xaayit shigoon showee tookk arichiit naboo amoone?

6. Etto kaate kishoo bi immemmooh naboo tuneti mooyo amoone?
7. Iteegee Xaayit aree goorooch Atse Miniliki ga'ooch bo aalloogaata amo tuneeshe?
8. 17^{ne} mokasho koye naboo bi tuneto aakkane?

Kuxo 4: Kooroo - shichoon biriye kooroo

Shichee biriyooh kooroo: shichoon ciinaa danet shalligoon kooroon giddiyoone. Shichoo kiinon bekkiooch gaaccibeet yawoone. Ebiyoo, mihoona no beshiyeesh kiinon shichoon bekkioo hakkiyon. Ebich shichooch no ciinnaabeet shalligoon wotta mihoon gaachaa biriyo hakkiyone getone. Eb hinnoo men shichoon beegaani ashich shichoon ciinnimmi biriyooh immiye.

Shaahiyooh; dabbimm shichoon ciinona no koorimmogaata



Dojjechonaa doyechina'ona kuchi maacooch doyaa-dojjee hinnooch beeteete.

Shichee maacooch doyee kuxooch doyaa-dojjee hinnoon gawaatiibeet dojjechonaa doyechina'ona beeteete. Boono beet kuxo xalloonaa doyechina'ochi kote hinnoo doyooch oogii mashaamimmone. Boono kuchi maacooch beet koteena' o shuurikkoona doyechina'o guuphona tune shuuneemmoch oogii mashaamimmina'one. Bushiisheena'ochi tahe hinnoo oogi macecikkimmo tunemmona kuchi gaawuttinooch ikke mallo tunete.

Boono dojjecho koorico yechii shemmee elliibee daggoochaa bi echemmona ikkikke doyechina'o wochee imoch kishoo kichiteete. Ubbe doyechina'o aafoochona koorico gaxxee bekkeebeete. Eb hinnoon qoppemmona dojjecho doyechina'on indiit yawoon gaacheebeeto shaahiye.

Boono doyee kuxo maaxoochaa beet emirikkibeet mocere kitaamitoon ciinooch hakkiimm mallee kellechone. Eb malle kello gamino tunetoch doyechina'o aqge ayeroon gaacheebee emiribee doyiibeeteete.

Kuchi maacooch beet doyechina'o boono haddoo meetaache. Eb hinnoo dojjecho doyechina'on bi barii ariyeemmoch hakkiihe. Ebiyoo, doyechina'och qaawiimmitate degoon bi immeemmonaa doyechina'ochi iiqqoon uumiyooch bi deggeemmonoch hakkiihe.

Hajjiyoo: Hiniyee desh giddet shicheena'on ciiniichi ittoshi digeneton biriyee kooribot. Ittoshi kooriton itto nuucheena'ona tookki ciini tachibot.



Kuxo 5 Mihe ariyoo – libbe miheena'och budona yeshet biishoon imo

Libbe miho: no gaachaabeet noonee maacooch woddiyaa no ariyaabeet miheena'o beemmoommon no ariyaani miheena'o beemo hakkiyeete. Eb miheena'o moochaafona yeshtina'o tuno hakkiyeete. Ebiyoo eb miheena'on no dano hakkimmo eb moochaafona yeshetonaani arooyee maach dano qayo hakkiyon. Ebich eb miheena'o bullaabo no gaacheyaaneena'o tuneti qoodooch iibbe miheena'o getteeheete.

Iibbe miheena'ochi biishoon digenooch hakkiimmi gommina'oochee ikkoo boono giit budon gaachoone.

Shaahiyooch; "*Kuccaano*" immi mihoon no ciinnemmogaata bi qelloona bi biishoon ariyaachon tunebaani dabbimmoommi hinnonaa ikke xaa'ooch no giijjimmogaata

Gaboogi bi indi wochet shuunoon ciichaachaa bi yefelleshoon maa, bi kechi shuunoon shuunaa, bi dooyee kechi *kuccaanoon* tahaa dooyee kexooch hammaabeetan.

Kuccaano immi mihoon ebiyee aaf ariyaachote. Ebich eb miho iibbe mihoone. Tunebaani, bi giit xaa'oon gaachoona bi biishoon geto hakkiyote.

Doyichoo: Iibbe miheena'och budona degee biishe immi shuuraareena'o

Hajjiyoo I: Dabbimm minnakanneena'o maacooch aaqqii kooreet miheena'on boono giit xaa'oochaa boono immit biishoon biriib.

1. Macceena'o kicee boono goge **maacoon** boono beshiibeet gomme riferendemo getteehe.

2. Maraaki **miriishaa'a** bi shiyet **gengirexxoon** duppachaa shuunooch giyahan.
3. Kupphe gochecho bi **maayeeemmon** baach tuneyaanon bi **maccooch** beddeemmon shalligiye.
4. Showee **uumaroo** ubbee macceena'ochonaani ikke ashi **qiiccoona** baach waataache.
5. Topphiye **wudeena'o**boono showoon quyooch boono kashoon **qixiteete**.
6. Manooyeeri bi nuucheena'o shalligoochee **wogiccii** bi qelli qaatoona shuuneebeete.
7. No gafeexi genneena'o shuuqqii **xaayaani** baaroon bottoona **moddeebeteete**.
8. Hagoori mashiqaree baaroo maayi aaxxoona tookkii kiisoon **xaxawayite**.
9. Bushoo boon oogii ippiitaa uppai guutii bo maacoon bi maataa wochii **yibixitone**.
10. Juuntee koye naboona boono showoochee maxxet macceena'ochi bushiishoo maayi shappoona diccii giddiyaanoon **keechiteete**.

Hajjiyoo II:Hiniyee desh shemmeeshoochee kechit miheena'och qaroona tunebudi biishoon imbot.

1. Moosho
2. Megoo
3. Mooderoo
4. Yiito

5. Tootteyoo
6. Xuupho
7. Baroo
8. Shalligiyoo
9. Ceekko
10. Kuxo

Kuxo 6 Noone Koco – Wutte minnakanno

Wutte minnakanno: boono kocoona no ciinnemmona minnakanneena'och baribare shaahoo beemo hakkiye. Eb kocoona yeshet shaaheena'oochee ikkoo wutte minnakannoone. Wutte minnakanno bi maacooch gutte woyee guttooyee dambe kanneena'on koccitone. Ikke minnakanne maacooch beet kanno ikkoo baach tunegaata aree mininnakanno xolloone.

Bare hinnoona wotta wutte minnakanno wulle mihe shuyoonaa ikko woyee ikkooye beshe menne mihe shuyeena'on bi maacooch yesho hakkiye. Wulle mihe shuyo getteebeeto bi maacooch shuyimoonaa kannoonon yesho hakkimmone. Tunebaani, holle shalligoon bi yeshaani qoodooch minnakannooyee bariye. Menne mihe shuyo kannoon woyee shuyimoon baach bi maacooch yechit kocoone. Eb qeppoon wutte minnakanne maacooch dano hakkiyon. Sha.

1. Yiich ne immet gijjoo aallete.
2. Yiich Miizaanee waat bushee hanaach Yimma hammetan.
3. Bushoo gattoo kemmii birewoo deewite.

4. Gn. Waahi bo busheen ciiccii tachitone.
5. Aakkiya bi waatogaata ariyaach.

Doyichoo: Wutte minnakannoon tachii kocci shuuraareena'o

Hajjiyoo I: Dabbimm shinnawunne giddet minnakanne kuxina'on gaachoona wutte minnakanno kocot.

Sha.asheena'o gabiyooch hammiibeeteete meeti gashee gijjoon

⇒ Asheena'o meeti gijjoo gashee gabiyooch hammiibeeteete.

1. kupphee Gaawe daachoon shuuno qaawiihe danooch
2. shacete yaabecho aalletaa linjee kiceet maccoo
3. dihitoch Amiyoo woddii dengete gommoo
4. immit Boono shuuneebeeteete dojjecho guuphona doyichoon doyechina'o kotee
5. kaarikulemo Andire heechite doyee qannii shuunooch

Hajjiyoo II: Hiniyee desh ichet shaahiyoon ciiniichi dabbimm minnakannena'on gaache wutte minnakanno kocot.

Sha.Miimo aaco uchite.Miimo michite.

⇒ Miimo aaco uchii michite.

1. Gabiya hammetan. Kiiho woocetan.
2. Hagoor amiyoo gawuchii dihite. Maayo woddii shaggite.
Gabiyooch maayo qallite.
3. Keri doyoo beshete. Keri emirite.
4. Showoo dappite. Showoo gochite. Maayo shookkite.

5. Kenaa mechoo biisheeteete. Bushishoo shacete
6. Kafi noonee doyyoon shunno. Kafi noonona kooreeton
gaawuchaa shemmo. Ta Kafi noonee daachoo gaawetone.
7. Gabiyaa hamb. Bushooch gabexoo kemeb.
8. Arengi magi shuunoon shuunetan. Arengi gifiroo maatan.
9. Doyee kexo qecheete. Doyechina'o doyyee kexooch
hammiteete. Doyechina'o kobereeteete.
10. Boongi katemoo xallette. Boongi katemoo hideete.

HAAROO AASHIROO

QAARE KEEMO

Haaree Gaboo: Hin haaree dooyee ciirooch:

- Ne elleti shemmeshee shalligooch biisho immehin.
- Qaare keemeena'ona yeshet shalligoon biriihin.
- Kooreyaanoona kooret keeme shaaheena'on bariihin.
- Qaare keemeena'ochi shaaheena'on sheqqehin.
- Keemeena'on tate biriyee hinnoona shemmehin.
- Shaahe gaacech qaare keemeena'on koorihin.
- Xawe amittinoon biriihin.
- Xawe shaaheena'on bariihin.
- Xawoon yibbaatee woyee kooree maacooch gaachehin.
- Yeshiyeena'ochi gaacoon bariihin.
- Yeshiyeena'on baribare hinnooch gaachehin.

Kuxo 1: Ello

Doyichoo 1:Ellooyee aafinaa ellee goori shuuraareena'o

Hajjiyoo I:Hiniyee desh giddet echeena'on neechshiichii beet ariyoon gaache wochib.

1. Qaare keemeena'on ciinnimmona amo ariinne?
2. Ne beet kitaamitooch gaacciibeet duubbi, nallefeena'on dachee, bottee kochi, dab.goora gaacciibeet keemeena'oochee ne ariimmon get.
3. Ebiyee aaf ne waayet qaare keemeena'on koni keemmitogaata ariinne? Eka keemeena'onaa gettitina'onon biriib.

Hajjiyoo II: Dojjechino woyee boonna kaachet

doyecho/chishemmeeshoon shemmemmona shalligichoo yeshibee
mull beshii elleb.

Doyichoo 2:Ellee digene shuuraareena'o

Hajjiyoo I: Dabbimm echeena'och ittoshielleti shemmeeshoona
yeshiiyee tate shalligechina'on *Iberootateyaaneena'on Kooto* geti
qaaroona wochib.

1. Ashi bushoo keemoon bi gaacheebeeto bi emiroon bekkiiyooch
baachiye.
2. Keemoashibushoochi mullee maac gii'i emiroonaa ayinoonon
shalligichiye.
3. Keemo shalligoona xuuxet eengoon eb shalligoochee
murichiihe.
4. Keemo kooreetona kooreyaanoona getaa gutte beera
qoodeeche.
5. Kooreet keemeena'o qaare keemeena'o getteeheete.

Hajjiyoo II: Dabbimm echeena'och shemmeeshoona yeshiiyee
guuphona tune bired wochoo imbot.

1. Ashi bushoo keemoon bekkiiyooch ame hinnoon gaachehe?
2. Asho emiroon bi bekkiiibeet keemeena'o aaboshine?
Ayinoonoch?
3. Kooreet keemoonaa kooreyaani keemoonochi barbarittinoon
biriibot.
4. Kooreyaani keemeena'ochi hajjecho maccoone getteeto
amooyichiye?

5. Ittoshich beet doyoochaa qaare keemeena'on gaache hinnooch shoddechonaa eekkechonochi heenoo beet naboo amoone iiyi shalligiyote?

Kuxo 2: Yibbaatoo: Qaare keemeena'on elleechiigeto

Doyichoo: Keemeena'on wochii getti shuuraareena'o

Hajjiyoo: Hiniyee desh giddet qaare keemeena'ochee ikkoon kaaci shaahiyooch bekketoommi hinnoona ame budoch bi giddetogaata guuphona tune gamichi biriibot.

Sha.

- 1/ Waatanani wobuwani
Waatanani wobuwani
Shokkoo shaanon shoohuwani
Shoci boodi qebuwaani
Sharaatoonoo kaayuwani
Daaddee tagoon giixuwani
Dachi shune qebuwan
Keneeshoona kaachaayuwani
Keno getaa qajjaayuwani
Maaci quci qebuwan
Maaxo kexo giixuwani
Mare mooyoon shixuwani

Eb keemee maacooch ikke maache bushee waanee qaaweebeet xure shuriyeena'on giddiiche. Ebiyoo ikke bushee shaakkiyaa bi hammemmona gaawe kechi gennee bi getteyeemmoch qaawiibeet mooyone. Ebich eb keemo gaare goorooch

bushoochi xibeena'o wo'ee qaawee qocoon ceechigaata biin
boono xibiyeemmo tunoon bekkiihe.

2 { Indeene taandeene
Indeene taandeene
Xaachaa dichitine
Aachaa gunnemmene
Aa'aane kaawine
Aangaane ciceene
Maayeennee maheenne? geton
Maataano hammeenene? geton
Taani konich aderenne?
Taani konich qixenne?
Yajjeroommi shoolloo kichaa maanjimmene
Yaallimmoommi qefo teegaa uchimmene
Baaree kexeexi showoo taa mame
Baareekexeexiaqqootaamame
Yeellomaggegaxechine
Yeshomeetiyarechine

3. { Ashich giidoo shiishee meetone
Aacoch giidoo yoochi womone
Gofee kicibe
Gooddoon no dabbooch gede
Ceelle doolloon
Ceeri yalloon
No dab dichib
No aameeton badd kichaay

Kuxo 3: Shemmo

Doyichoo 1:Shemmooyee aafinaa shemme goori shuuraareena'o

Hajjiyoo I: Hiniyee desh giddet echeena'on shiichii beet ne ariyoona yeshii wochib.

1. Keemo amoone?
2. Qaare keemeena'on ciinnimmona amo ariihote?
3. Ittoshi kitaamitooch doyeet qaare keemeena'o beeteete?
4. Qaare keemeena'o amee gooraa giddo hakkiyeete?
5. Qaare keemeena'ochi gaaco amoone?

Qaare Keemo

Qaare keemo ashi bushoo bi emiroon, ayinoon, bi amittinoonaa barbared shalligeena'onon kaachet miheena'on gaachee qaaroona ashich bi beshiibeet gommone.Qaare keemeena'o qaaroona baach besheebeet maccee gaanneena'one.Ebichi qoodooch qaare

keemeena'o shiijjeroochee shiijjerooch qaaroona woyee yibbaatoona besheheete.

Maccee hajjeena'one no immona qaare keemeena'och ikke qannayecho aallo woyee aricheyaano tunoon getochiye. Ebich, boonoshi hajjecho ubba men qaare keemeena'on gaacheebeet maccoone. Qaare keemeena'o boono maccee qocoon kaachii bekkiiheete.

Maccee gaannoo tuneti qaare keemeena'o woddeena'o tunemmona eb keemeena'o gawaatoon qaawiyeete. Gawaatoo shuuraaroona degge gidde hinnoone. Qaare keemeena'o guuphona gawaateeheete. Shaahiyooch daadech woyee dafech asheena'o shuunee duubon boono duubbimmona ikkoo ceeggiye bareena'o eekkeheete. Ebichi hinnoona bi gawaateebeeti qoodooch guuphi shuuraaron qaawiyeete.

Eb booneshi qaawiiibeet gawaatoo men giddeebeet keemooch budo tunehe getone. Shaahiyooch hiniyee desh giddetina'on ciino hakkiyon.

1. **Gimbee Geechee Keemo**

Ashena'o guuphona tune'e'i magge gimboon showoona geechooch boono gacheebeet qaare keemo:

Haa hoolle haayehoo

Haa hoolle haayeho

Yeero deebe haa hoolle

De'oo koce haa hoolle

Kubbaa qoolloo haa hoolle
Magaa baaroo haa hoolle
And neechaa haa hoolle
Bekke gimboo haa hoolle
And duushaa haa hoolle
Shiike bitoo haa hoolle
Noo mawinne haa hoolle
Nee mawiba haa hoolle
Noo maggenne haa hoolle
Nee maggeba haa hoolle
Haa hoolle, haa hoolle, . . . dab.getaa duuppehe.

2. Hichee Keemo

Ogooge asho qitimmona anaamina'o gengee qecoona guuddii neexe
yaaddeebbe ayinoon boono bekkiibeet keemo:

Haahoo Woohaa Haaho

Haahoo Woohaa Haaho

Badere aafecho . . . haahoo woohaa haaho

Be'och heeraawoo . . .haahoo woohaa haaho

Beddit doonon. . . . haahoo woohaa haaho

Qett michi genjoon . . . haahoo woohaa haaho

Qeemeexi yangoommon... haahoo woohaa haaho

Baqqach noochon. . . . haahoo woohaa haaho

Beddit maayechonhaahoo woohaa haaho

Yeepha'a bi daamaahaahoo woohaa haaho

Yexxa'a bi dichaa haahoo woohaa haaho

Eepo ta giyoocha haahoo woohaa haaho

Echoono ta giroochahaahoo woohaa haaho
Aa'e ta achoochohaahoo woohaa haaho
Aaye ta meenochohaahoo woohaa haaho
Eefote taach eefahaahoo woohaa haaho
Eenon taan tiishahaahoo woohaa haaho
Eefiichi cacheebonhaahoo woohaa haaho
Eechiichi magi hambon . .haahoo woohaa haaho dab.

getaahicheeche.

3. Gomme keemo

Ogooge asho qitimmona genneena'o kambechin dagg geddi
guudoona neexee okk hach yikireebee ayinoon boono bekkiibeet
keemo:

Wooho yehaa . . . wooho yehaa

Wooho yehaa . . . wooho yehaa

Geecoonee cennoone ... wooho yehaa

Gennoonee doonjoone.....wooho yehaa

Shimbeexi bukkaalloone ...wooho yehaa

Shiiton dicaanoone.....wooho yehaa

Daamo tuushibu.....wooho yehaa

Daammayi tuuribu.....wooho yehaa

Eefo erettoonewooho yehaa

Eretto koddoone..... woohoyehaa getaa gommeeche

4. Gaare Duubbi Keemo

Haaho haayeho Haaho haayeho

Haaho haayeho . . . Haaho haayeho
Bushee bushaaroo Bushee buushaaroo
Kone buushaaroo? . . . Noone buushaaroo
Bushee buushaaro . . . Bushee buushaaroo
Kone buushaaroo?. . . Taane buushaaroo
Uuch uddo duuchii . . . uuch uddo duuchi
Doochi Shaawujjooch. . .Doochi shaawujjooch
Utiroon quccii Utiroon quccii
Qoccee gaawuchooch . . . Qoccee gaawuchooch
Bushee buushaaroo.... bushee buushaaroo
Kone buushaaroo? . . . Noone buushaaraaroo
Kone buushaaroo? Taane buushaaroo
Ashi kenoona.. . . Ashi kenoona
Kaayo qayuwaani . . . kaayo qayuwaani
Aacoochi hami Aacochi hami
Yagoo qayuwaani . . . yagoo qayuwani
Aannee gaggeroon . . . Aannee gaggeroon
Shiime yeshuwaani . . .shiime yeshwaani
Aannee buchichooch . . . aannee buchichooch
Guudoon dufuwaani . . guudoon dufuwaani
Haaho, haayehoo . . . haaho, haayehoo
Haaho, haayehoo . . . haaho , haayehoo
Bushoo buushaaroo . . . bushoo buushaaroo
Kone buushaaroo? . . . noone buushaaroo
Bushoo buushaaroo . . bushoo buushaaroo
Kone buushaaro? . . . taane buushaaroo

Guute timmoona gutte timmoona

Gattoo eefiimmo . . . gattoo eefiimmo

Gutte gumboona . . . gutte gumboona

Yaroo eefiimmo . . . yaroo eefiimmo

Damba angesha . . . damba angesha

Gocheti teepphoon . . . gocheti teepphoon

Hami beeguwaani . . . hami beeguwaani

Haaho, haayehoo. . . . haaho, haayehoo

Haaho, haayehoo haaho, haayehoo, dab getaa

duuppeebeetaa wo'ee kexoochee kechahan.

5. Giraaree Keemo

Hin keemo aaddeena'o ginoochaa ettoon boono wushiimmona
boono anaammittinoon bekkiiyooch boono gaacheebeet keemoone.

Wooho inina Wooho ininaa

Wooho inina Wooho ininaa

Gaahee yalloona guudoo hidechoo

Gaare meenona bushoo dichechoo

Gaahoo wuxi'i gaaroo maanjimmoo

Gaadii shaabbi'i gurimoo uchimmo

Wooho inina Wooho ininaa

Wooho inina Wooho ininaa

Nooccimmi eeyon noonoochee kuxaanoo

Noorimmi colloona doshoochee kuxaanoo

Manoo cookena gagii kechimmo

Mataano quulloona getoo yaggimmoo

Kafi bushoone noochi shiishoone.dab, getaa giraareehe.

Doyichoo 2: Shemmee digene shuuraareena'o

Hajjiyoo I:Hiniyee desh giddet shalligeena'on shemmeeshoona yeshiiyee tategaata *Iberoo* tato qayigaata *Kooto* geti wochib.

1. Ashi bushoo bi emiroon, ayinoon, bi amittinoon dab.
keemoona beshiyoo hakkiye.
2. Qaare keemeena'o qaaroona baach besheebeet maccee
gaanneena'one.
3. Wodde aaboon qaare keemeena'o kooreetina'one.
4. Emiroon bekkiyooch gommekeemoon gaacho hakkeehe.
5. Gimbee geechee keemeena'o shuunechina'ochi giidee
kupphiyooch gaacciyee.
6. Qaare keemeena'o boono giddeebeet budo boonoshich beete.
7. Qaare keemeena'o kooree keemooyee boono giddeebeet
budona bariyeete.
8. Gommee keemo wodde aaboon gennoona giddebaani besh
beshee doonjoona giddo hakkiye.
9. Giraaree keemoon aaddeena'o woddii gaacheheete.
10. Gaare keemo gaacooch bi heechiibeeto wo'ee magena
baachiye.

Hajjiyoo II:Hiniyee desh giddet echeena'och shemmeshee shalligoon gaachoona giddet kaacina'oochee mashaamimmon kaaci wochib.

1. “Haahoolle haayeho” iibeeto ame qaare keeme qeppoone?
A. Giraaree C. Gimbee geechee
B. Gaare D. Gomme
2. Dabbimmina’oochee giraaree keemo tuneto aabine?
A. Wooho iinina C. Haahoo Wooha
B. Haaho haayehoo D. Haa hoolle
3. Ogooge asho qitimmona anaamina’ona giddebeet keemo_____ getteehe.
A. Gommo C. hichoo
B. Graaroo D. gimbee geechoo
4. Shoddecho gettit keemoon eekkechina’o wochii gettiibeet hinnoo beet keemo aabine?
A. Hichee keemo C. Gomme keemo
B. Gaare duubbi keemoD. Gimbee geechoo
5. Nooccimmi eeyon noonoochee kuxaano
Noorimmi collooon _____
Dambaa giddet keeme yaareena’oochee shappittooch ceechoo tuno
hakkimm keeme qeppoo aabine?
A. doshoochee kuxaano
B. gaaroo maanjimmo
C. getoo yaggimmo
D. noochi shiishoonee

Kuxo 4: Kooroo -Qaare keemeena’on kooroo

Qaare keemeena’o: shiichaa no ciinnetoommon qaare keemeena’o

baribare budon indiitaa giddeebeetina'one. Eb qaare keemeena'o qoce maacooch beet baribare hinneena'ona degee qanniyeete. Shaahiyooch qoce maacooch beet hineena'oochee gaaroon, daade shuunoon, dafe shuunoon, eefon, kechi daachee shuunoon, dab sheqqo hakkeehe. Eb hinneena'ona yeshet meet qaare keemeena'o Kafi qocooch beeteete.

Doyichoo: Qaare keemeena'on kooree shuuraaro

Hajjiyoo: Qaare keemeena'on ciinnimmona shiichii biriyoo giddete.

Eb biriyoona dabbii giddet shaahiyoo timo tuniiyee biriyoochaa giddet hinneena'oochee kaaci keemoon qaawi koori giddiib. Keemoon ne giddiimmona bi giddet budon biriyoo batteyaayote.

Shaahiyoo; Kechi daachee duubbi keemo: eb keemeena'o kexo daacheebeegoora mandaachoon aalliyoona shuunoon shittee ciichee gaboanon yeshaa qanniyeete. Duubona boono giddeebeeti qoodooch shuunecho mandaachiyaachemmoch kupphiyooch gaacciyee. Dabbi giddet eb budoch qannit keemeena'oochee ikkoone.

Haggetone daachaa tacetone	Woo wohoo
Hammetone hamma beddetone	Woo wohoo
Duuchetine ne mochoo biiijaaye	Woo wohoo
Duuchetine ne Goonoo cottaaye	Woo wohoo
Ne giimboon dugoo guudaaye	Woo wohoo
Ne gisheen baroo ciinaaye	Woo wohoo
Kambo imbe kawuci kaayona	Woo wohoo
Kakkoo imbe bunoo gufi uyona	Woo wohoo

SHABAATTINNEE KIME KAFI NOONOO

Malleche gifoo qechibe	Woo wohoo
Maraakoocho ne kaachibe	Woo wohoo
Woraafa noone anaamo	Woo wohoo
Woraafa noone aaddicho	Woo wohoo
Baaroocho noo quye qiddebe	Woo wohoo
Baaroocho noo quullaano ciine	Woo wohoo
Maachaa echeemmo uuxo kexo,	Woo wohoo
Maayo kachiimmo mixo aaco	Woo wohoo
Yeerina yibbaatehe qeeshoo	Woo wohoo
Yeeme aafo maciye kafoo	Woo wohoo
Hiiwaa Hahoyee.	

1. Bottee koyoch
2. Nallefee dachooch
3. Mashqaree baarooch
4. Gaashee bushoch
5. Dabboochee wottooch
6. Gaashee shoohoch
7. Goyee goyoch
8. Gaashee diijji goora

Kuxo 5: Mihe Ariyoo: Xawe yibbaatoon gaacho

Xawe Yibbaatoo

Xawo noonee gaache yaweena'oochee ikkoone. Xawo
beshiyooch qaawit shalligoon ellecho woyee shemmecho beshe
daqqoona digeneemmoch hakkiihe. Ebiyoo,ikke asho

yibbaatoona woyee kooroona bi beshiibeeti wocho iiqqoon daneyee shemmechon woyee ellechon macecikkiyeemmoch gaacciiye. Ebiyee, beshetaa xawo beshiibeet wocho ellechochi woyee shemmechochi qaatoon ceechooch gaacciiye. Xawo ellechochi woyee shemmechochi eengooch shichee shichoona shalligoono tuneba shiinoon tiijjee iiqqoo biich beete.

Xawe yibbaateena'o boono gidde hinnoommona baribare shaahechina'one. Doyeet xawe shaaheena'oochee hin kimooch tuneemmina'on dabbiyoona ciiniichi echeena'on shimittinnee kimoochaa ciinneemmoneene /ciinneemmineene.

1. **Goommiyee xawo:** hin xawo gutte boono halloona shaaheyaani mooyina'on deewii goomiichii men baribare mooyina'on ikkoo tuniyeemm gogee shuriyoon kichii bekkiihe. Ebi xawo -*choommon woyee shaahiye* imm goomiyee qecoon gaachehe.

Shaahiyoo: Uro qaachech kunaanoochommon ta toommooch bukkiye.

2. **Keree xawo:** hin xawo gutte halla baribare mooyina'on tunet naboona shaahiichii eb boono shaaheyoona timo tuniyoona ikkoon baroona kerii giddiihe.

Shaahiyoo: Bi noonoo eeyone

3. **Ashinnee xawo:** hin xawe shaahoo asho tuneyaani mooyoch ashi shuriyoon immiye. Ebiyoo ashooyee maach tunet kashech woyee kasho aalli mooyoch bi bekkiit tunet shuriyee woyee moochi naboona ashoona shaahiihe.

Shaahiyoo: Showee shaacetan.

Deco woccite.

4. **Oogaagichee xawo:** hin xawo giisheche iberoon yechii'i qeechii giddiibeetone.

Shaahiyoo: Dn Keemeti kechi maaco hareshoo yookkiihe.

Hanaachi injooch qelli eexoommi asho danete.

5. **Naahee xawo:** ikke asho bi tunet giishech gonde mooyon besho shappayoona giddiie. Eb xawo wodde kaalloon naadoo tuneyaanon naaggi woyee hoxe gaboon yeshaa getteehe.

Shaahiyooch: oogii shishet kosho ciinnii "meeqqeqqa eb kunaano dugulloo hakkii geechaache."

6. **Eetoone xawo:** gutte sheexe mooyina'on yeshiyoona shalligoon biriihe. Eetoone xawo mooyina'o amoommo boono woheemmogaatoona boono dano hakkimm gommon gaachoona shalligoon shaawujjii biriihe.

Shaahiyoo: Bi cikkoo taach wodde mooyon gettite.

Doyichoo: Xawe miheena'och biishe immi shuuraareena'o

Hajjiyoo I: Hiniyee desh "A" dechiich giddet xawe shaaheena'on "B" dechiich kotet xawe geteena'ona mashaamimmon xibiib.

A

1. Ashinnee xawo
2. Oogaagichee xawo
3. Goomiyee xawo

B

- A. Hareshee ceeroommi qellechi.
- B. Aroo bi ippeegaata qaaqqoone.
- C. Doshoo ta kishoon michite.

- | | |
|-----------------|---|
| 4. Keree xawo | D. Eboommi kooto aabbe |
| 5. Naahee xawo | woraafooch aalle. |
| 6. Eetoone xawo | E. Amoone boqqelloochoommon ne
boqqaabeeto? |
| | F. Eb manderee maaceexi bekko
taan tokketoo mucchiite. |
| | G. Bushee shuunoon maxine. |
| | H. Amiyoo maaddee xum beddaaha
eeppiibee heechiye. |
| | I. Dn. Keri miimi aangaa aaco
shuurimmoo shuuriyan. |
| | J. Bi ceexxo bi bulle achooyee
beshaa shaaddeemmo maweete. |

Hajjiyoo II: Hiniyee desh giddet minnakanneena'ooch beet xawe shaahoon qaroona tune barii kooribot.

1. Uro aricheyaani dingeroone. _____
2. Bushoo kocheemm gattoochoommon xuxiichi shaggiye. _____
3. Becheena'o yoochi amihoon danee'i geeciteete. _____
4. Hanaach aabo taan gondii xoobbite. _____
5. Shimaayooch beddimmi giimboo kuxxii deewiteete. _____

Hajjiyoo III: Hinniyeesh desh giddet xaweena'o toommooch guuphona ihaatechi boono shaahoonaa beshiibeet wochoononbiriibot.

Shaahiyyoo: Dn Keemeti hareshoo yookkiimm kexo haggitone. :

Xawe shaahoo: Oogagichee xawo

Biisho: Hakket kexo gamino tunoon.

1. Showoo gondii shaacete.

Xawe shaahoo: _____

Biisho: _____

2. Keriti mamoch qaccemmoone

Xawe shaahoo: _____

Biisho : _____

3. Shemmeyaano waat doyecho echo giddemmona yoochi amiyoo shaahiye.

Xawe shaahoo: _____

Biisho: _____

4. Kubbo kuchoo bi hamaa eppite.

Xawe shaahoo: _____

Biisho: _____

5. Ashi aafu qaaqqoochoommon michiye.

Xawe shaahoo: _____

Biisho: _____

Kuxo 6: Noonee Koco: Yeshiyye miheena'on gaacho

Yeshiyye miheena'o

Yeshiyye miheena'o gutte woyee guttooyee damba tunet noonee

kuxina'on yeshiiheete. Ebiyoo: mihoonaa mihoonon, mihe shuyeena'onaa mihe shuyeena'onon woyee minnakannoonaa minnakannoonon dab. yeshiyooch gaacciyeete.

Yeshiyee miheena'o baribare shaahechina'one. Eb shaahoo boono gaacoona yeshetone.

Yeshiyee miheena'o mihe toommooch xeppiyoona woyee boono qello hakkii kotee gaacoon imo hakkiyeete. Tunebaani, yeshiyeena'o mihe toommoocho xappeebeeta boono qello hakkisho kotebeeta yeshiyee gaacoon immiyeete.

Mihe toommooch xappee koteebeet yeshiyeena'o shaahiyooch, *-aa*, *-taana*, *-yani*, *-wani*, dab tunemmona boono qello hakkiiyeshiyee gaacoon immiibeet miheena'o:woyee, tunetaana, ebich, tunebaani,naboo, dab. immina'one.

⇒ Baribare boono qello hakkiti minnakanneena'on yeshiyeena'on gaachoona xappe minnakanno kochehe.

Shahiyooch:

-Maraaki gumboona deggahan.

-Keri gattoo gochiye.

- Maraaki gumboona degaa Keri gattoo gochiye.

-Keri gattoo gochite.

-Keri haaroo quyeyaache.

- Keri gattoo gochite; tunebaani haaroo quyeyaache.

-Keri haaroon quyee goyaache.

-Bechiyeemm doqqoo echete.

Keri haaroon quyee goyaache; ebichi qoodooch, bechiyeesh

doqqoo echete

Doyichoo: Yeeshiyee miheena'on gaache shuuraareena'o

Hajjiyoo I: Dabbimm minnakanne maacee yeshiyeena'on bariyee badd kichi minnakanne sheenooch ciiroochaa kotet hooyooch bekkiib.

1. Buyoonaa qaaqoona mashaamaacheete ._____.
2. Ne maayeemmogaata mam; woyee qay. _____
3. Bushoo bi maataana miyaache. _____
4. Bushee doyoona beelleene; ebich, dojjecho biin shunniye. _____
5. Qoopphiti kuphe bushoo tunemmona Keemeti yeexeroone. _____
6. Yeerkishi aajjiye; tunebaani, iritoochee keyaache. _____
7. Arengi bi bushoon shunuwani shiimeyaachan. _____
8. Hanaach gabiyooch gaashoo, baaro, teepphoonaa sheqoona mulloommon giite. _____
9. Koroone biiyo katineyoonaa kashona besheebeet biiyoone. Ebichi naboona asho biinaa biina gutte xaammoommo bi wohiyeemmoch booyeehe. _____
10. Hagoor maayo woddii aaxxite; tunebaani, shaaciyaache. _____

Hajjiyoo II: Guuphona tuneyee hiniyee desh sheqqeeti yeshiyeena'on gaache minnakannoon kooribot.

- 1) Eboommon
- 2) Tunebaani
- 3) Ebich
- 4) Tunetaana
- 5) -naa

Andire miheena'o (Glooseeri)

Miheena'o	Amaari biisho
Ashinnee xawo	ሰ ወሻ ዘ ይቤ
Banno	ማሻ ን ሸ ን
Barahittino	በረሃ ማት
Biriyee shallikoo	ገ ላ ጭድር ሰት
Budi biisho	አ ወዳዊ ፍች
Budo	አ ወድ
Buushaaroo	ዋስ
Ciicci goroo	ሚ ማዖ ተቋም
Cuuroo	መባዛት
Daaggii shuuno	በጎ ፈቃድ
Daree yibbaatoo	ኩሽት
Dawushoo	ማታለል
Deqqeri	ተሰቢ
Deqqeri koco	ተደራጊ አረፍተነ ገር
Eeheto	አዎንታዊ
Eengooch shichee halloo	ምናብ ሙፍጠር
Eetoone xawo	አያዎ ዘይቤ
Gamiyoo	ገቢ ማግኘት
Gibenikkech shallikoo	አሳማኝ ድርሰት
Goomiyee xawo	አነጻጻሪ ዜይቤ
Goor-xaa'oo	ሙፍት

SHABAATTINNEE KIME KAFI NOONOO

Gutoo	ሀውልት
Hallibi	አድራጊ
Hallibi koko	አድራጊ አረፍተነ ገረ
Holle shalligoo	ሙሉ ሃሳብ
Holle wullemihe shuyo	ጥገኛ ያልሆነ ሀረግ
Imaa-de'eyoo	ቃለ-ምልልስ
Iro	ማከበር
Kaame biisho	ቀጥተኛ ፍቺ
Keree xawo	ተለዋጭ ይህ
Keremmiyoo	ማከማቸት
Kooree koko	የጽሁፍ መዋቅር
Macaafito	ቅመማቅመም
Maxxo	ስደት/ማከደድ
Maxxo	ስደት
Megoo	መቃወም
Moochaafito	ጭብጥ
Naahoo	ምጽት
Niyoo	ፈላጎት
Oogaagichee xawo	ግንኙነት ይህ
Oroore yibbaatoo	መደበኛ ንግግር
Qaare keemo	ቃለዊ ግጥም
Shaahaaniyoo	አርአያ
Shaaho	ጥቅጥቅያለደን
Shalligee shichoo	የሃሳብ መደራጀ
Sharaare yibbaatoo	ኢ-መደበኛ ንግግር

SHABAATTINNEE KIME KAFI NOONOO

Sheboo	መጠና መን
Sheelloo	ከባድ መቀት
Sheeraalli daniyecho	ህገ -ወጥ ደላላ
Sheeralli maxxoo	ህገ -ወጥ የ ሰዎች ዝውውር
Sheeshoo	ሀተታ
Shikeroo	ተውላ ጠስ ም
Shittee shemmo	አቀላጥፎ ማንበብ
Shoottoo	ህዝባር
Showee shuno	አርበኝነት
Shuyimoo	ባለቤት
Taco/Tooco	ማጠቃለል
Tatittino	ትክክለኝነት
Timo	መሃ ሻ
Tochaasho	ገጸባህረያት
Tochee shallikoo	ተራኪ ድርሰት
Tochoo	ተረት
Tooco	ማጠቃለል
Tooneto	አሉታዊ
Tootteyoo	መከራከር
Uto	ሞኝ
Wonjoo	ብክነት
Worganichoo	ግነት
Wudoo	ጀግና
Wuroo	መባት
Wutte minnakanno	ውስብስብ አረፍተነገር

SHABAATTINNEE KIME KAFI NOONOO

Xappe miho	ድር ብቃል
Xappe minnakanno	ድር ብ ኣ ረ ፍተነ ገ ረ
Xawo	ዘ ይቤ
Xefee malletoo	ስ ረ ዓተነ ጥብ
Xuuxo	መጽሐፍ ቅ
Yeendere mihe shuyo	ጥገ ፍ ሀ ረ ግ
Yeeyiyoo	ምር ታመነ ት
Yemeeno /Yebeeno	ዘ መን
Yeyitoo	ኩላ ሊት
Yiito	ምሁር